


ბესდრეულს



ზ ი ნ ა ა რ ს ი

პ ლ ე უ ი ა:

ხარიტონ ვარდოშვილი—სათხოვარი სულთან

იასამანი—წერილი

დ. მეჩონგურე—სევდის წუთი

ობოლი მუშა { 1. ორი სარკე
2. ფიქრი შორეულზე

ვ. რუხაძე { 1. რისხვა
2. * * *

გ. ქუჩიშვილი—თბილისის ქუჩებში

ნ ე ლ ე ტ რ ი ს ტ ი კ ა:

შიო არაგვისპირელი—გაბზარული გული

ტ. გამსახურდია—ექვოტიური ნოველები

პრილ რუხაძე—* * *

დ რ ა მ ა:

ტრიფონ რამიშვილი—ფრთა მოტეხილი ყორანი


ავტორები მოთავსებულია ანბანზე

8(05)
W-733

სისარწყელა

ყოველ-თვიური ჟურნალი

პოეზია ★★★★★
ბელეტრისტიკა
დრამა ★★★★★
კრიტიკა ★★★
გიზლიმგრაფია



№ 11
თ. 1920
1920

3 7 2 9 1 5

ხარიტონ ვარდოშვილი

სათხროვარი სულთან.

სულო: გადაგრევეს ეს მღელვარება
 ყოფნა უფერო და შემხუთველი;
 შენ გაგიყოლა მზის ელვარებამ
 მაგრამ ვერ ჰპოე ნავთსაყუდელი.

დამწვიდდი კარგი, გემუდარები
 ტირილით თავი ნუ მოიკალი.
 დახშული არის ბედის კარები
 და სავლელ გზებზე ღმუის გრიგალი.

შენ არ გიყვარდა შური და კვებნა,
 თუმცა ბევრი გყავს დასაგმობელი.
 ავდრიან ღამეს მოხველი ქვეყნად
 და უღიმილოდ შეგხვდა სოფელი.

წარსულში გახსოვს ბევრი აღერსი
 მაგრამ არა ხარ ჩემში შენ ხშირად.
 გიყვარს სიმაღლე უმწვერვალესი.
 პოეზიისთვის თავ-გასაწირად.

გზებზე დაგიხვდა ბევრი ზამთარი
და ჯოჯოხეთის შავი სანთელი.
სახრჩობელები შენთვის მზად არი
და გელოდება კორიანტელი.

შუალამეში შედიხარ მარტო
ლამის ტირილი გესმის ნანებათ.
შენც ატირდები და ჩემზე დარდობ
ჩემთვის სიკვდილი არ გენანება.

ელვიან ცეცხლის ხარ მადევარი
გიყვარს ვულკანის დიდი ანთება.
გაშინებს მეხი და სატევარი
შორიდან როცა მოგელანდება.

ჯავრი და სევდა შენ უნებური
უხილაჲ გზებზე დაგდევენ მხლებლად.
და ვარსკვლავები გახუნებული
შემოგხედავენ დასაშინებლად.

ანგელოზები აღარ გფარავენ
წმინდა ჯვრებით და შავი დანებით.
შენ ლამეები მოგიპარავენ
და გაწამებენ კუდიანები.

გიყვარდა ღმერთი, შენი მიზანი:
და აღარ იცი რაღა ხარ ეხლა.
შენ თებერვალი გვიან იცანი
და ისევ გელის გრიგალთან შეხლა.

ცხოვრება რუხი და საძაგელი
ის აღარ არის რაც იყო წინად.
და შავი მთები, მუხით ნაბელი
მოსჩანან გზებზე ცოდვის გვირგვინად.

სულო: დიდის ხნით ნუ წახვალ სხვაგან
გაქცეულ ფირალს ნუ ედარები.
მე ვიღუპები სიცივისაგან
დაბრუნდი ჩემთან გემუღარები.



იასამანი

წ ე რ ი ლ ი

წარმოვიდგინე: მკრთალი ლამპარი.
 სანთლით მოთლილი უცხო თითები.
 არვისთვის სანდო, არვის სადარი,
 რაზმი ზვიადი, დასარიდები.
 ვთქვი: არა ერთხელ მძიმედ დამწვარი,
 ვიდრე ჩავქრები, კვლავ ავინთები.

ერთხელაც არის გიპოვის თვალი,
 მუდამ დაღლილი შენი ხსენებით.
 დაგხატავს აზრი, სიამით მთვრალი—
 რილობით, კრძალვით და შესვენებით.
 უკანასკნელათ ჩაჰქრება ალი
 გარდაუვალი ჩემივე ნებით.



დ. შერიშვილი

ს ე მ დ ი ს წ უ შ ი ი

როიალი ქვითინებდა,
 და თითები ცეკვაობდენ.
 წარსულისა ყრმობის ამბავს
 ნაღვლიანად მომითხრობდენ...
 სულ სიყვარულს დავეძებდი,
 მარად მდევდა შური-მტრობა...
 აწ ქალარას არა რა სურს,
 დამიჩლოუნგდა აზრი-გრძნობა...
 მე წარსულში ვიხედები,
 აწმყომ გული დამისერა...
 განაჩენი ჩემის ყოფნის,
 მუხთაღ ბედმა დამიწერა...
 იქვითინე, როიალო,
 ოცნებაში დამამკვიდრე,
 სინამდვილეს განმაშორე,
 ჩამოაძრე შავი რიდე...
 როგორ მისწყდა ეგ შენი ხმა,
 როგორ ნელა აქვითინდი!
 აქ არა ვარ—იქ, სადღაც შორს
 აზრ-გონებით გადავფრინდი.
 მაშ დასრულდა?!. ამაოა...
 რაც რომ არის—ჩემთვის კვდება.
 რაღათ მინდა მე აქ ყოფნა,
 ყოველივე თუ გაჰქრება?...
 დაჰკა, დაჰკა მაგ კლავიშებს,
 გადალახე ყოფნა კრული.
 იქვითინე და ქვითინით
 დამიმშვიდე გულის წყლული...

ოპოლი მუზა

მ რ ი ს ა რ კ ე

I

ყრმობა, ოცნების ლამაზ ფერებით
 წითელ რიჟრაჟზე შეყვარებული,
 ნაზი აღერსით და მოფერებით
 მზის მოლოდინში ამღერებული.
 დროთა ტრიალის ცვალებადობა.
 რწმენა, იმედი და ბორკილები.
 ლამის წყვდიადში ფიქრის განდობა,
 და ველურ მტერთა ბასრი კბილები.
 გიჟურად ბრძოლის ცეცხლის დანთება,
 და გოლგოთაზე სულის ქვითინი.
 წამების ჯვარიც აღიმართება,
 გაისმის ირგვლივ გველთა სისინი.
 მაინც ოცნება უხილაე მხარეს
 ისე სიამით გადაექსოვა,
 რომ ძველი ყოფნის დროთა სამარეს
 სამარადისოთ გამოეთხოვა.
 და ყრმობის დილა ლამაზ ფერებით
 პირველ სარკეში ლანდათ მჩინარე
 ისე მილიმის ტკბილ მოფერებით,
 ვით ნაზი ბავში პირ-მომცინარე.

2

წანგრევთა შორის მოხეტიალეს
 გულს რისხვის ალი მოეკიდება:
 ნეტავი რისთვის დაიგვიანეს,
 ბნელ წარსულს ჩრდილი რომ ეფინება?!
 ძველი დიდება ქარიშხლის ფრთებზე
 დაიმსხვრა, როგორც შავი ყორანი.
 გოლიათებმა ფოლადის მხრებზე
 აათამაშეს ყოფნის ბორანი.
 არის ძიება უფსკრულთა შორის
 წმინდა მიზნისკენ მიმავალ გზების,
 შორეულ სხივთა ფრქვევა ამბორის,
 წინსვლა მებრძოლთა რიცხვმრავალ წყების.
 ქაოსის სახე განუქვრეტელი
 და ალთა გზნება წითელ ენებით.
 დრო, მიწის შვილთა ბედის მკედელი
 მიაფრენს ცის რაშს ელვის ჭენებით...
 და ამ სარკეში უცხო ზმანებას
 სურს სიყრმის აჩრდილს ნაზათ ემთხვიოს,
 რადგან შორს, ცისკენ მიექანება,
 რომ იქ ვარსკვლავებს გადაეხვიოს.



ფიქრი შორეულში

დროთა მღუმარე სასაფლაოზე
გავშალე ყოფნის დიდი რვეული;
ის დაღადებდა მხოლოდ ქაოსზე
ცივი სიკვდილის ჩონჩხად ქცეული.

და მელანდება შეუცნობელი
საშინელება და ყინულებითი.
ნეტავ უბედო წუთისოფელი
სტკებობდა რომელ საუკუნეთი?!

სად იყო, სადა ბედნიერება—
ლამაზ ოცნების ნაზი ლამპარი!
თუ მარტოდენ ქვეყნიერება
სასაფლაოა გაუმადლარი?!

გაივლის ჟამი. და იმედები
ახალი ყოფნის ნეტარებაზე
ამღერდებიან, როგორც გედები
შავად დანისლულ უკვდავებაზე.

მოვა ოცნების ნაზი მშვენება
და აღსრულდება ნატვრა სულისა.
მაგრამ არ იცის დრომ დასვენება:
რასაც აშენებს, ანგრევს სულ ისა.

ელვარებს ცეცხლი ფერად ალებით
და სცივია ფერფლი სამარის კარზე.
და უკუნეთი შავი თვალებით
ოცნებობს მარად, ოცნებობს ქარზე.

და ვფიქრობ: როცა დრო შორეული-
სულს წმინდა დროშათ ააფრიალებს, -
ნუ თუ ბნელეთი პირ-ახეული
მასაც დამარხავს, გაათიალებს?!

იქნება ისევ სწრაფვა ჟამისა,
და ყოფნა იგი კვლავ განახლდება...
მაშინ ბედშავი ძე-ადამისა
რომელ მხარეში გადასახლდება?

და მელანდება შეუცნობელი
ცივი ქაოსი და ყინულეთი,
ამაოება დაუნდობელი,
ბნელი უბსკრული და უკუნეთი!



ვარლამ რუსაძე

რ ი ს ს ე მ ე

ა

ჩამოვიარე მთელი ქალაქი,
 არ დამიგდია არც ერთი ქუჩა.
 ვნახე მსაჯული, ვნახე დალაქი,
 დიდი ბატონი და ქარხნის მუშა:
 ყველას სახეზე ამოვიკითხე
 სხვა და სხვა ფიქრი, სხვა და სხვა გრძნობა
 და გულ-ნატკენი თავს დავეკითხე:
 ვინ დაამყაროს ერთობა, ძმობა?

ბ

ახ, ქრისტევ, ქრისტევ! წამების ჯვარი
 იმისთვის ზიდე, მისთვის ატარე,
 იმისთვის შესვი ნაღველი, ძმარი,
 ეკლის გვირგვინს ქვეშ თავი დაჰხარე,
 რომ სათუთ გრძნობას: სიყვარულს, ძმობას,
 საუკუნეთა დახშოდა კარი,
 ტახტი დაედგა სიწმიდის გმობას,
 ცას აწვდენოდა გლოვა და ზარი?!

გ

მომეცით ცეცხლი! მომეცით ცეცხლი!
 მინდა დავბუგო ქვეყანა ძველი,
 გავაცამტვერო ოქრო და ვერცხლი,
 რომ არ ხარობდეს იუდა გველი!
 ეგება მაშინ მაინც აშენდეს
 ახალი აღთქმის წმიდა ტაძარი,
 ქემმარიტების დროშა დაშვენდეს
 და აციმციმდეს ძმობის ლამპარი!



* * *

დღიურ ვარამით დატვირთული, ქანცმილეული,
 როგორც ეული, მივეგდები საღამოს ჟამზე,
 წამიდან წამზე მსურს მეწვიოს ძილი გრძნეული,
 სული ეული რომ ჩამოხსნას წამების ჯვარზე.
 შემოვა ღამე ფანჯარაში საშიშ თვალებით,
 გიშრის რკალებით შემოზღუდავს ჩემს ვიწრო სამყოფს,
 დიღამდე დაჰყოფს, სულს დაჰფარავს სევდის ალებით.
 და ვალალებით გავათენებ: ვგავ ომში ნამყოფს.
 მაგრამ როდესაც აფეთქდება დილის ცისკარი,
 როგორც სიზმარი, ღამე წყნარათ გაიპარება,
 დაიფარება ფერადებით ბრძოლის ფიცარი
 და მზე—ცისთვალი—გაიღიმებს, ვით ნეტარება,—
 მეც ახალ ძალით, ახალ რწმენით შევიმოსები,
 ფიქრთა მგოსნები მეწვევიან ვარდისფერ ფრთებით,
 მავსებენ ხმებით, ეკრიმანჭულობ. როგორც ფრთოსნები,
 და ქრელ ოცნების სარეცელზე ვისვენებ შევებით.



ბ. ქუჩიშვილი

თბილისის ქუჩებში

ვიხეტიალებ, ვიდრე მოქანცულს
 სადმე ქუჩაში მიმეძინება,
 დამეხიზმრება ჩემი ბავშობა,
 ია და ვარდი დამეფინება,
 დამავიწყდება შავი ცხოვრება
 შვეების კრემლები დამედინება,
 მოვა დარაჯი და ბურანში მყოფს
 შემომესმება დედის გინება,
 ვამელვიძება, შევხედავ ცერად
 და მწარედ, მწარედ გამეცინება.

გავყვები ქუჩებს, თბილისის ქუჩებს,
 ამიტირდება ბალღივით გული;
 და ამ წანწალში, ამ ხეტიალში,
 ვგრძნობ, აღმომხდება ნათრევი სული.



ბელესტრისტიკა

გ ა გ ზ ა რ უ ლ ი გ უ ლ ი ¹⁾

(ქართული არაგვი)

5

ასე ცხოვრობდნენ მახარე და ირემა ტყეში, ვიდრე თოვლმა არ დაჰტარა არე-მარე. მახარე ისე დავაჟაკდა და ისე ბრვე გახდა, რომ მამისაც კი ვეღარ იცნობდა ეხლა რო ენახა. მუდმივმა მოძრაობამ სრულებით შეუცვალა ელფერი.

საქონელი სულ ბარში ჩალაგდა და ზამთრის საძოვრებს მოედო. ცხვარი და ცხენის ჯოგი ყველაზე ადრე წავიდა მთის საძოვრებიდან. ეხლა ჯერი მიდგა მელორეებზე. მარტო ეხლა ამორეკეს მელორეებმა ტყეში ღორი. საზამთროდ აუარებელი საზრდო იყო ღორებისთვის ტყეში. მუხამ და წიფელმა ბევრი მისცა ღორს. მიდამო მთლად მოფენილი იყო რკოთი და წიფლის თესლით.

ღორების ქყვიტინი შემოესმათ თუ არა, ირემამ უთხრა მახარეს:

— ცოტა ხანს კიდევ დავრჩეთ აქ და შემდეგ კი ქვევით — ბარში ჩავიდეთ. დარწმუნებული ვარ აღარავინ მეძებს და თამამად შეგვიძლიან მწყემსებთან ერთად ბინა დავდეთ...

— შეჯოგებთან!..

— ვისთანაც უნდა იყოს! უპასუხა ირემამ და ცეცხლი გააჩალა მწვადებისთვის.

რაც ეთერი დაკარგა და ტყეში გამოიჭრა, მახარეს გონებას სულ ერთი და იგივე კითხვა არ ჰშორდებოდა: „რითი დაიმსახურა სეფეწულმა ეთერის სიყვარული?!“. იმას ისეთი წარმოდგენა ჰქონდა, ვითომც სეფეწული უნდა ყოფილიყოს ყოველის მხრივ შემკული, თორემ ეთერი იმას არ აირჩევდაო... „მაშ მარტო ხელოვნობა, რისამე შემოქმედება არა კმარა სიყვარულის და მსახურებისთვის, — ფიქრობდა მახარე და ირემას ხშირად, ვითომც ისე, სეფეწულის ღირსებებზე ჰკითხავდა... მაგრამ მახარე დარწმუნდა ირემას პასუხებიდგან, რომ არც ისე შემკო-

1) იხილეთ „ცისარტყლა“ № 10.

ბილი იყო სეფეწული, როგორც ეგონა. თითონ ცდილობდა დაწინაურებულიყო, სრული ყოფილიყოს. სხეულს ავარჯიშებდა მედგრად. აკი კიდევაც სრულებით შეიცვალა. ეს მახარე გამხდარ შეგირდ მახარეს აღარა ჰგვანდა. ნადირობაში უკვე ირემას გაუსწრო. შვილდ-ისრების კვებაში ხომ ირემასთან შედარებით საჩქაროდ ოსტატის ადგილი დაიჭირა, რამაც ირემა სულ გააკვირვა და დაუმონავა. შვილდს უფრო ძლიერი ლარი აუბა, ლარი გაუკეთა ისრისთვის, თითონ ისარი კი უფრო მძიმე ხისა გამოსჭრა. შედეგი ამისა ჩქარა ნახეს. პირველ ნადირობისასვე ამნაირ შვილდ-ისრით სწორედ იმ ადგილას მოარტყა ისარი, რა ადგილასაც ნადირს დაუმიზნა, და ნადირი იქვე ჩააჩოქა ისე ღრმად ეტაკა ისარი...

ირემას პასუხებმა დაარწმუნეს მახარე, რომ სეფეწული საუკეთესო ცხენოსანი იყო. ამისთვის მახარემ მოინდომა მეჯოგეებთან ყოფნა, რომ ცხენოსნობა ეცადნა...

ირემამ უკვე მწვადები დააშიშხინა, რომ ამ დროს თავს წამოადგათ შვილდ-ისრით შეიარაღებული შუახნის ვაჟკაცი, რომელსაც უკან დასაპალნებული ცხენით ახალგაზრდა ვაჟი მოსდევდა.

ირემა მწვადებით და მახარე კიდევ თავის ფიქრებით ისე იყვნენ გართულები, რომ ვერ შენიშნეს, თუ როგორ მოვიდნენ, ვიდრე შუახნის კაცმა არ წამოიძახა: — აქა მშვიდობა!..

— მშვიდობა მოგცეს ღმერთმა! უნებურად უპასუხა ორივემ და განცვიფრებით შეჰხედა ახლად მოსულებს.

წამს გონს ვერ მოვიდნენ ირემა და მახარე. მაგრამ ირემამ იცნო მელორეთ უხუცესი, მაშინვე მიჰხვდა და მიიპატიჟა...

— კეთილი იყოს შენი მოსვლა! ჰჩანს ბარშიაც თოვლი მოსულა, ტყისკენ ამოვიწვია და აქ ბინის დადებას აპირობ...

— განა შენც ეგევე არ ჩავიდენია!..

— არა, ბიძავ, ჩვენ ეხლა ამ რამდენიმე დღის შემდეგ აქიდან დავიძვრებით!.. უპასუხა ირემამ და შემდეგ მახარეს შეეკითხა:

— არა, უგულოვ?!.

მახარე მიჰხვდა, რისთვისაც შეეკითხა ირემა და მოკლედ უპასუხა:

— ჰო, ჩემო ლომავ!...

ახლად მოსულისთვის ეხლა გამოირკვა, რომ ესენი ბინის შემცილებლები არ იყვნენ, და ამისთვის სახე გაუბრწყინდა. თორემ ამან ამ ზაფხულსვე დაათვალიერა ტყე, ნახა, რომ მუხას და წიფელს მშვენივრად ასხია, დაბინავებაც კი ამ პანტის ქვეშ ირჩია მაშინვე, რადგანაც შუა ტყეშია... წყალიც ახლო აქვს ამ პანტას. ღორი საითაც უნდა გაერეკათ, სადამოთი ამ პანტაზე ახლო ადგილს ვერ იპოვიდი...

როცა ამ პანტის ქვეშ ვილაყვები დაინახა, განრისხდა, ჩხუბის ატეხასაც უპირებდა, თუმცა ჯერ მიესალმა.

ეხლა კი გამბიარულდა, რაკი მოცილებები არ აღმოჩნდნენ და ბიქს განკარგულება მისცა:

— მოჰხადე ე ცხენს და არაყი ამოიღე!..

მერე გადაჰხედა ნახევრად გატყავებულ ჩასუქებულ ხარ ირემს და წამოიძახა:

— ოი, ოი, რაზე ჰბუგავთ ამ მშვენიერ ირმის ხორცს ცეცხლში!.. მელორისტვის ხორცის ყველა წვეთი ოქროთ ღირს... თქვენ კი აგრე უდივრად მშვენიერი ნაჭრები წამოგიცვავთ ჩხირებზედ და მთლად სიპოხიერე ცეცხლში იბუგება... უთუოდ მეფისა ან რომელიმე ბატონის მოსამსახურენი ხართ?!

ირემა აწითლდა.

მახარემ მაშინვე უპასუხა:

— მეფე თვალთ არ გვინახავს... ბატონებთან კიდევ ჩვენ არავითარი საქმე არა გვაქს... ჩვენ მონადირეები ვართ და ერთი ადგილიდგან მეორეზე გადავდივართ.

— თქვენც იმათ გზას დასდგომიხართ!.. დაზოგვა არ გცოდნიათ... ეხლავე გასწავლით.

სთქვა, თუ არა მაშინვე ტყავი გაიხადა, ამოიძრო ქამარში გარტობილი ქარქაშიდგან სათული და ირმის ხორცს კაფვა დაუწყო... მშვენიერი მსუქანი სხეული ირმისა ითლებოდა ულმობლად ძვლებიანად იმის ხელით პატარა ნაჭრებად.

— ახლავე მოვლენ ჩვენებიც. ქვაბებს მოიტანენ და... ბუტბუტებდა ამ მუშაობის დროს მელორეთ უხუცესი...

მართლაც არ გასულა დიდი დრო, რომ თავს წამრადგა რამდენიმე დასაპალნებულ ვირებით კარგა დატლუებული ახლგაზდა ივეთივე ტყავებით, როგორც ეცო უხუცესს...

ამათ რა ნახეს ირმის ხორცის ნაჭრები, თვალეზი აწთოთ სიამოვნებით. „აქა მშვიდობა“ თქვეს, თუ არა, მაშინვე ვირები გაანთავისუფლეს, შესაფერი ქვაბი საჩქაროდ მოამზადეს. ისეთივე სიჩქარით ლოდები მოიტანეს, შორი შორს დააწყეს, შუაში ცეცხლი გააჩაღეს უგანკარგულებლივ და დაჭრილი ხორცი, ჯერკი ცალკე გადაწყობილი ქონი ჩაყარეს... მერე შემოდგეს ქვაბი ცეცხლზედ და ხუფი დააფარეს. ირემა და მახარე თვალს ადევნებდნენ...

— ჩქარა იქნება!.. წამოიძახა მელორეთ-უხუცესმა... და შემდეგ ერთს, რომელიც ყველაზედ უმცროსი იყო, უთხრა:

— აბა, დედისავ, აგერ ი ბუნწკნარის იქით ამ ზაფხულს ხშირი შვინდი ენახე. გაიქე და, თუ ტოტებზე შერჩენია რამ, მოიტანე.

მაშინვე იქით გაქანდა დედისა და სულ მოკლე დროს მთელი კონა შვინდის ტოტებისა მოიტანა. ტოტები გაკუნწლული იყო შემხმარ შვინდით, ჯერ თოვლს თავისი გავლენა ვერ მოეხდინა და ისევ ზედ იყო...

— უჰ, რამოდენა შერჩენია!.. წამოიძახა მელორეთ-უხუცესმა. ნახევარი საკმარისია ქვაბში ჩაჭყაროთ. დანარჩენი კი შეინახეთ... მერე, დედისავ, ძალიან ცუდი ჩაიდინე, რო ასე ჩამოგილეწია შვინდი... ხვალ ყველანი წავიდეთ, ტოტებს კი ნუ მოვამტვრევთ, შვინდი მოვკრიფოთ და შევინახოთ. ამ ზამთარს გამოგვადგება...

6

მახარესთვის ცხოვრების ეს მხარე სულ უცნობი იყო და ამისთვის ის გაფაციცებით თვალ-ყურს ადევნებდა მელორეთ-უხუცესის მოქმედებას და სიტყვებს. ირემაც აგრევე იქცეოდა... იმას ხელში შეჭრა თავისი შემწვარი მწვადები და არც კი მოჰგონებია, რომ ამას შექმა უნდა...

— აბა, ეხლა ე შენი გამოფიტული, ლომავ, მწვადები მოგვაწოდე და, სანამ მომზადდება სადილი, შეგნაყრდეთ...

ირემამ ეხლა და მოისახრა, რომ თხილის ტოტებზე წამოცმული მწვადები ხელთ ეჭირა...

— აბა, დედისავ, არაყი მოაწოდე ჩვენ სტუმრებს...

მახარე სწრაფად აენტო და წამოიძახა:

— სტუმრები თქვენა ხართ და არა ჩვენ!..

— მართალს ამბობ, უგულოვ, თუმცა გული ჩქარა მოგივიდა, მაგრამ გავიწყდება: ჩვენ ამ ზამთარს აქ ვრჩებით, თქვენ კი ორი-სამი დღის შემდეგ წასვლას აპირობთ... ტკბილი ღიმილით უთხრა მელორეთ-უხუცესმა და იმავე კილოთი განაგრძო: „მაშ დღეის შემდეგ თქვენზე ზრუნვა, როგორც მასპინძლებს მოგვანდეთ. ჩვენ დიდი მადლობლები ვართ, რო მაგრე დაგვიხვდით. მაშ ამის სამადლობლოდ თქვენზე დღეის შემდეგ ვიზრუნებთ..."

ასეთმა კილომ მახარე სულ დაარბილა, და მოხუშული სახე გაეშალა.

ამ დროს დედისამ გოზაური*) მოუტანა და პატარა ყანწი გადასცა.

— დედისავ, დედისავ, პური და მარტილიც მოაყოლე... რად გინდა ყველაფერი გითხრა?! ხომ ჰხედავ პური არა ჩანს, მაშ რაღა თქმა გინდა?!

*) გოზაური დიდი თიხის ქურქელია, რომელსაც ტუჩი აქვს წამოშვებული, რომ ცოტა ცოტად შეიძლება დეს დასხმა.

დარცხვენილი დედისა სწრაფად გატრიალდა...

— ეს ღმერთმა აღდგერძელოს სტუმარ-მასპინძელი... დაიწყო მელორეთ-უხუცესმა, როცა დედისამ პური მოიტანა, მახარემ კიდევ მწვადების ნაჭრები ზედ წაადრო, თხილის ტოტები გაანთავისუფლა... უძლიეროს მკლავი და ქონება უღლეველი, საქონელი უმრავლოს და მინდორ-ტყეში კიდევ სანადირო ნადირი...

— აგრე იყოს!.. უპასუხეს ერთხმად: ყანწი მძიმედ გამოცალა მელორეთ-უხუცესმა, სახე სიამოვნებით დაექმახა და ძლივას წამოსთქვა.

— ძალიან ცხარეა!.. ჭაჭის*) წინწანაქარია. განგებ ტყეში წამოსაღებათ მქონდა დაგლესილი, ვინახავდი, და, მართლაც, კარგად შენახულა!.. უღვაშები ჩამოიწმინდა, პურის ლუკმა პირში ჩაიღო და ერთი ნაჭერიც მწვადისა მიაყოლა...

ჭამით ყანწი ისევ შეავსო და მახარეს გაუწოდა.

— აბა უგულოვ, იგემე და მითხარ როგორ მოგეწონება!..

მახარემ ჩამოართვა ყანწი.

— რალაც აკლია ამ მწვადს!.. წამოიძახა მელორეთ-უხუცესმა, როცა დაღეჭილი ლუკმა ჩაყლაპა და ჩაიგემოვა...

— დედისავ... დედისავ!.. ჩქარა მარილიც მოგვაწოდე, თორემ...

— ჩვენ სულ უმარილოს ვჭამთ!.. წამოიძახა ირემამ...

— ღვთის მადლით, ლომავ, ჩვენ მონადირეები არა ვართ!.. მარილის გემო კარგად ვიცით...

ირემას უნდოდა ეთქვა; „ჩვენც კარგად ვიცითო“, მაგრამ ჩაიციხნა და ამის მაგივრად წამოსთქვა:

— ჰო, მონადირეს არ შეუძლიან სამყოფი სანოვაგე თან ატაროს...

— შენ რალას დაჰტყერი მა არაყს, არ დაჰლევ?!.. მიჰმართა მელორეთ-უხუცესმა მახარეს...

მახარე მართლაც დაჰტყეროდა ყანწს და თან უსმენდა ლაპარაკს.

როცა მელორეთ-უხუცესმა მოაგონა, რომ არაყს დალევა უნდა, მაშინვე ხელი ყანწით პირთან მიიტანა და ოღნავ წაილულლულა:

— ასრულდეს შენი ნათქვამი!.. და საჩქაროდ გამოცალა ყანწი...

მახარეს სუნთქვა შეუდგა, თვალები დაექყიტა და გამოცლილი ყანწით ხელი ჩამოუვარდა... წამს ასე დარჩა, ვიდრე ჩაფორიაკება სითხისა ძირამდის ჩავიდოდა, მერე კი მოეშვა. სიამე იგრძნო... თვალები გაუბრწყინდა...

მელორეთ-უხუცესი თვალს არ აშორებდა, როცა მახარე არაყს ჰსვამდა, და იმის შემდეგ ხელი ჩამოუვარდა. იღიმებოდა...

*) ჭაჭას აღმოსავლეთ საქართველოში ყურძნის დაწურვის შემდეგ ნარჩენებს არყისთვის ამზადებენ...

როცა მახარეს თვალები გაუბრწყინდა, შეეკითხა:

— როგორია?!

— ცეცხლწყალა!..

— ცეცხლწყალა!.. ოჰ, რა ნამდვილი სიტყვა სთქვი?! ნამდვილია. რატომ ვე სახელი თავში არ მომივიდა?! გაიძახოდა მელორეთ-უხუცესი და ალერსით შეჰსცქეროდა მახარეს... მახარემ ყანწი გადააწოდა და ისეც მადა აშლილს წინწანაქრის შემდეგ უფრო მადა აეშალა... დედისამაც ამ დროს მარლილი წინ დაუყარა, და მახარე დამშეულ მგელსავით წაესია. მართლაც ეხლა იგრძნო მარლილის მნიშვნელობა...

ირემამაც გადაჰკრა ყანწი. იმანაც იგრძნო სიმწვავე და სინელუ და წარმოსძქვა:

— მართლა ცეცხლწყალა ყოფილაო!..

— უგულოვ, დარჩი ჩვენთან... ჩემ შემდეგ უთუოდ შენ გაჰხდები მელორეთ-უხუცესი!.. შევედრა მახარეს, მაგრამ მახარემ ყური მოიყრუა. ის გამალებით ანადგურებდა პურს და მწვადს...

ამ დროს ღორი მოედო ჭყვიტინ-ღრუტუნით არე-მარეს. ყველა მელორეთ-უხუცესი წამოადგა და სადილს მოელოდა. რასაკვირველია ერთი ფარა ძაღლისაც.

ქვაბი უკვე ჩუხჩუხებდა, მელორეთ-უხუცესი კი გაიძახოდა სიამით: „ცეცხლწყალა, ცეცხლწყალა“!..

7

სამი დღის შემდეგ მახარემ და ირემამ წასვლა დააპირეს. მახარეს მელორეთ-უხუცესთან სავარჯიშო არა ჰქონდა რა. მართალია სასიამოვნო იყო მელორეთ-უხუცესის დარიგება და სადილის მომზადება. კინალამ თითები ჩაიკენიტა, ისე გემრიელი გამოდგა მელორეთ-უხუცესისგან მომზადებული სადილი... მეტს აქ ვერას ისწავლიდა...

წასვლის წინა ღამეს მელორეთ-უხუცესმა მშვენიერი ბურვაკი დაუკლა ვახშმად და თავისებურად მოუმზადა. რასაკვირველია, ვახშმის წინ იმან „ცეცხლწყალა“ ჩამოარიგა, მერე ღვინოც და კარგად მოქეიფდნენ. უკვე კარგა შეღამდა, რომ მელორეთ-უხუცესი, მახარე და ირემა ისევ ისხდნენ და ბაასობდნენ... დიდიხანია მწყემსები ვახშმის შემდეგ ტყეში შევიდნენ ღორების საყარაულოდ. ირგვლივ ტყეში ღორები იყო მოთავსებული მყუდრო ადგილებში. იმათი ძილის ღრუტუნი და დრო გამოშვებით გამოურკვეველი ძილის ჭყვიტინიც მოისმოდა. ამას ყოველთვის მოსდევდა რომელიმე ძაღლის ზანტი წამოყეფვა, და აგრეთვე ზანტი მძინარე მწყემსის წამოძახილი: „ჰაი, ჰაი“!..

მთვარე ქათქათებს... ირგვლივ დათოვლილი ტყე მთვარის ჩრდილ-შუქზე დიდებულ საოცნებო ბჭყვრიალა თვალ-მარგალიტებით შემკულ სასახლეებს მოამგზავსება... პანტის გარშემო კიდევ პატარა ველი, თუმცა აქიქყნილი იყო მწყემსების ფეხით, მაინც კარგა ადგილი იყო დარჩენილი უმანკოდ, და, აი, ეს ადგილი მთვარის შუქზედ მოელვარებდა, ბრჭყვინავდა, თითქოს გულუხვს მძლავრის ხელით დაუზოგველად გადუსროლია ძვირფასი თვლები და აუღამასებია ეს მიდამო. ხარბი თვალი აქ სამუდამოდ დაღლილობისგან სამუდამოდ დაიხუჭებოდა, რადგანაც ვერ აპკრეფდა ყველა საუნჯეს...

მახარე გაიტაცა ამ სანახაობამ... დიდხანს აცქერდებოდა ტყის ერთ ადგილს. ყურს არ უგდებს მობაასებს...

რას ჰხედავს?!

ეთერი გადმოწოლილა კოშკის სარკმელში თავის თლილი მკლავებით და იწვევს თავისკენ...

მახარე სწრაფად წამოდგა და იქით გაეშურა...

— აბა ჩქარა დავიჭიროთ, თორემ დაიღუპება!.. წამოიძახა მელორეთ-უხუცესმა და მახარეს დაედევნა.

ირემა მაშინვე წამოხტა და სწრაფად მახარეს წინ გადაუდგა...

მახარე შესდგა...

— საით მიემგზავრები, ძმობილო? შეეკითხა ირემა.

მახარემ ირემას მხარს გადაჰხედა... იქ ეთერი აღარ იყო... გამოერკვია და უპასუხა:

— ისე, გავლა მინდოდა!..

ამ დროს მელორეთ-უხუცესიც მოვიდა და უკან დაბრუნდნენ...

— ამას წინად გთხოვე, უგულოვ, ჩვენთან დარჩი მეტქი, მაგრამ ეხლა გეუბნები: წადი... წადი... ამ წამსვე წადი, თორემ ცუდი შედეგი მოგელის. იმ წყეულს, შეგატყე, ტყის დედოფალს თვალში ამოუღიხარა და უეჭველად დაგღუპავს... უთხრა მელორეთ-უხუცესმა, როდესაც ისევ ცეცხლს გარს შემოუსხდნენ...

— რა ტყის დედოფალი, რას ამბობ?! გავლა მინდოდა მხოლოდ, სხვა არაფერი!.. უპასუხა მახარემ და ნუგუზლები წაჩინჩხვრა.

წამს აკვამლდა ცეცხლი, სულ ჩქარა კვამლს მოელვარე აწოწიებული ენა აეეღვა და სწრაფად ეს ენა ნუგუზლებს მოელვარე გვირგვინად დაემხო... კვამლი სულ მიიძალა, და იქ მჯდომთ სახე ალაპლაპა...

— ტყის დედოფლისკენ კი არ წავალ, თუ წავედ როდისმე, ჩემი დედოფლისკენ წავალ!.. ვიცნობ ჩემ დედოფალს!..

მკვეთრი სახე მელორეთ-უხუცესისა ცეცხლის ალზე უფრო გამოიმკვეთრდა... ზვალეები გაუფლვდა, და ოდნავი მწუხარების ღიმი ბაგეზე გაუკრთა...

ჩქარა იმას სახე დაუმშვიდდა და წყნარის ხმით დაიწყო...

— გული შემომივარდა, ჩემო უგულოვ, შემიყვარდი, როგორც ჩემი შვილი და ამისთვის ვაფრთხილებ... ტყის დედოფალთან ხუმრობა არ ვარგა... გულში ჩაგიკრავს თუ არა, მაშინვე გაგიყინავს და წუთი-სოფელს გამოგასალმებს... ძალიან მაცდურია. ნამეტნავად მელორეებს ემტერება... უთუოდ მელორე ჰგონიხარ, რო შენ ამოვირჩია... იმან იცის საუკეთესო ბიჭის ამორჩევა. თითქმის ყოველ-წლივ ხდება ხოლმე ეს, მაგრამ ჩვენ ფრთხილად ვართ: რაწამს ამოვირჩევს რომელიმე მწყემსს, მაშინვე იმას ტყეს ვაშორებთ და ამით სიცოცხლეს ვუნახავთ. სხვანაირად ვერ გადურჩება იმ წყეულს...

— ყური დამიგდეთ, ეხლა გვიამბობთ ტყის დედოფლის ოინებს... განაგრძო მელორეთ-უხუცესმა... თუ რა დაჰმართა ბიძაჩემს...

მახარემ და ირემამ ყურები ცქვიტეს და მთლად სმენად გარდიქცნენ...

8

„... ჩემ ბალობისას ბიძაჩემი იყო მელორედ... მეც ღორებში დავდევიდო ხოლმე ბიძაჩემს... აი, სწორეთ ამ დროს ღორები ტყეში ამოვლალეთ...“

„ღვთისნიერი იყო მელორეთ-უხუცესი. ბიძაჩემი ახალგაზდა, წამოსადეგი ვაჟ-კაცი, გამბედავი და უშიშარი... შე რო დაგინახე თავალებით მიმავალი, მაშინვე ბიძაჩემი მომაგონდა... მიჰმართა მახარეს ამ სიტყვებით და განაგრძო: „მაშინვე გვიამბო ტყის დედოფლის ოინები და გაგვაფრთხილა... ნამეტნავად ბიძაჩემი ამ სიტყვებით: მგელავ, — მგელა ერქვა ბიძაჩემს — ამ ზაშთარს შენ უნდა უფრთხილდე... შენზე უკეთესი ჩვენ შორის არავინ არის და ი წყეული, თუ ბრმა არ არის, შენ ამოვირჩევს... ამისთვის ნურც ნახულოს აჰყვები და ნურც გაგონილსაო... თუ რამ დაინახო, ან ძახილი გაიგონო, მაშინვე გამალვიძეო...“

„ბიძაჩემს ხელზე შეჩვეული ჰყვანდა ერთი კერატი*). გვერდიდგან არ ჰშორდებოდა ბიძაჩემს. საცა ბიძაჩემი დაწვებოდა დასაძინებლად, ისაც იქ ფეხთით უწვებოდა და ტკბილ განცხრომას ეძლეოდა... უნდა ვსთქვა, კერატი ძან გალადებული იყო და დათესაც კი შეებრძოლებოდა... მერე ისეთი ტანი ჰქონდა, რო კვებულა ზაქს მოგაგონდებათ... იმ ღამესვე თურმე მოეჩვენა ბიძაჩემს ტყის დედოფალი...“

* კერატი — მამალი ღორია სანაშენოდ გაშვებული.

„... ყველას ჩაეძინა—ასე დაიწყო მეორე დღეს ბიძაჩემმა, როცა გონს მოვიდა მთლად ნაკაწრი და ნათრევი—მე კი რალაც არ მეძინებოდა... გული რალასაც მიჩქროლავდა და რალაც არ მემორჩილებოდა... დიდხანს ვიბორგე და უეცრივ ვიღამაც დამიძახა: „მგელავო!..“ ისეთი ნაზი იყო ეს ხმა, რო სულ გულღვიძლამდის ჩამივიდა... თვალის დახამხამებაზე წამოვჯექი და აქეთ-იქით მივიხედმოვიხედე, მაგრამ ვერაფერ ვნახე... ცოტა ხანს ასე ვიჯექი. მინდოდა მივწოლილიყავ, მაგრამ რალაც ფეხზე მაყენებდა... რითქოს რალაც ჩაუბამთ ჩემ სხეულში და წამოყენებას ვიღაცა ცდილობსო... მთვარე ამოსულიყო და ყველაფერი მოსჩანდა... აქნობამდის შორი არე-მარეს ვათვალთვლებდი... ეხლა კი წინ დავიხედე და სწორედ ჩემ ფერხითთ ჩემ კერატს შევასწარ თვალი, რომელსაც გულიანად ეძინა... ამ დროს ჩემ და უნებურად წამოვდექი და რამდენიმე ნაბიჯი წინ წავსდგი... და რას ვხედავ?! ერთ წიფლის ქვეშ სდგას მზით-უნახავი ქალი სულ ვერცხლის ქსოვილით შემოსილი და დედოფლურად შემკული თვალ-მარგალიტით... მიცქერის და მიცინის... თან ხელს, ბროლის ხელს მიქნევს და თავისკენ მიწვევს. მეც გავეშურე იმისკენ. მივდივარ გამაღებული იმისკენ, ისიც იმავე მომხიბლავი ღიმილით და ბროლის ხელის ქნევით თან და თან საითკენღაც მიდის... მიდის... მიდის და მეც თან მივდევ... აგერ გადაეშო რალაც ხევში და იმის აჩრდილი გზის მაჩვენებლად ხევის პირას ამემართა... მივირბინე საჩქაროდ... აჩრდილი გაჰქრა. იმის ადგილას მე დავდექი და გადავიხედე... ღმერთო, რა სანახავი იყო!.. თავბრუ დამესხა. პატარა ხევის პირას ბროლის სასახლე. სარკმლები სულ ღია იყო. ერთ სარკმელთან ის დავინახე... მოესწრო კიდევაც გახდა და თავის სარეცელში ჩაწოლა... მერე რა სარეცელში!.. სულ ენთებოდა და იქიდგან ბროლის მკლავებს მიწვდიდა და თავისკენ მიწვევდა ჩასახუტებლად... წამს შევდექი. თავში უეცრივ გამიეღვა აზრმა: „ოჰ, რა ნეტარებას განვიცდი იმის მკერდზე!..“ და მაშინვე ფეხი ავიღე გადასაფრენად, რათა ჩქარა ჩავხუტებულიყავ ნეტარებას, რომ ამ დროს ლაჯებშუა რალაც გაინძრა და ამგლიჯა დედამიწას... უკან გამაქანა, მოტრიალდა ხევისკენ ზურგი მაქნევინა და გაეშო...

„ჯერ გონს ვერ მოვედი, თუ რა დამემართა... დავიხედე წინ და ჩემი კერატი ვიცანი... არ მეგონა, თუ კერატი ამედევენებოდა... ამისთვის შეეშინდი... თმა კალხზე ამიდგა... ეშმაკი ჩემ კერატად მომეჩვენა მეთქი. მოვლუნდი, მოვიღეშე და კერატიდგან გადმოვვარდი... მაშინვე ისაც შესდგა და თავით მომექცა. მეშინოდა იმისკენ მიხედვა. ვგრძნობდი, ის იქ იდგა... ამ დროს დავინახე ჩემ პირ-და-პირ ხევის პირას, იმავე ადგილას, საიდანაც ხევში ჩაეშო, ის... ეხლა უკვე პერანგის ამარა... ღმერთო, რა ლამაზი იყო?! იმისი სხეული, ბროლის სხეული, თავის უსწორ-მასწორობით ისხივებოდა პერანგიდგან... ბნელა მომგვარა... წამოვბ-

ტი მაშინვე, თითქოს ახლად დავიბადეო და არც რამ შიში მიგვრძნიაო!.. დამავიწყდა ეშმაკი ჩემი კერატის სახით და გავქანდი დედოფლისკენ... მაგრამ სწრაფად კერატი წინ გადამელობა და ისე ძლიერად მკრა გვერდი, რო იქვე გადვიჩეხე... თვალი მაინც არ მომიშორებია ჩემი დედოფლისთვის... ის ისევ იქ იდგა და უკვე ნაღვლიანის ღიმილით მაინც თავისკენ მიწვევდა... კერატი კი წინ მედგა ეხლა გაალმასებულის ეშვებით. გამიკვირდა კიდევაც, რომ ეშვები არ მოიხმარა და მარტო გვერდი მოიხმარა... აღარ მეშინოდა კერატის... ისევ წამოვდექი და დავაპირე წინ სვლა დედოფლისკენ, მაგრამ კერატმა ისე შემომაკვესა თვალეზი და ეშვები ისე გააკაბუნა, რომ ფეხის გადადგმა ვეღარ შევძელი... უეცრივ მოვიფიქრე, ზურგი მეჩვენებინა კერატისთვის... ასეც მოვიქეცი, ვუბრუნე ზურგი და სწრაფად გავიქეცი... ვგრძობდი, დედოფალი იქვე მელოდა... კერატისა კი აღარა მესმოდა რა... კარგა ხანს მივრბოდი და როცა ბუწნარს წავაწყდი, მაშინ შევდექი და ვიბრუნე პირი... ჩემი დედოფალი მომმახლოვებოდა იმავე სახით... სწრაფად ხელები იმისკენ გავიწოდე და მინდოდა გავქანებულიყავ, რომ ამ დროს კერატმა წაიღრუტუნა და... გაწვდილი ხელები ჩამომცვივდა... თვალი დამიბნელდა... კერატი წინ იყო აალმასებული... პირ უკულმა ნელ-ნელა წაველ... თვალს დედოფალს არ ვაშორებდი, რომელიც უფრო ნაღვლიანად მიწვევდა თავისკენ... ზურგი ბუწნარს მივაბჯინე... მე მაინც უკან ვიხვედი... ზურგით ბუწნარს მივარღვევდი... ვგრძობდი საშინელ კაწრვას მაყვლისგან, მაგრამ მაინც უკან ვიხვედი, რომ კერატისგან მიმემალა თავი...

„კერატის სუნთქვაც აღარ ისმოდა... შევდექი...“

„დედოფალს ადგილი ეცვალა. ჩემ დასანახავად სხვა ადგილი ამოერჩია... ის თავისკენ მიწვევდა... ჩაება ჩემი სხეულისთვის ძაფები და ისე მიზიდავდა... არ შემეძლო არ წავსულიყავი... ჩემი სხეული იმისკენ მიისწრაფებოდა...“

„მეც მაშინვე ისევ იმისკენ წამოველი... ბუწნარიდან გამოვყავ თავი თუ არა, მაშინვე კერატმა ისე გამიკაბუნა ეშვები, რომ უკანვე წავძვერი... აქეთ ვეცი იქით ვეცი, მაგრამ ვერას გავხდი... თურმე გაუფალ ბუწნარში შევმძვრალიყავ... ერთად-ერთი გზა ისევ უკანვე გამოსასვლელი იყო...“

„მეც ასე მოვიქეცი, მაგრამ მცველად ამ გზისა ისევ კერატი იყო... ისევ შოელვარე ეშვებით...“

„ხელთ არა მქონდა რა, რომ შევბრძოლებოდი კერატს...“

— არ ჰგვანებია უგულოს, თორემ... უნებურად წამოიძახა ირემამ.

— როგორ?.. შეეკითხა მელორეთ-უხუცესი.

— ისე რომ...

მაგრამ ამ დროს მახარებ ირემას ცერად შეჰხედა და ეს საკმარისი იყო, რომ ირემა გაჩუმებულიყო და აღარ განეგრძო...

— ლომამ ძალიან უდრო-უდროს იცის შეკითხვა... განაგრძე... განაგრძე უხუცესო!.. შეეხუმრა მახარე მელორეთ-უხუცესს, რაკი იმან ირემას გაჩუმებაზე ორივეს რალაც უცნაურად გადაჰხედა...

მელორეთ-უხუცესი მაინც იმავე სახით ხან ერთს შეჰხედავდა, და ხან მეორეს, ამბის გაგრძელებას მაინც არ აპირობდა...

— მოუთმენლად მოველი შენი ამბის ბოლოს, უხუცესო... მიჰმართა ცოტა სიჩუმის შემდეგ მახარემ... შენ კი, ლომავ, კრანტი აღარ დასძრა, თორემ...

— ჰო!., თითქოს გამოერკვიაო მელორეთ-უხუცესი ამ მიმართვაზე... ჰო... რას ვამბობდი?!

— ბიძაშენს ხელთ არა ჰქონდა რა!..

— ჰო!.. ბიძაჩემმა სთქვა: „ხელთ არა მქონდა რაო, რომ კერატს შევბრძოლებოდით... ჩემი სული და გული დედოფალთან იყო, რომელიც ისე მომხიზლავდ მისწევდა თავისკენაო... მაგრამ მიახლოვებას კი ვერ ვახერხებდი, რადგანაც შუაში გააღმასებული ეშვები გვერქოო...

„... რიჟრაჟამდის ასე ვიყავით... რიჟრაჟისას კი დედოფალი მიმემალა... მაშინვე იმ ადგილისკენ გავქანდი, სადაც ის იდგა, რადგანაც კერატი ეხლა მუხების ქვეშ რკოს დაეძებდა და ღრუტუნებდა... შუაში ეშვებს აღარ გვიღმასებდა... მაგრამ ველარ ვიპოვე დედოფალი... ხევისაც გადავხედე, მაგრამ იქ სასახლე არ იყო... თოვლის ნამქერი იყო მიყრილი, სადაც დედოფლის სასახლე იდგა... გამოვტრიალდი გულჩაწყვეტილი და... ჩემი კერატი ღრუტუნით მეაღერსება... შემეზიზნა... ფეხი ვკარი... წაიჭყვიტინა, მაგრამ ისევ აღერსით შემომღრუტუნაო“...

— იმავე დღეს ბიძაჩემი ცხონებულმა მელორეთ-უხუცესმა შინ გაისტუმრა... კერატიც უკან აედევნა, მაგრამ ბიძაჩემმა ისე ჰკრა კომბალი გვერდში, რომ კინალამ გვერდის ძვლები არ შეუმტვრია, და შეევედრა მელორეთ-უხუცესს: „გეთაყვა, ე კერატი არ გამამაყოლოვო!“ კერატი დაიკარგა...

— რამდენი კაი ვაჟკაცი გაუფუჭებია იმ წყეულს!.. ზამთარი არ გავა, რომ რომელიმე ბიჭი არ გამოგვაკლდეს. თუ ნადირმა არ გააფუჭა, ბინის ახლო სადმე ნამქერში გაყინულს ვპოულობთ ხოლმე... ეს სულ ტყის დედოფლის ოინებია... კიდევ კარგი ბიძაჩემი გადარჩა... მაგრამ რა გადარჩენა იყო?!. იმას შემდეგ აღარ გაუცინია... საქალეთი შესძულდა... ვერ უხსენებდნენ ცოლის შერთვას... ან კი ვინ მოეწონებოდა ი დედოფლის შემდეგ. ვზიდან ისე გადავარდა, რომ უცოლ-შვილოდ ამოიფხვრა...

— ღმერთმა მტერსაც კი აშოროს იმისი ხილვა... განაგრძო ცოტა სიჩუმის შემდეგ... ხილვა კიდევ არაფერი. თუ გაიტყუა და თავისთან ჩაიგორა, მაშინ ცოცხალი აღარავინ გადურჩება... თურმე ისე ჩაიხუტებს, ისე დაეწაფება ვაჟკაცს, რომ ნეტარებით რაც კი რამ სიმხურვალე აქვს სულ დედოფალს აძლევს და თითონ კი იყინება...

— არა სჯობდა ბიძაშენს ეგ დაჰმართნოდა, ვიდრე ისე გაუცინრად ამოფხვრა?! წამოიძახა მახარემ და დააშტერდა მელორეთ-უხუცესს...

მელორეთ-უხუცესი ჩაფიქრდა... კარვახანს ასე ჩაფიქრებული იყო და შემდეგ წამოიძახა:

— იქნება!.. მაგრამ შენ და შენი ამხანაგი დილაზე ადრე წახვალთ. ბიქს გამოგაყოლებთ და პირდაპირ მეჯოგეებთან მიგიყვანთ ისეთი გზით, რომ არც ერთი სოფელი არ შეგხვდებათ...

— მაგას ძალიან დავვაძლებ, წამოიძახა ირემამ...

— თქვენც დამავალეთ, თუ ამაღამ უჩემოდ აქედან ფეხს არ მოიცივლით... წამეტნავად შენ, უგულოვ!..

— ეხლა, ჩემო მელორეთ-უხუცესო, ძალითაც რო გამაგლო, ფეხს არ გავდგამ, თორემ ჩემი ნებით ხომ არსად წავალ!.. ღიმილით უთხრა მახარემ და მაშინვე თავის სარეცელზე მიწვა, რომელიც ქოხში ტყავებისგან შესდგებოდა და ზევიდგანაც ტყავები წაიხურა... ასევე მოიქცნენ დანარჩენებიც...

ირემას და მახარეს ჩქარა ჩაეძინათ; ხოლო მელორეთ-უხუცესი ჯერ კიდევ ფხიზლობდა და ყურს უგდებდა მახარეს სუნთქვას...

როცა კი დარწმუნდა, რომ მახარეს მართლა ეძინა, მაშინ იმასაც ძილი მოერია...

მ ე ე ქ ვ ს ე კ ა რ ი

1

გასაგიჟებელი დღე გამოვიდა ეს დღე გაზაფხულის პირას... სუსხიანი ზამთარი იყო... ძრწოდა ბუნება. ადამიანი ხომ შინადგან გარედ ცხვირს ვერ გამოჰყოფდა... და, თუ გამოჰყოფდა აუცილებელ საჭიროებისთვის, საცოდავი სანახავი იყო... ბედშავად გამოიციკრებოდა და ცდილობდა ჩქარა მოესაქმიანებინა და ისევ კერას დაჰბრუნებოდა...

მეფე ნადირაც მაგ დღეში იყო... დიდმა მეფემ სამუდამოდ უარი სთქვა მეფობაზე, რაკი ტახტი თავის წულს გადასცა და წადირას ხვეწნა, რომ ერთ წელი-

წადს კიდევ ემეფნა, არად მიიღო და თავის საყვარელ ბაღს შეეხიზნა, რომელ-
შიაც თავისთინ წინადვე პატარა სასახლე მოიმზადა...

— არა, შეილო, ერთ წელიწადს კი არა, ერთ წუთსაც ვეღარ დაფრები მე-
ფედ... — უთხრა დიდმა მეფემ თავის წულს, როცა ის შეემუდარა და აუხსნა მიზე-
ზი... ეთერს სახლში არ გაუშვებდი, თუ კი შენზე მაგრე იმოქმედებდა იმისი წა-
სვლა...

— მამავ, უმაგისობა არ შეიძლებოდა!.. სამუდამოდ დავკარგავდი, რომ არ
დავთანხმებულიყავ... ეხლა კი, შემომფიცა, ერთი წლის შემდეგ შენი ვიქმნები
სამუდამოდ... ძალმომრეობა ვერ ვინმარე... იმას კი ყოველი ჩემი მიახლოვება
შიშის ზარს სცემდა... და ამ დროს აბა ცოლქმრობაზე ვინ იფიქრებდა?!

— რაც უნდა სთქვა, შეილო, არ უნდა გავეშო... ერთი წლის შემდეგ კი
შენი იქმნება?!

— შემომფიცა!..

— „შემომფიცა!.. შემომფიცა!..“ გაჯავრებით გაიმეორა დიდმა მეფემ, მეფე
ნადირას სიტყვა... ქორწინება კი შეფიცვა არ იყო?!

— მამავ, მეც მოვავგონე ეგ, მაგრამ იცი რა მიპასუხა?! „ჩემი ქორწინება
მოტყუებით იყო... მაშინ სულ დავიბენიო... მე შენ გიცქეროდი, როგორც კა-
რის კაცს... პირობა მომეცი: „სეფეწული სულ არ გეჩვენებო“ და ის კი არა
შენა ჰყოფილხარ სეფეწული, და ისე მოტყუებით წამომიყვანეო“... სრული ჭეშ-
მარიტება ამოდიოდა იმის ბავიღვან... მერე ი „ზარი“ რო გაიბზარა, თითქმის
გულ წასული მომესვენა გულს და, აი, მაშინ მოვხადე თავ-მანდილი და მკლავზე
გაღვიგდე... „გონს რო ვყოფილიყავ მაშინ, თავ-მანდილის მოხდას არ დავთანხ-
მდებოდიო... მერე კი, როცა გამოვერკვიე, სიზმარში მეგონა ჩემი თავი და არა
მესმოდა რაო“...

— მართლაც, ის იმ დღის შემდეგ, განაგრძო მეფე ნადირამ: თავის გონ-
ზედ აღარ იყო. სულ ვერ ვცნობილობდი. ხომ ჰნახე, მამავ, იმ დღეს, რა მომხი-
ბლავი იყო ეთერი, ვიდრე გამოვეუცხადებდი ჩემ ვინაობას?!

— მერეც, შეილო, მერეც!.. მერე უფრო ნამდვილი დედოფლის იერი ჰქონდა...

— დედოფლისა, მამავ, დედოფლისა, მაგრამ ჩემთან ცივისა... მხოლოდ ამის-
თვის დავთანხმდი ერთი წლით დაშორებას... ამ ერთი წლის განმავლობაში დაუ-
ფიქრდება, შეეჩვევა ჩემ ცოლიობის აზრს და მოლხვება... მერე გადია გვერდით
ჰყავს. ის დამპირდა: „ყოველ დღე შენ სახელს გავახსენებო“...

— იქნება გადია უფრო ჰრევდეს!..

— არა, მამავ, გადიამ ბევრჯელ დამიმტკიცა თავისი ჩემდამი ერთგულობა...
ვერ წარმოიდგენ რანაირად ჰტუქსავდა ეთერი გადიას, მაგრამ ის მაინც ამას არ-

ერიდებოდა... თუ რამე გაბედული ნაბიჯი გადავდგი, მხოლოდ ვადიას დახმარებით... ვადიას ძალიან უნდოდა, ერთ ღამეს მაინც დავრჩენილიყავ ეთერთან, მაგრამ, აკი ვითხარი, ვერ მოვახერხე... სულ ცოფი ერეოდა და გიჟდებოდა... — ხშირად როცა კი მე შევიდოდი ეთერთან, რასმე მომიზღვებდა და მარტოკეებს გვტოვებდა... ეთერი კი ცდილობდა არ გაეშვა, მაგრამ ის ყოველთვის ახერხებდა...

— როცა ეთერს დავთანხმდი ერთი წლით დაშორება, და ვადიამ ეს გაიგო, მაშინვე ტირილით ჩემთან შემოვარდა და საყვედურებით ამაფსო...

— ღვთისნიერი ადამიანი ყოფილა, ვფიცავ უფალსა!.. წამოიძახა უფროსმა მეფემ და ჩაფიქრდა...

— აკი გეუბნები, მამავ, ის არ მილალატებს და ყოველთვის ცნობას მოპაწვდის, თუ კი იქ ახლო სადმე ვიქმნები, ისე კი, რომ ეთერმა არ იცოდეს... ამ ერთ წელიწადს ისევ შენ იმეფე და მე კი...

— ააარა, შვილო, მაგაზე კი ნურას უკაცრავად... წამოიძახა დიდმა მეფემ და წამოდგა... აკი ვითხარ ძლივას ჩამოვიხადე ეგ ტვირთი და ეხლა ხელმეორედ ერთი წამითაც არ შემიძლიან ისევ ავიკიდო... მეყოფა. ოც-და-ათი წელიწადი ვზიდე... ეხლა შენ ზიდე... მე კი...

— მამავ, მხოლოდ ერთ წელიწადს!... უკანასკნელად შეემუდარა ნადირ მეფე... მაშინ მარეხიც ისევ გამხიარულდება და...

— შვილო, ნადირ, მარეხსაც შენ ჩაუკალ გული... მეფე ეხლა შენა ხარ... რალაც ხარია ისე რო არ გადაგენარცხებინა და რივიანად შეგეთავახნა, იქნება არ გაბზარულიყო... იმის შემდეგ მარეხს პირზე ღიმი აღარ აპთამაშებია, თორემ გაცინებას ვინლა იტყვის... მეფე ხარ, გაამხიარულე ისიც... მონახვინე ვილაც მხარე ყოფილა, გაამთელებინე ხარი და იმედი მაქვს მარეხიც გამხიარულდება და იქნება ეთერიც იმ წამს აქ დაიბადოს... როცა ხარი ვაიბზარა, შევამჩნიე, სწორედ მაშინ ორივემ გონება დაკარგეს... ეხლა კი მშვიდობით იყავ... ჩემ სასახლეში მივალ სამუდამოდ და... მგონი, მარეხიც ჩემთან გადმოსახლებას აპირებს...

— უკანასკნელი შენი პასუხი ეს არის?!

— ეს არის!.. სთქვა და მოჭმორდა ნადირ მეფეს...

ასეთ პირობებში მოემწყვდა ნადირ მეფე თავის მეფობის პირველ ზამთარს. დარჩა მარტოკა უეთეროდ, უმამოდ, უმარეხოდ და უერამოდ... ირემა მაინც რო ჰყოლოდა გვერდით, კიდევ არას ინაღვლიდა... იმას გაენდობოდა და თავის მაგივრად გაჰზავნიდა ეთერის ამბების შესატყობინებლად, მაგრამ ეხლა რა ჰქმნას?!.. ვის გაენდოს?!.

რამდენი ღამე უთევია ამ ზამთარს და სიგიჟემდის მისულა, მაგრამ ვერა მოეხერხებინა რა...

სამეფოზე ზრუნვა ხომ სულ გადაავიწყდა... კიდევ კარგი, სამართლისთვისაც არავის აუტალახებია კარი ამ სუსხიან ზამთარში... თორემ კაი სამართალსაც მიიღებდა მეფის სასახელოდ... სუსხიანმა ზამთარმა გაზაფხულის თვეებიც მოიყოლია და დიდი ზარალი მისცა მწყემსებს... ბევრი გაყინა... საქონელი ხომ აუარებელი დაუზარალა... ნამეტნავად ცხვარი...

და, აი, მხოლოდ გაზაფხულის მეორე თვის მიწურულებში და უეცრივ მოლხვა. პირველ დღესვე ახმაურდა არე-მარე, ყოველ ღელე-ხევში ჩხრიალი დაიწყოწყალმა... მცხოვრებთ თითქმის გამოეპარათ ეს პირველი დღე, ისე შეშინებულები იყვნენ ზამთრის სუსხით... იმ ღამეს გულიანად ეძინათ... სახლებშიაც შეატანა სითბომ და, როცა გამოეღვიძათ, იგრძნეს სითამამე, სხეულის ამოძრავება... ტანში გასწორდნენ და გარეთ გამოიფინენ... აქ ხომ სახე გაეშალათ და მომღიმრებს სრულებით მიავიწყდათ საშინელი სუსხი... ყველა მხიარულობდა. კაცი, თუ ქალი, დიდი, თუ პატარა... შინაურ ფრინველმა ხომ მხიარული ქორწილი გააჩაღა.

მეფე ნადირასაც ეს დაემართა... სუსხიანი ზამთრის დღე-ღამეების წუხილი უეცრივ მიავიწყდა და ეხლა მთლად იმედებით აივსო... დადიოდა თავის სახლის წინ და სახე უცინოდა... ეხლა ისე უიმედოდ არ ეჩვენებოდა ეთერის შორს ყოფნა. ეგონა, სწრაფად ფრთები შეესხმოდა და წამს იმასთან გაჩნდებოდა და უხილავად ისევ უკან დაბრუნდებოდა...

ამ ოცნებაში იყო, რომ შემოესმა რაღაც ხმაურობა... წამს ყური ათხოვა. გამოერკვია და შენიშნა, რომ ხმაურობა უახლოვდება...

მეფე ნადირას შეუწყდა ოცნების ძაფი და ჩქარა დაინახა: სასახლის წინ რამდენიმე უცხო ტომის ტლანქად გამოკვეთილ კუნძებივით ტყაპუჭებით, გრძელწვერა რამდენიმე ათეული...

იმათ დაინახეს თუ არა მეფე ნადირა, მაშინვე თავები მიწას ახალეს და შესძახეს:

— თქვენ უმაღლესობასთან ვართ გამოგზავნილი და, აი, ეს ძღვენიც თქვენი მეუღლისთვის არის!..— მოწინებით უთხრეს მეფეს, მაგრამ იმათ თვალში რაღაც მზაკვრობა გამოკრთოდა...

— ვისგან?.. შეეკითხა მეფე ნადირა განცვიფრებით...

— ჩვენი მეფისგან...

— ვინაა თქვენი მეფე?..

— ჩრდილოეთისა!..

— ჰოო!.. მაგრამ ასე სწრაფად როგორ გაიგო ჩემი დაქორწინება, და ან ასე როგორ სწრაფად იარეთ, რომ მოასწარიტ ასეთი დიდი მანძილის გადმოლახვა ამ ზამთარში?!..

— ჩვენი მეფე სულ ახლოს არის. დავიპყართ მთელი ხმელეთი... ამ დროს შენი ქორწინების ხმაც მოესმა და ჩვენც გამოგვზავნა საჩუქრებით...

2

უფროსმა მათვანმა უბრძანა დანარჩენებს მოეტანათ საჩუქრები, რაც სწრაფად შეასრულეს და ერთი დატვირთული ჯაგვა სასახლის წინ დააყენეს, რომელშიაც ოთხი ძლიერი ცხენი იყო შებმული და უკან კიდევ ცხრაკეც გაბმით გამობმული რაში, რომელს კიდევ ოთხი უზარმაზარი კაცი ჯაჭვებით ძლივას იმაგრებდა. შედგა თუ არა, ერთი ისეთი დაიჭიხინა, რომ ზეცას ასწვდებოდა იმისი ჭიხინი, და თვალებიდან ცეცხლის ნაპერწკლები წამოყარა...

მეფე ნადირას ამის დანახვაზე ფერი ეცვალა. დიდი მეფეც ამ ხმაზე ქლოშინით სწრაფად აქ დაიბადა და შეიღვს შეჭხვდა... უკან მოჰყვა ფერწასული მარეხიცი...

რა ესენი, სწრაფად მთელი ქალაქი აქ დაიბადა და ყველა განცვიფრებული და შეშინებული გამოიციქრებოდა ამ ცეცხლისმფრქვეველ რაშის მნახველი...

მეფე ნადირამ სასახლეში მიიწვია უფროსი, რომელმაც განკარგულება მოახდინა, შეეზიდათ საჩუქრები...

რა ძვირფასი ბეწვეული არ გადუშალა თვალ-წინ, რა თვალ-მარგალიტი და რა ოქრო და ვერცხლი... მარეხს თვალი ზედა ჰრჩებოდა...

შიკრიკი მომხიბლავის ხმით ამკობდა თავის მბრძანებელს, როცა ალაგებდა ნივთებს და ცალი თვალით მარეხს უმზერდა...

— რაც შეეხება რაშს, ნება მიბოძეთ ცალკე მოგახსენოთ... დაუმატა შიკრიკმა, როცა ამოლაგება მორჩა და დაატყო, რომ საჩუქრებმა ძალიან კარგი შთაბეჭდილება იქონიეს ყველაზედ...

— აქ უცხო არავინ არის, სთქვი!.. უბასუხა მეფე ნადირამ...

— შეიძლება, მაგრამ ჩემმა მეფემ დამავალა საიდუმლოდ მოგახსენოთ!.. სთქვა და თან მარეხს და უფროს მეფეს გადაჰხვდა...

ისენი მაშინვე გატრიალდნენ და დარბაზიდგან გავიდნენ...

— მითხარი, რა დაგავალა შენმა მბრძანებელმა... ეხლა მარტონი ვართ...

ჩამოვარდა წამით სიჩუმე... შიკრიკი შეფიქრიანდა... თითონვე იგრძნო უკმეხობა დავალებისა და ამისთვის ენა აღარ ემორჩილებოდა... მერე ხელი ჩაიქნია, უკმეხად წამოიძახა:

— თავი რა ბევრჯერ ვიმტვრიო, პირდაპირ გეტყვი: ჩემმა მეფემ შემოგითვალა: „ეს რაში გამიხედნინე და უკანვე გამომიგზავნეო და, თუ ვერ გაჰხედნი მანდ, მაშინ შენი ცოლიც მაგ გაუხედნავ რაშს უნდა გამოაყოლოვო“...

მეფე ნადირა ამ სიტყვებზედ აენტო... წამს ხელები აუთამაშდა, მკლავებში ძარღვები დაეჭიმა, და ის იყო უნდა შიკრიკისთვის ყანყრატოში ეტაცა ხელი, რომ ამ დროს შეშინებულმა შიკრიკმა მეფე ნადირას სახის ცვლილებით აკანკალებულის ხმით წამოიძახა:

— ვიცი, შენო უზენაესობავ, ძნელია დათმობა იმისთანა უზენაეს სინაზის და სიმშვენიერის, რომელიც ვიხილე... ამისთანა სიმშვენიერეს კაცი თავს ანაცვალებს, მაგრამ რატომ არ გნებაეს შეეცადო გახედვანს?... იქმნება სულ...

— კმარა!.. უკივლა მეფე ნადირამ და გასვლა უბრძანა... ხვალ მოხვალ აქ... მანამდის კი თავისუფალი ხარ, და ყველა თქვენგანი დაბინავებული იქმნება... რაშს თქვენ უპატრონეთ ამაღამ.

— ვასრულებ შენს ბრძანებას, ჩემო მეფევ!... წამოიძახა შიკრიკმა და ყურთუკულმა მოწიწებით დარბაზიდგან გავიდა...

მეფე ნადირა აღელვებული დარბოდა დარბაზში და არ იცოდა, რა გადაეწყვიტა... უეცრივ გაუელვეს გონებაში შიკრიკისგან წარმოთქმულმა სიტყვებმა: „ძნელია დათმობა იმისთანა“... ნუ თუ მარეხი იმ ბრიყვს ჩემი ცოლი ეგონაა?!

— სწორედ ასეა, თორემ ასე არ იტყოდა... ეთერი რო ენახა, მაშინ რაღას იტყოდა?! იქმნება აღარც კი გაებედნა თქმა და ისე წასულიყო... მაგრამ რა დროს ამაზე ფიქრია?! ასეთ უკმეხ წინადადებას უკმეხივე პასუხი უნდა შეეთვალოს, მაგრამ ჩრდილოეთის მეფე...

ამ დროს შემოვიდა დიდი მეფე და, რა შვილი აღელვებული ნახა, შეეკითხა:

— რა მოგივიდა, შვილო?

— მამავ, მამავ, ვერ წარმოიდგენ რა უკმეხი წინადადებით მომმართა ჩრდილოეთის მეფის შიკრიკმა!.. ის რაში გასახედნად გამოუგზავნია ჩემთან და მითვლის: „თუ ამ რაშს ვერ გაჰხედნი მანდ, მაშინ შენი ცოლი უნდა გამომიგზავნო“...

— მერე შენ რა უპასუხე?

— გავაგდე დარბაზიდგან და ვუთხარ: „ხვალ მიიღებ პასუხს!“ მინდა მოვიფიქრო, ისეთი რა პასუხი შევეუთვალო, რომ იმასაც ისე გული აეწოს, როგორც მე ამეწო...

დიდი მეფე ჩაფიქრდა. მეფე ნადირა კი განაგრძობდა წყრომას...

— ვერ უყურებ იმ... იმ... უნდოდა ისეთი რამ სიტყვა ეთქვა ჩრდილოეთ მეფის გასალანძღავად, მაგრამ შესაფერი სიტყვა ვერ მოენახა და იმეორებდა: „იმ... იმ“...

— არა!.. მიანება სიტყვის ძებნას თავი და განაგრძო: ეთერი ჯერ მე ცოლად არ მიგრძენია და ის კი მითვლის, თუ ამას ვერ გაახედნინებ მანდო, შენი ცოლი უნდა გამომიგზავნო!... კარგია, შენმა მზემ ასეთი პირობები?!. არა...

ხვალვე ავაკაფინებ იმ რაშს, ჩავაწყობ იმისივე ჯაგვაში და შევუთვლი: „ასე ვხედნით შენისთანა მეფეების რაშებს!..“

გამოერკვია ამ დროს დიდი მეფე და შეეკითხა შვილს:

— რა გადასწყვიტე, შვილო?!

— ხვალვე ავაკაფინებ რაშს და ისე გავუგზავნი...

— ნუ, შვილო, მაგას ნუ იხამ!.. არა სჯობია, მართლა შევეცადოთ გახედნვას. იქნება, მართლა გავხედნოთ და ბოროტება თავიდგან ავიცილოთ... თორემ შენი გადაწყვეტილება უეჭველად თავს დაგვატეხს უაზრო ხალხის ჟღერტას... შარიანი და უკმეხები არიან ჩრდილოეთის მეფენი... სჯობია, შარს ერიდო... შენ გგონია ვე წინადადება შარის გულისთვის არაა მოგონილი, რომ...

— თუ მაგრეა, ის ყოველთვის მოგდებს შარს და... გააწყვეტინა სიტყვა მეფე ნადირამ... არა სჯობია ერთხელ და სამუდამოდ ავლაგმოთ, რომ...

— არა, შვილო, იმას მრავალრიცხოვანი სამეფო აქვს... კალიასავით შემოგვესევა, მაგრე უეცრად რო გამოვიწვიოთ... გგონია, მართო შენ შემოგითვალა ეგეთი საშარო წინადადება?.. არა... ბოროტი ადამიანი ყველასთან ბოროტია... უეჭველია, ის სხვა მეზობლებსაც შარს უდებს... სანამ ჩვენ ამ გზით ცოტათი ავიცდნით იმის შემოსევას, სხვებს ამ დროს წვესისინება და მაშინ ჩვენც გავმაგრდებით... ბოროტი ადამიანი თავის ბოროტებაშივე ჩაიხრჩობა... ვეცადნეთ, როგორმე მოვიგერიოთ, ვიდრე ჩაიხრჩობოდეს...

— საყვარელო მამავ, კარგი, შევეცდებით გახედნვას, მაგრამ რომ ვერ გავხედნოთ, ნუ თუ ეთერი უნდა გავუგზავნო?!

— ვინ გეუბნება, შვილო, მაგას... იმედი მაქვს ჩვენ სამეფოში გამოჩნდება ვინმე, რომელიც რაშს ზურგზედ მოახტება და დაიწყებს ხედნას... თუ ვერ გახედნა და გადმოაგდო, იმედია, რაში უკან არ დაბრუნდება და აღარც დაებმის... გადიკარგება სადმე, ან უკანვე მიუვა პატრონს... შენ შეუთვლი: ერთი შეეცადა გახედნას, მაგრამ ვერ შეჰსძლო... რაში უეჭველია უკან დაბრუნდა... გამოგზავნე, სხვა მრავალი მხედნავი მყავს. ბოლოს და ბოლოს მაგ რაშს უეჭველად გავახედნიებ... ვიდრე ესენი შენ პასუხს მიუტანენ და ის რასმეს მოიფიქრებს, იმედია, მანამდის იმას სხვა ჭირი აუტყდება და, შეიძლება, ჩვენთვის აღარ სცხელოდეს...

მეფე ნადირა ჩაფიქრდა ცოტა ხანს და შემდეგ უფრო დამშვიდებით წამოიძახა:

— მართალს ამბობ, მამავ, მართალს!.. სჯობია, დრო მოვიგოთ... მაგრამ არ ვიცი, ვინ გაჰბედავს იმაზე შეჯდომას... გგონია, ჩემზე კარგი გამხედნი არაინიყოს, მაგრამ, სიმართლე გითხრა, მამავ, ვერ გავბედავ იმ ცეცხლზე შეჯდომას...

— იქნება, შვილო, ყველაზე უკეთესი მხედნავი იყო, მაგრამ ყველაზე გამბედავი კი არა...

— არც გაბედულობა მაკლია, მაგრამ...

— მაინც, სჯობია, შვილო, მეჯოგეთ უხუცესი დაიბარო, ის აქ არის. სწორედ გუშინ ამოვიდა საჯოგოდან... შენ კი რო გაჰბედო კიდეცა, არ გირჩევდი... რო ვერ დაიმორჩილო რაში და გავნოს რამე, მაშინ ხომ იმ ბუროტს ველარ მოვიშორებდით და აქ შემოგვექრებოდა... მაშ, აბა, აფრინე ვინმე მეჯოგეთ უხუცესთან...

მეფე ნადირა გავიდა... დიდი მეფე მწუხარებამ შეიპყრო. სწრაფად დაეღარა სახე... შვილთან თავს იმაგრებდა და, როცა ნადირა გავიდა, მაშინ კი ველარ შეიმავრა თავი და თითქმის თვალი აუცრემლიანდა... ბევრი რამ ავი ახსოვდა ჩრდილოეთის მეფისა... ბევრი დამცირება, მაგრამ ამას არ ეუბნებოდა თავის შვილს... უმაღავდა... ასე, თუ ისე თავიდგან იცდენდა იმის შემოსევას, და აჰა, ეხლა კიდეც ეს უკმეხი შეურაცხყოფა შვილისა...

მარეხი შემოვიდა დარბაზში მამის წასაყვანად, რაკი ნადირა გარედ დაინახა... უკვე სამხრობა იყო... დაინახა რა, შეკრათა... ხმის ამოუღებლივ მივიდა მამასთან და აღერსით მხარზე ხელი დაადო... მაგრამ დიდმა მეფემ ვერც კი შენიშნა...

— მამავ, ვეფხვა თითონ მოვიდა, დაძახება აღარ მომინდა... მარეხი შეჰნიშნა და მიჰმართა იმას: მარეხ, მამა მოიკითხე?! მოაგონდა კიდეც შიკრიკის სიტყვები... „რას ჩამაცივდა ეს შიკრიკის სისულელე?!“ წამს შეეკითხა უსიტყვოდ თავის გონებას მეფე ნადირა...

დიდმა მეფემ სწრაფად გაშალა ნაოქები შვილის ხმის გაგონებაზედ და ეხლა და შენიშნა მარეხი... ტუჩები ღიმად გადაეშალა და.

— მომნახე, ჩემო ანგელოზო?!.

— ჰო, მამავ, სამხრობაა, მომშივდა!

— ეხლავე, ჩემო კარგო!... ცოტა ოდენი და დაგვრჩა...

— მაშ წავიდე?!.

— არა! შვილო ნადირ, ვგონებ მარეხის აქ ყოფნა ხელს არ შეგვიშლის მეჯოგეთ უხუცესთან მოლაპარაკებას...

— არა!.. მე უკვე ვუთხარი და ძალიან იძინელა...

— აბა წინ წამოდექ, ჩემო ვეფხვავ!

— ვახლავარ დიდ მეფეს!

— ჰნახე ი რაში?!.

— როგორ არა, დილასვე! იმისმა ჭიხვინმა ქალაქში ვინლა დააყენა აქ მოუსვლელი?!.

— მაშ იმის გამხედნავი არავინ გეგულება მწყემსებში?!

— გამხედნავი არ ვიცი, და გამბედავი კი ერთი მეგულება... ამ ზამთარს შემოგვეხიზნა ორი ვაჟკაცი ლომა და უგულო... უგულომ არც ერთი ცხენი არ გაუშვა გაუხედნავი... რაც უფრო გიჟი ცხენი იყო, იმას ეტანებოდა... ეხლა გაუხედნავი ჯოგში ცხენი აღარ მეგულება... მოახტებოდა ხოლმე უბელოდ და დაიკარგებოდა... მხოლოდ მეორე, ან მესამე დღეს მოვიდოდა ცხენით უსაბელოდაც კი...

იქმნება იმან გაბედოს, მაგრამ ვეჭვობ... ეგ ცხენი რალაც ღვთის რისხვია...

— მაშ, აბა, აფრინე კაცი და ხვალ აქ იყოს ის უგულო... უბრძანა დიდმა მეფემ მეჯოგეთ უხუცესს...

— ეხლავ!.. უპასუხა და გატრიალდა.

— ეხლა კი ვისამხროთ, ჩემო მარებს!.. ნადირაც ჩვენთან ისამხრებს...

— ოჰ, დიდის სიამოვნებით!..

— უგულო!.. პირველად მესმის ეს სახელი!.. წამოიძახა მარებსმა...

3

მართალია ეთერმა გამობრუნების შემდეგ გადიის ჩაგონებით გადაჰწყვიტა გაეწია ნამდვილი ცოლობა მეფე ნადირასათვის; ამაში კიდევაც გამოუტყდა ნა-ნადირას, რამაც უმაღლესი სიხარული გამოიწვია იმაში, და ნადირას სულმა მწარედ დაიწყო შელამების ლოდინი... ეთერი კი ჩვეულებრივად იქცეოდა, მარებს ემასხრებოდა, ანუგეშებდა, რომ გამოჩნდება როდისმე ზარის გამთელებელიო...

ეთერისთვის ეს დღე შეუმჩნევლად დაღამდა. მეფე ნადირასთვის კი მთელ საუკუნოდ იქცა... სამაგიეროდ რა მწვავე და აუტანელი გახდა ეს ღამე ეთერისთვის... რო ჰსცოდნოდა, თუ ასეთი ღამე დადგებოდა, ინატრებდა, რომ ის დღე არ დაღამებულყოს.

ნადირასაც რო სცოდნოდა, არც ის მოისურვებდა იმ დღის დაღამებას...

იმ ღამისთვის დიდხანია მომზადებული იყო მეფე დედოფლის საძილო ოთახი, მაგრამ თვენახევარს ელოდა ახლად ნაქორწილევთ...

დიდხანია ეს ოთახი გულ-ჩათხრობილი იყო... რაც დედოფალი ნანე დიდი მეფის თვალს მიეფარა, იქ ფეხი არავის შეუდგავს... ელოდა.., ელოდა და; აი, ახალგაზდებისთვის ძლივას მოამზადეს და ამათაც, აგერ თვენახევარი ალოდინეს...

ამ დღისთვის ხელმეორედ დააღაგეს ეს ოთახი გადიას ხელმძღვანელობით. დილიდგან საღამოს ჩასვლამდის მზე ეალერსებოდა და უკანასკნელი სხივებიც კი აქ შემოასრიალა და ისე ჩავიდა, რომ დილაზე პირველი სხივი ისევ ამ ოთახისთვის ეძღვნა...

ნავახშმევს გადიამ შეიყვანა ამ ოთახში, მიეალერსა რამდენჯერმე, როცა ტანთ ჰხდიდა და, რაკი ლოგინში ჩააწვინა, „ღამე სიხარულისა“ უსურვა და გავიდა...

ეთერი ცვლის სანთლის შუქზე ოდნავ ამჩნევდა ოთახის მოწყობილობას. რამდენჯერმე თვალი მიაველ-მოავლო... და ის იყო გადაბრუნებას აპირობდა და ჩაძინებას, რომ ამ დროს მეფე ნადირამ კარი შეაღო და აღელვებული პირდაპირ საწოლისკენ გაეშურა...

კარის გაღების ხმაურობამ და ნადირ მეფის მიახლოებამ გამოაფხიზლა ეთერი და ეხლა-ღა იგრძნო, რომ ის ტანთ გახდილია, და მეფე ნადირა იმისკენ მოეშურება... ტანი აეწო ისე ძლიერად, როგორც კი შეიძლება უმანკო ქალს სირცხვილისაგან აეწოს, როცა შიშველს უცხო ვინმე თავს წაადგება...

— ნუ მოსდიხარ... ნუ!.. იკივლა ეთერმა და საბანში თავით-ფეხამდის გახვევა დაიწყო...

— ხა... ხა... ხა!.. ალერსით წაიხარხარა მეფე ნადირამ და უფრო გაბედულად მივიდა ეთერთან...

იმისმა მორცხვობამ უფრო მოხიბლა მეფე ნადირას გრძნობა და ვნებად გარდაექცა... ძლიერად ჩაავლო საბანს ხელი და სწრაფად ზევით ასწია... ეთერმა წამს იგრძნო, თითქოს რაღაცა ძალამ ზევით აიტაცაო და მეორე წამს კი ისევ ძირს ლოგინზე სწრაფად დაეცა, მხოლოდ უსაბნოდ, საცვლების ამარა...

ასეთმა ძალმომრეობამ ეთერს მორცხვობის კრდომა დააკარგვინა... ის წამოიჭრა ზე და მრისხანებით თვალები დააკვესა...

სიყვარულმა, უმანკო ბავშვობამ, ტანჯვა და მრისხანებამ არ იცის მორცხვობა.

სიყვარულით დაკავშირებულთ აზრადაც არ მოუვათ ერთმანეთის სიშიშველის ხილვაზედ თვალები დახუჭონ, ისე როგორც უმანკო ბავშვებს სქესობრივობის მიუხედავად შეუძლიანთ შიშველებმა ერთ გუბეში იქყუპალაონ... და ამას ბუნებრივ მოვლენად სთვლიდნენ. მხოლოდ გაჭირვება და მრისხანება დროებით ავიწყებს მორცხვობას...

ეთერს სწორედ ეს დაემართა... ანთებულ თვალებით, პერანგით ოდნავ წაფერფლილ მთრთოლვარე სხეულით... ციღან მოწყვეტილ ვარსკვლავს ემგზავსებოდა...

მეფე ნადირა შეკრთა... ნაბიჯი უკან გადადგა, საბანი ხელიდგან გაჰვარდა, და შეაშტერდა ეთერს...

— გადი აქედან!.. — უკივლა ეთერმა და ხელით კარები აჩვენა...

— ეთერ, გავიწყდება ვის ეუბნები მაგას!.. ხმის კანკალით უპასუხა მეფე ნადირამ. ეტყობოდა თავს იმაგრებდა... ჩემ სასთუმალს ვერავინ მომაშორებს და მით უმეტეს ჩემი მეუღლე!..

— შენი მეუღლე?!.. რომელიც მოტყუებით მოიყვანე და... სირცხვილი!.. სირცხვილი მეფისთვის!.. ის კიდევ თავის თავს მეფეს უწოდებს, რომელიც ჩემი მამის სახლში მეფიცებოდა, „სეფეწულს არ გაჩვენებო“!.. ეს..!

— ეთერ!.. ბრაზმორეული მეფე ნადირა მიჰვარდა და მკლავში სწვდა... მძლავრად წამოიქნია და საწოლზედ წამოაპირქვა... ეთერმა წამს დაჰკარგა შებრძოლების უნარი... არ მოელოდა ამ ძალმომრეობას. სირცხვილმა ტანი აუწო... ელოდა უარეს შეურაცყოფას და ფიქრობდა ამას როგორ დაჰხვედროდა... განუძრევლად იწვა წამოაპირქვავებული და ელოდა შემდეგს...

— ეთერ... ეთერ!.. შემოესმა მოწიწებითი ხმა .. რად გეზიზღები ეგრე?!..

ეთერი ამ ხმაზე მაშინვე წამოდგა... უკვე გამარჯვებულად იგრძნო თავი. ხმის ამოუღებელივ თავის ტანისამოსი ჩაიცო და ნადირას შეჰხედა, რომელიც მოჯადოვებულისავე იდგა და თვალს ადევნებდა ყოველ იმის მოძრაობას.

— მეფე ნადირ, რა გინდა ჩემგან?.. შეეკითხა წყნარად ეთერი...

— შენთან სიცოცხლე, შენთან სიკვდილი!..

— ეგ რომ გდომებოდეს, მაგრე არ მოიქცეოდი!..

— შენმა სიყვარულმა ჩამადენინა ეგ!..

— თუ გიყვარვარ, დამტოვე მარტოკა!..

— სწორედ მაგისთვის ვერ დაგტოვებ მარტოკას!.. კმარა, რაც მარტოკა იყავი!.. ეხლა კი ერთად უნდა ვიყვეთ...

— არ ძალმიძს ერთ წამსაც შენთან ერთად ვიყვე, წადი აქედან!..

— ეთერ, აქიდგან არსად წავალ!..

— მაშ მე წავალ!.. წამოიძახა ეთერმა და კარებისკენ გაიწია...

— ვერც შენ გახვალ აქედგან! შეუტია ეხლა კი გაბრაზებულმა მეფე ნადირამ და გზა გადუქრა:

— აი, შენი და ჩემი სასთუმალი ამალამ და შემდეგ ღამეებსაც აქ ვიქმნებით... ეხლა კი დაწევი!.. ამ სიტყვებით ხელი მძლავრად მოჰხვია, ლოგინთან მიიტანა და ზედ დაახეთქა...

— ურჯულოვ!.. წამოიკივლა ეთერმა და მაშინვე ლოგინიდგან ძირს ჩამოვიდა...

ასეთი შეურაცყოფა მეფე ნადირასთვის არავის მიუყენებია..! წამს ბრაზისგან თავბრუ დაესხა, წატორტმანდა კიდევაც და უეჭველად წაიქცეოდა, რომ იქავე კედელს არ მიჰსვენებოდა...

ეთერს ამ გარემოებით უნდოდა ესარგებლა და გარედ გასულიყო, მაგრამ მეფე ნადირა გამოერკვია და, რა თვალის შეასწორო გარედ მიმავალ ეთერს, ვეფხვისავე ერთი გადახტომით კარებში გაჩნდა...

ეთერმა უკან დაიხია... შეეშინდა, ისევ შეურაცყოფა არ მომაცუნოსო!.. და ამისთვის წამოიძახა:

— ქალს ძალიც არ დაჰყევს და შენ კი, მეფევე...

— კმარა ეთერ, გემუდარები!.. აღარ დაათავებინა სიტყვა ეთერს მეფე ნადირამ... ვიცი, ცუდით მოგექეცი და ვნანობ... ჩვენი ღმერთი*) მამა ღმერთის დაა და იმის მგზავისაზე ძალიმომრეობა ურჯულობაა, მაგრამ ეს სულ შენი სიყვარულით მომივიდა, გიმეორებ... გაძლევ მეფის სიტყვას, ეს აღარ მოხდება!.. მაგრამ შენი, ან ჩემი ამ ოთახიდგან ამაღამ გასვლა შეუძლებელია!..

— რა მიზეზით?..

— სამარცხვინოთ არ მინდა თავი ავიგდო... უნდა მთელმა სასახლემ შენზე და ჩემზე ილაპარაკოს, რომ ცოლი ოთახიდგან გამოექცაო და... ეთერ, გაიგე, რას ჰშვრები?..

— მაშ რა ვქმნა, როდეს შენთან დაწოლა არ შემიძლიან და ცოლობის გაწევა?.. სასოწარკვეთილებით წამოიძახა ეთერმა...

— აი, აქედგან მეორე ოთახში შევალ... აქედგან დაკეტე, თუ გეშინიან... ამაღამ იქ ვიქმნები, შენ კი დაწევი აქ და ხვალ დილით კარი გამიღე, ჯერ მე ვავალ და შემდეგ შენ გამოდი გარედ, თუ მოისურვებ გარედ გასვლას...

— კარგი!..

— ეხლა კი ამ კარის გასაღებს მე წავიღებ თან, რომ ჩემზე აღრე არ გახვიდე...

ეს დღე ამ პირობით დამთავრდა.

ორივემ პირნათლად შეასრულა პირობა, მაგრამ იმ ღამეს არც ერთს იმათგანს თვალი არ მოუხუჭნია...

დილით ეთერი ისე მოიქცა... აღრიანათ გაუღო კარი და სთხოვა გასვლა... მეფე ნადირა გავიდა ოთახიდგან იმ წამსვე, რაწამსაც კარი გაეღო, რადგანაც იმ ღამეს თვალი არ მოუხუჭნია და არც ტანთ გაუხდია... არც თუ ეთერს სძინებია. იმასაც ტანთ არ გაუხდია... სული მწარედ მოელოდა გათენებას, რომ გაესტუმრებინა მეფე ნადირა გარედ...

გაისტუმრა თუ არა, მაშინვე ჩაკეტა კარი და მიწვა ლოგინზე...

მხოლოდ შუა დღისას-ღამეობის დროს ეთერს და გაღია მოიკითხა.

საწოლის ოთახის კარი გაიღო თუ არა, მაშინვე გაღია იქ დაიბადა, იმის გამოსვლის უმაღლესი კარი დაიხურა... უნდოდა შესვლა, მაგრამ მეფემ შეაყენა...

— დედოფალს მთელ ღამეს არ სძინებია, მოისვენოს... ნუ შეაწუხებ!..

*) მთვარეს გულისხმობს.

გადიამ შეჰხედა მეფე ნადირას და შეატყო, რომ იმასაც არ სძინებია... სიამოვნებით ჩაიციხა და გატრიალდა...

4

დილა აღრიანად მეფე ნადირა, დიდი მეფე, მეჯოგეთ-უხუცესი და თითქმის ქალაქის ყველა მცხოვრები: ქალი, თუ კაცი, დიდი, თუ პატარა ჩრდილოეთის მეფისგან წარმოგზავნილ რაშს შიშით შორიდგან თვალ-ყურს ადევნებდა და თან მოუთმენლად მოელოდა უგულოს მოსვლას, რომლის მოსაყვანადაც წინა დღეს შიკრიკი გაიგზავნა...

მარეხიც მეფეების შუა იდგა და ისაც სხვებსავეთ ლელავდა და მოელოდა უგულოს...

ვინაა ეს უგულო, რომელსაც სირცხვილისაგან უნდა დაეხსნა და, იქნება, სხვა უარესისგანაც მეფეებიც და ერიც... არავინ იცოდა იმის ვინაობა, გარდა იმისა, რაც მეჯოგეთ-უხუცესმა უამბო: „ზამთრის პირას მეჯოგეებს ორი ვილაც უცნობი შემოგვეჩინა. ერთს ჰქვიან, რომელიც უფრო ახალგაზდაა, უგულო, მეორეს კიდევ ლომა, ორივე კაი ვაჟკაცები არიან, მაგრამ უგულო ჩვენ თვალ-წინ დავაჟკაცდა და ჯოგში არც ერთი გადარეული სამი წლის კვიცი გაუხედნავი არ დარჩაო“...

ამის მეტი სხვა არავინ იცოდა რა...

დღეს უფრო ცხარე მზე ამოდიოდა.. მიველ ღამეს თბილოდა, რის გამოც არე-მარე ახმაურებულეყო, სულ რუებად ქცეულიყო... აქა-იქა ოდნავად ღა მოსჩანდა თოვლის ნაგლეჯები...

რაშის დრო გამოშვებითი ჭიხვინი თუმცა შიშის ზარს ჰჰცემდა ყველას, მაგრამ უნუგეშობას არავინ ჰგრძნობდა, რადგანაც მოელოდა უგულოს და ამისთვის იმის მოსვლის გზას ყველა თვალს ადევნებდა..

მართლაც აგერ მდინარის პირას, რომელიც აღელვებულ ზღვასავეთ ტალღას ტალღაზედ მიაგორებდა, გამოჩნდა მხედარი, რომელმაც თან და თან მოახლოვება დაიწყო. ყველას თვალი გაუბრწყინდა... მხედარი კი მოაფრენდა ცხენს და იმის ფეხთა ანასხლეტი ტალახნარევი წყალი ცხენსაც და მხედარსაც წვიმასავეთ დასდიოდა... რა შენიშნა მეფეები და იმათ შუა მარეხი, რომლებიც სასახლის ეზოს კართან გამართულ ტახტზე იდგნენ, უბელო ცხენი სწრაფად შეაყენა, გადმოხტა, საბელი კისერზედ გადუგდო ცხენს, რომელიც თავით ფეხებამდის შეთხუპნილი იყო. ტალახით გარდა იმ ადგილისა, რომელსაც მხედარი თავის სხეულით ჰფარავდა. მხედარმა სასწრაფოდ ცხენს ყურები დაუტაცა, მძლავრად დაუჭიმა, თვალევი დაუ-

სრისა, კისრიდგან დაწყობილი ამის შემდეგ რამდენჯერმე ორივე ხელი მძლავრად დაუსვა კუდამდის და ის-ის იყო ახლა უნდა კუდი დაეჭიმა, რომ მეჯოგეთ-უხუცესმა მიირბინა იმასთან და ხელი დაუჭირა.

— ცხენს სხვები მოუვლიან, შენ კი მეფეებს ეახელ და...

— დამაცა, კუდიც დაუჭიმო და შემდეგ სხვებმა ატაროს, მაშინ ვეახლები მეფეებს... უპასუხა მახარემ და ცხენს კუდი მაგრად დაუჭიმა...

ცხენს ამ დროს ოშნივარი ისე ასდიოდა, რომ სულ შიგ გაეხვია...

მახარეც ისე იყო გათხუპნილი, რომ მოელვარე თვალების მეტი არა უჩანდარა... მახარე ამას არ ამჩნევდა... მხოლოდ ჰგრძნობდა, რომ რამდენიმე ათასი წყვილი თვალი იმას ისრებს ესროდა და იმათ შორის მარცხის წყვილიც...

როცა მახარე იმათ წინ წარდგა და მარცხს შეჰხედა, გონება დაებნა... მეფე ნადირა რამდენჯერმე შეეკითხა; შეეკითხა აგრეთვე დიდი მეფე, მაგრამ მახარეს არ გაუგონია იმათი შეკითხვა.

მარცხი ტანის კანკალმა აიტანა და მეფე ნადირას მიჰმართა:

— ნადირ, ვერა ჰხედავ, დაღლილია და მთლად სველი!.. უბძანე...

— მართლა, რატომ თავში არ მომივიდა ეგ?!. ეხლავე წაიყვანეთ უგულო სასახლეში, სულ მთლად გაბანეთ, გაასუფთავეთ და საუკეთესო ტანისამოსი ჩააცვით... მიუჩინეთ ოთახი, რომ დაისვენოს და სამხრობას ჩემთან მოიყვანეთ...

5

მახარეს ეგონა მეფე ნადირას გვერდით ეთერი ედგა, მაგრამ გონს ვერ მოსულიყო, თუ მართლა ეს ის ეთერი იყო, რომელიც იმას უყვარდა...

მართალია, ეთერი დღის შუქზედ არ უნახავს, მაგრამ ჰგრძნობდა, რომ აქ რაღაც უცნაური ცვლილება მოხდა... იმის სხეული ჰგრძნობდა, ეს ეთერი იმ ეთერს სრულებით არ ჰგვანდა... თუმცა ეს ეთერი უფრო განაზებულა. უფრო დამშვენებულია... მაგრამ... ხმაც რომ გამოჰცვლია?!. რამ გამოცვალა ასე ეთერი?..

ეკითხებოდა თავის თავს და ვერ ჰხსნიდა.

სამხრობამდის სულ ეს კითხვა უტრიალებდა თავში... კითხვითაც ვერავისთვის ეკითხნა... ან კი როგორ გაჰხედავდა ამის კითხვას. დარწმუნებული იყო, რომ ეთერი დედოფლად გახდა ამ ცხრა თვის წინად, როცა იმას გაჰმორდა და ისე მოტყუებით „ზარი“ გამოართვა... „ჰსჩანს დედოფლობას შეუცვლიაო“... მით უმეტესად ეს უნდა ეფიქრნა, რომ თითონაც სრულებით გამოიცვალა ამ ცხრა თვის განმავლობაში. ამას ჰგრძნობდა მახარე და ფიქრობდა: „ოქრო-მჭედელმაც

რომ მნახოს, ვერ მიცნობს, თორემ შემთხვევით მნახველი ხომ სულ ველარ მიცნობსო“...

მართლაც მახარე ესლა სულ სხვა იყო. რო ამბობენ: „ვინ წლით იზრდება, ეს დღითაო“ სწორედ ეს დაემართა მახარეს. დღით იზრდებოდა და არა წლით... მარტო თვალის გამომეტყველება და ხმის ოდნავი მოძრაობა-და შეჭრჩა. ოქროშქედლის შეგირდისა, თორემ გარეგნობით სრულ ვაჟკაცს, მერე თვალის წარმტაცს წარმოადგენდა...

დამშვიდებული იმ აზრით, რომ ეთერი ძალიან გამოცვლილა, თითონაც ძალიან გამოცვლილია, „მაშ ვერც ის მიცნობსო, თუ კი მე ვერ ვცნობილობ“... ამ ფიქრით სამსრობისას, როგორც მეფე ნადირამ განკარგულება გასცა, გასუფთავებული და სულ ახლებში გამოწყობილი, რაც მარეხის განკარგულებით მახარეს მიუტანეს, მშვიდად წარსდგა მეფის წინ... იქ დიდი მეფეც იყო და მარეხიც...

თვალი ზედ დარჩა სამთავეს... ასეთ ვაჟკაცს ჯერ არ შეჰხვედროდა არც ერთი იმათგანი. მარეხი მოჯადოვდა ნამეტნავად მაშინ, როცა მახარემ თვალი თვალში გაუყარა და წამს ასე იდგა...

„... უთუოდ მახარეც ასეთი შეხედულობისა იქმნებაო“... სწრაფად გაუელვა ამ აზრმა თავში...

ნადირ მეფე გამოერკვა ჩქარა და მიჰმართა:

— იცი, უგულოვ, რისთვის აგრე სწრაფად დაგიბარეთ...

— რაღასაც მეუბნებოდა გზირი: ჩრდილოეთის რაშზე და კი არ ვიცი, საქმე რაშია...

— ესლავე ყველაფერს გაიგებ... აბა წავიდეთ!.. ხომ სადილი სჭამე?!.. ხომ არა დაგაკლეს-რა?!.

— ყველაფერი მრავლად იყო...

გამოვიდნენ სასახლიდგან და საგანგებოდ მეფის ბრძანებით გამართულ ადგილას მიიყვანეს მახარე... ჩრდილოეთის რაში გამოეყვანათ ჯავგაზედ დაბმული და წინ დაეყენებინათ... აქეთ იქიდგან ჩრდილოელი მცველები დაქანცულიყვნენ...

ჰამის დროსაც კი არ ასვენებდა მცველებს... სულ ბორგავდა და ფეხის ანა-სხლეტებს თავ-პირზე აყრიდა...

ხალხი არ დაშლილიყო... მახარეს დანახვამ ყველას სიამოვნების ღიმი გადაუშალა, მაგრამ ეს წამიერი იყო, რადგანაც ამ დროს დაიჭიხვინა ჩრდილოეთის რაშმა და ყველას სასიამო ღიმი მწუხარე აზრით შეეცვალათ: „ვაი, თუ ეს მშვენიერი ვაჟკაცი ამ წყეულმა წაახდინოსო“...

მარეხი ხომ სულ დაიბნა და...

მეფე ნადირა და დიდი მეფე შეკრთნენ... ორივემ ერთად მახარეს შეჰხედეს... მახარე წარბშეუხრელი იდგა...

— უგულოვ, ჩრდილოეთის მეფეს გამოუგზავნია ეს რაში გასახედნად, რადგანაც იქ ვერ უშოვნია გამხედნავი... მეჯოგეთ-უზუცესმა გვითხრა: „თუ გაჰხედნის უგულოვო, თორემ სხვა არაფერს მეგულებაო“...

მახარე დააცქერდა რაშს... დიდხან უცქერდა და შემდეგ მეფეს მიჰმართა:

— მეფევ, რისთვის ჰკისრულობ მაგის გახედნას?! გაუგზავნე უკანვე და ამით გაათავე...

— იცი, უგულოვ, ცოტა სიჩუმის შემდეგ გულწრფელად გამოუტყდა მეფე ნადირა: მითვლის, წაჰჩურჩულა, თუ ვერ გაჰხედნი, შენი ცოლი, რომლის ქებაც მომივიდა, უნდა გამომიგზავნოვო“...

მახარე აწითლდა და ოდნავად მარებს გადაჰხედა... გული აეწო...

— მეფევ, „ცდა ბედის მონახევრეაო“ ნათქვამია... მეც ვცდი... მარტო ეს ადგილი სრულებით შეუფერებელია გახედნისთვის... აქ ორლობეები ბევრია... ამისთანა რაშს თავისთავის დაშავებაც შეუძლიან და მხედრისაც... ორლობეების ბოლოში გაშლილი მინდორია... იქამდის ჩაყვანინე და იქ კი ვეცდები...

მეფემ მაშინვე განკარგულება მოახდინა, რაში ორლობეების ბოლოს კარგა მოშორებით ჩაყვანათ...

მეფე ნადირას არ გამოეპარა მახარეს მარებისკენ თვალის გადახრა, და გაიფიქრა. „ამასაც მარები ჩემი ცოლი ჰგონიაო“, როგორც ჩრდილოეთით მოსულებსაო... ჩაფიქრდა მეფე... მახარემ კიდევ გადაჰხედა მარებს, რომელიც ალტაცებით შეჰსცქეროდა იმას, თვალი თვალს მოჰხედა, ორივე აწითლდა, და ორივემ თავი დახარა...

„ნუ თუ ეთერმა მიცნოვო?!“ შეეკითხა თავის თავს და შემდეგ იმისკენ სრულებით აღარ მიუხედნია და მხოლოდ რაშს-ღა ადევნებდა თვალს.

მარები კი გამოურკვეველ მდგომარეობაში ჩავარდა... ვერ აეხსნა თავისი სიწითლე და მორცხვობა... ეხლა სულ მორიდებით-ღა შეჰხედავდა ხოლმე მახარეს, რომ იმას აღარ შეენიშნა ასე ცხადი ალტაცება...

მეფე ნადირა კი ცოტა ფიქრის შემდეგ გამოერკვა უეცრივ და კარგ გუნებაზე დადგა... ღიმილით გადაჰხედა მარებს, მერე მახარეს და სრულიად კმაყოფილმა თავის გადაწყვეტილებით გასცა ბრძანება, რომ ცხენები მოერთმიათ ორლობის ბოლომდის, რადგანაც ფეხით ჩასვლა ტალახის გამო არ შეიძლებოდა...

ხალხმა რა გაიგო, რო ორლობების ბოლოში დაიწყებოდა რაშის ხედვანა, მოსწყდა და ტალღასავით ყველაფერი წალეკა... ღობე, ყორე აღარად მიაჩნდა და ვიდრე რაშს ორლობის ბოლოში ჩაიყვანდნენ, ის უკვე იქ იყო გაფენილი და საცქერლად დამზადებული... კიდევაც ჰკვირობდა, რომ ასე დაუგვიანდა რაშს აქნობამდის ჩამოსვლა...

რაში კი შიშითა და კანკალით, დიდის კრძაღვით მოჰყვანდათ... მერერა ვიწრო ორღობე იყო!.. ჩრდილოელნი ფართო ველებს მიჩვეულნი ამ ვიწრო ორღობეში თითქმის რაშის წიხლის პირდაპირ დგებოდნენ...

რაშის გამოჩენამ ორღობეების ბოღოს სიხარული და შიში გამოიწვია ხალხში. ერთმანეთს მიეჭუჭკა და ახლა მახარეს გამოჩენას გაფაციცებით ელოდა. აგერ გამოჩნდა ორივე მეფე და მარეხი ცხენებით... ცოტა ხნის შემდეგ მახარეც ცხენით გამოჩნდა, მეფეებს გვერდი აუქცია, ცხენი წინ გააქროლა და ხმა მალლივ დაიძახა:

— მეფევ, უბრძანე რაში იქ მოიყვანონ, სადაც ცხენს შევაყენებ... მეფემაც მაშინვე განკარგულება მოახდინა...

მახარე კარგა შორს ტრიალ მინდორში შესდგა...

რაკი აღნიშნა ადგილი, სადაც უნდა მიეყვანათ რაში, უკანვე დაბრუნდა ისევ ცხენის ქროლვით... მიაქენა ცხენი მეფესთან და უთხრა:

— მეფევ, ხალხი გააფრთხილე, შეიძლება რაში პირველში იმათკენ გამოქანდეს... არ ვიცი, რა მოხდება, რადგანაც გახედნის დროს რაში სრულებით თავისუფალი იქნება საბლისაგან... აი საბელი წელზე მაქვს შემორტყმული... მერვ ვხმარობ საბელს და სხვა სამკაულებს...

მეფე გაკვირდა, მაგრამ არა უპასუხა-რა... განკარგულება კი მოახდინა...

მახარემ ეხლა-ლა შეჰხედა მარეხს... უნდოდა იმის სახე ჩარჩენოდა, რადგანაც ძალიან ძნელ საშიშო საქმეს კისრულობდა...

მართალია ეს ის ეთერი არ იყო, რომელიც იმის გულში იყო ამოჭრილი, მაგრამ მაინც ეთერი ეგონა, რომელიც...

გაბედულად რამდენიმე წამი უმზერდა, როდესაც მეფე ნადირა განკარგულებას აძლევდა... მარეხმაც თვალი აღარ მოაშორა... გული გამოენასკვა და თვალით წამოეყონა...

მახარემ ეს შეჰნიშნა... სწრაფად ცხენი გაატრიალა და გაჰყურებდა დანიშნულ ადგილისკენ... ეხლა, რაკი ქალის თვალში სინოტიე დაინახა, ცა ქუდად აღარ მიაჩნდა და დედამიწა კიდევ ქალამნად...

მარეხმა თვალი გააყოლა. წყვილი ცრემლი ყაწვებზე ჩამოუგორდა, და სული ეელში მოებჯინა... უნდოდა დაეყვირა:

„უგულოვ, შესდექ, ნუ ენდობი მაგ რაშს, თორემ გაგათუქებს!..“ მაგრამ ვერ მოახერხა... გული მოეკუმშა, პირველ წყვილ ცრემლს ნაკადული მოჰყვა, და სუნთქვა გაუძნელდა... მამამ შეჰნიშნა ეს და მზრუნველობით გამოჰკითხა, თუ რა ატირებდა...

მარეხი სიტყვის თქმას ვერ ახერხებდა, რადგანაც ცრემლი აღრჩობდა და უმწეოდ ხელს მახარისკენ იშვერდა... დიდი მეფე მიუხვდა და დაეკითხა:

— გგონია, გააფუჭებს?!


თავი დაუქნია და ძლივას წამოისლოკინა „ჰო“!

— როგორც ეტყობა, ძლიერი ვაჟკაცია!.. ჩრდილოეთის რაში ვერ გააფუჭებს!.. ანუგეშა მამამ...

მარეხი, ცოტა არ იყოს, ანუგეშა ამ სიტყვებმა და დამშვიდებით წარმოსთქვა:

— ცოდოა მაგისტანა ვაჟკაცის გაფუჭება!..

(დასასრული იქნება შემდეგ ნომერში)



ექსოტიური ნოველები

I საათები

საათზე უფრო ღრმა სვიმბოლო მე არ მეგულება!

თვალწინ მიდგას ღრმად მოხუცებულის დამკვანარი სახე, მცხრალ მთვარესავით მრგვალი და პრტყელი, თვალზე ჩანისლული და თავდავიწყებაში მთვლემარე. ნელა, ნელა ეპარება ამ სახეს ორი ვარდისფერი თითი პაწია შვილის-შვილისა, პაწია თითებს უცაცუნებს ბებიას სახეზე და ნაოქს უსწორებს მოხუცებულს, თითები, პაწია თითები მიცოცავენ ბებრის სახეზე.

თვალწინ მიდგება: საათები, საათები, ეკლესიების გუმბათებზე, საათები დიდი ქალაქის მოედნებზე, საათები, ფართე, ღია თვალებიანი საათები, რკინის გზის სადგურებზე, როცა შუალამისას ექსპრეს-მატარებლით მიჰქროლავხარ სივრცეში და ისინი ისე დაღვრემილად გამოიყურებიან, როგორც მიცვალებულის ღია დარჩენილი თვალები.

მიცვალებული დროის სარკე და თვალები.

ღია დარჩენილი თვალები მარადისობისა.

ჩემს ხანგრძლივ უძინარ ღამეებში მარტოობაში და უცხოობაში ისინი რეკავენ, რეკავენ თითქოს ვიღაცას ჩემთვის ძვირფასსა და საყვარელს მიასვენებენ, სადღაც ბნელ ქუჩებში, დიდი ქალაქის ბნელ ქუჩებში! დარეკავს ერთჯერ, ორჯერ, სამჯერ... აჟღარუნდება თორმეტჯერ და ყველანი ერთის ჯადოსნური დირიჟორის ჯოხის გაქნევაზე აჟღარუნდებიან მთელი მძინარე ქალაქის საათები და ისეთი გრძნობა მაქვს, თითქოს ვიღაცეებმა თორმეტი ჩირაღდანი აანთეს, სანდლები ფეხზე წამოიცივეს, ჩირაღდნები აანთეს და ემზადებიან გასასვენებლად.

საათები ბინის კედლებზე, საათები მოედნებზე, საათები რკინის გზის სადგურებზე, საათები ეკლესიის გუმბათებზე და ტრიუმფალურ ჭიშკრებზე რეკავენ, რეკავენ და ზარითა და ზათქით მიასვენებენ მზე გადასულ დროს, რომელიც ყველაფერს გვართმევს, ყველაფერი თან მიაქვს, ყველაფერს თან წაიღებს, რაც აქამდის გვიგვრძენია, ყველაფერს რაც გვინატრია და შეგვსრულებია, გვინატრია და არ აგვხდომია, ყველაფერს რაც გვყვარებია და შეგვძულებია, ჩვენს დიდ სიყვა-

რულსა და ჩვენს დიდ ნუგეშს, ჩვენს დიდ სიხარულსა და პატარა ბედნიერებას, ჩვენს დარდსა და ჩვენს გულის ჭირს, ჩვენს ღიმილსა და ჩვენს ცრემლებს; ყველაფერს, ყველაფერს თან წაიღებენ საათები, საათები ჩვენი ბინის კედლებზე, საათები ქალაქის მოედნებზე, საათები რკინის გზის სადგურებზე, საათები ტრიუმფალურ ჭიშკრებზე.

II ტელეფონში

ზამთრის ღამეში მომიხდა ბერლინში დაბრუნდება... ჩემს ქურქში გახვეული ვიჯექ ტაქსომეტრში და ფანჯრიდან გავყურებდი დაცარიელებულ ქუჩებს, სახლების სახურავებიდან გველივით ჩამოკიდებულ წყლის ღარებიდან გრძელი, გრძელი კრისტალის შანდლებივით ბრჭყვიალებდა ყინული, ელექტრონის ფანრების დასრულებულ ლარს ქვეშ მიჩაქჩაქებს დროშკის ცხენი—უზარმაზარი ქალაქი, მკვდარი ქალაქი დაფიქრებული, მოღუშული მეგებება, დაღვრემილი, დაბნელებული ფართე ფანჯრები ისე შემომცქერიან, როგორც მკვდარი დევების გამოღამებული თვალეზი, ყინულით შესუდრული დათოვლილი სახურავებიანი ქალაქი თეთრი კარტონის ქალაქსა ჰგავს, ჰაუ ყველაფერი გაყინულა, გაცივებულა! ისეთი გრძნობა მაქვს თითქოს ამ ქალაქზე რომ ზღაპრულმა რუხემა ფრინველმა გადაიაროს და სახურავებზე გადაუსვას თავისი ბასრი ფრთები, მთელი ქალაქი დაიმსხვრევა, ნანგრევებად იქცევა ეს უშველებელი დიდი ცივილიზაცია მრავალ ათას თაობათა შრომითა და ოფლით მონაგვარი, ერთ წამში ფხვიერად იქცევა. ფიზიკურად და სულიერად გაყინული გამოვედი დროშკიდან, მივარდი ჩემი ძველი ბინის წინ ჩამოკიდებულ ხარის ტარს და მაგრად, მაგრად ჩამოვსწიე, სულაც არ გამხსენებია, რომ იმ სახლში ფარდები ჩამოშვებული იყო და ყველას ეძინა, კიდევ დავრეკე ჩამი-ჩუმი არ ისმის.

ხომ არ დახოცილან ამ სახლში მცხოვრებლები! ერთ წამში კარი გაიღო ავტომატიურად და შევედი. ჩემი სტუდენტობის დროის ბინა ნაცნობი სურათებით და კედლის ნოხებით. როგორ მინდოდა მოხუც დიასახლისს მაინც გამოეხედნა და მოეთხრო თუ რა მოჰხდა ჩემს შემდეგ ან ქალაქში, ან ჩვენ ძველ ნაცნობებს შორის. სად არიან ჩემი მეგობრები, სტუდენტობის დროის ამხანაგები, ნეტავ წავიდნენ აქედან თუ ბერლინში დარჩნენ. ხომ კარგად არიან?

ერთ წამს თვალი მოხვდა კედელზე ჩემი ნორვეგიელ მეგობრის, იოჰანესის სურსათს.

როგორ მოღუშული შემომჩერებოდა იგი თავის განიერ და ძირს ჩამოფხატულ წარბებიდან.

ნორვეგიის ყინულიანი მთების ქარი ჰქრის ამ წარბებიდან.

თითქოს ეს სურათი ძლიერ გამოცვლილა. უნებურად ავდექი და ტელეფონის ოთახისაკენ გავეჩქარე.

„ცენტრი“ ჩამძახა მექანიკურად ვილაცამ ყურში.

„თოთხმეტი, — ორმოცდახუთი“.

მაგრად მივიდევდი ყურზე ტელეფონის საყვირი.

აჩქარებული ზუილი და დრო გამოშვებითი ხრიალი მოდიოდა შორით, შორით, ერთ წამში ასე მეგონა, რომ ეს ხმა დაულეველ სივრციდან მოდიოდა და ეს ტელეფონის საყვირი ერთ დიდსა და ვრცელს, ცარიელ ქვეყანასთან მაერთებდა, უსმენდი და ტანში ცივი, უსიამოვნო ჟრუანტელი მივლიდა.

ჩუ, ვილაცამ ხელში აიღო მეორე საყვირი და ის ახსენა, ჩემი მეგობარი!

ეს სიტყვა ისე ცივად, ისე ყრუდ ითქვა და იგი შორიდან, შორიდან გამოძახილად მოვიდა ჩემთან დაბეჭილი, გულგაცრუებული და უიმედო ფრთების ფართობით, თითქოს რამოდენიმე წლის წინად გამოსულა ეს სიტყვა ჩემი მეგობრის პირიდან და ახლა მოაღწია მან ჩემს ყურამდის.

— იოჰანეს შენა ხარ? როგორა ხარ, რას შობი? მივაყარე მე კითხვები ერთი მეორეზე.

— გმადლობ, ვარ ასე, როგორ ვიქნები...

შენ გახსოვს ალბად როგორის იმედებით წავედი მე სამშობლოში ორი წლის წინად, როგორც კი ჩემი სადოქტორო სამუშაო დავამთავრე. ჩემი ინდენტურობის თეორია მე უფრო გავავითარე, ამაზე დიდი პოლემიკა მქონდა კოპენჰაგენისა და ქრისტიანის ჟურნალებში.

ის გაჩუმდა... ისევ ტრიალი და მომაკვდავი კაცებისებური ხროტინი ისმის ტელეფონიდან.

— იოჰანეს, ჰალო, იოჰანეს...

— აქა ვარ.

— მერე?

— მერე და შენ გახსოვს მესამე დიმენსიის გამოძებნას ვაპირობდი. მთელი ღამეები, მთელი თვეები ვმუშაობდი... ეს მუშაობა ცოტახნით შემაწყვეტია ცოლის შერთვამ.

— რაო, ცოლი შეირთე, ინგობორე? შევეკითხე მე.

— არა იმას აგნესა ერქვა, კოპენჰაგენის ოპერის მომღერალი. ერთი ზამთარი ნორვეგიაში გავატარეთ... მე ამ ხანებში ჩემი თავის ტკივილი მომიბრუნდა... აგნესს მოეწყინა ჩემთან. ამასობაში ერთი ჩემი კოპენჰაგენელი სტუდენტობის ამხანაგი მეწვია, შენ იცნობ მას. ის ცნობილი ანდერსენის ზღაპრების დეკლამატორი იყო, ვინმე ზილბერშტაინი, ტომით ებრაელი. მთელი ღამეები, როცა მე ავად ვიყავი, იგი ჩემ ცოლს ბუხრის წინ უამბობდა ანდერსენის ზღაპრებს.

აქ მე გავიგონე, რომ მან ხმელად დაახველა-

მერე ეს ზღაპრები ისე გათავდა, როგორც ყოველი ცხოვრების ზღაპარი თავდება ხოლმე. ერთხელ ჩემი ცოლი წაიყვანა მან ყინულზე სასეირნოდ მახლობელ ტბაზე და მესამე დღეს გავიგე, რომ აგნენს მე აღარ ვუნდოდი, კოპენჰაგენიდან მომწერა გამოსათხოვარი წერილი. რამოდენიმე თვე დავრჩი იქ. თავის ტკივილებმა მიმატეს, საშინელი ბნელი და მარტოხელა ღამეები. ყურის ხშუილმა მიმატა, თავ-ბრუ მეხვეოდა, და როცა დავდიოდი ჩემს ფეხს ქვეშ ყველაფერი ირყეოდა, ინგრეოდა, მულამ მიწის ძვრებს ვგრძნობდი. ჩემს თავში დიდი და საშინელი ბუნების კატასტროფები მოხდა იმ ღამეებში. ისეთი გრგვინვა მესმოდა მახლობელ მთებიდან თითქოს ნორვეგიის მთები მიწის ძვრებია და მეწყერებს გაელეწნათ. მთები, ჩემი მთები მელანდებოდა. დაჩეხილ, სახურავებიდან გადმონიჩბულ თოვლივით ეყარა მიწაზე. შენ გახსოვს, მე და შენ რო შვეიცარიაში გავემგზავრეთ ფეხით, როგორი უშიშარი ვიყავი.

იმ ხანებში კი, კიბეზე რო ჩამოვდიოდი შიშით მისქდებოდა გული, რომ კიბე არ ჩამონგრეულიყო. სახლიდან გამოსვლას ველარ ვბედავდი და მთელი დაულეველი, გაუთენელი ღამეები მოველოდი, რომ სივრცეში ყველაფერი აფეთქდებოდა და მატერია ქაოსად იქცეოდა.

მე თვითონ ვგრძნობდი, რომ სივრცის ავადმყოფობა შერეოდა, დაღუპვის უფსკრულისაკენ მიმაქროლებდა რაღაც საშინელი და ვუცდიდი, სულ უცდიდი, რომ რაღაცა ჯერ არ მომხდარი უნდა მომხდარიყო.

ეს მოხდა კიდევაც ერთ დღეს, მე მზეზე გამოვედი, როცა ცოტა დათბა მთებში. ნაშუადღევს ჩვეულებრივად სავარძელში ვიჯექი. შუშაბანდიდან შევამჩნიე ეზოში მარხილით შემოვიდა ვიღაც შევტანისამოსიანი ქალი. ამოირბინა კიბეზე, თოვლი დაიფერთხა და დარეკა, მე ზარის ხმაზე მიწივლეს ყურებმა, მივვარდი კარებს და იცი ვინ შემოვიდა, ინგებორი მოვიდა ჩემთან და თავისი გრძელი, რბილი თეთრი ხელები გამომიწოდა და შუბლზე მაკოცა.

აქ იგი გაჩუმდა და ამოიოხრა, მისი ოხვრა ერთბაშად აირია ტყლფონის საყვირიდან, სტვენით მომქშინავ მარადისობისა და ღამის მძიმე სუნთქვასთან კიდევ მოისმა მძიმე, მძიმე ხროტინი და მონოტონური ტაკა-ტუკი...

შენ იცი, განაგრძო მან, მე ბუნების მეტყველობამ, ინდენტივიტეტის თეორიამ, ნიუტონმა და ლაუაზიემ კანტთან მიმიყვანა, კანტიდან ხომ დიდი მანძილია წმინდა ფრანჩისკო ასისელამდის, ან თუ გინდა შვედენ-ბორგამდის, ან მაისტერ ეკარტამდის.

ამ გზამ მისტიციზმამდის. მიმიყვანა სულითა და ხორცილ დაუძლიურებული, მაგრამ ახლაც არ ვნანობ ამას, მე მისტიციზმის მერყევ ნიადაგზედაც თავს ვიმაგრებ... მე აქ შევაჩერე და ვთხოვე ინგებორგეზე განეგრძო.

— ჰო და ერთხელ ვთხოვე ინგებორგს, რომ ბოლო მოეღო ჩემ ტკივილები-სათვის. მან სავარძელიდან ბავშვივით ამიყვანა, მოიტანა უშველვებელი ცივი ქვა და თავი დამიმსხვრია. იცი რა ვნახე, ჩემი ტვინის უჯრედები სულ გამოლრღნილი ყოფილა. ეს იყო დიდი ნათელ-ხილვა და სასწაული. მთელი თავის ქალა გამსჭვარ-ტლული იყო თუთუნის ნეკოტინით, დიდი ქალაქის ქარხნების ობზივართა და მტვერით; აქ ყოფილან ნამცეცები ასფალტის, რკინის, ფოლადის, ბრინჯაოს, საფირონის, მარმალლოს, ქალღმერთის, გაზეთების, წიგნების, ტრანსცენდენტალური თეორიების, კანტის, ლაპლასის, ლოუაზიეს, — აზიის; აფრიკის, მთელი ჩვენი ცარიელი ცივილიზაციის და დამპალი კულტურის...

და შიგ შუაგულში, შენ არც კი დაიჯერებ, პატარა დაღმეჭილი, გაყინული, დაკოჟრებული გული იყო, ჩემი დაუნდობელი აგნესის გული; მე ავიღე ხელში ეს ცივი მეტეორის ქვასავით გაყინული გული, რომელიც მაშინ ჩავარდნილა ჩემ თავში, როცა იგი ცეცხლ მოკიდებული იყო, მოლაპლაპე და აღზნებული, როგორც იყო აგნესი იმ ღამეს კოპენჰაგენის ოპერაში რო ვნახე, „ჰოფმანის ზღაპრებში“.

მე ვთხოვე და ჩემმა ინგობორემ ეს უსიყვარულო გული ფეხით გასრისა, თავის კახტა ფეხით გასრისა, გასრისა...

მას უნდოდა რაღაც ეთქვა კიდევ, მაგრამ მე გავაწყვეტე: „ახლა როგორ გრძნობ თავს იოჰანესს... სიჩუმე.“

ჰალლო, იოჰანესს, იოჰანესს.

მე მაგრად მივიკარი ყურზე ტელეფონის საყვირი, მაგრამ იგი სდუმდა, მხოლოდ მესმოდა ტელეფონის დაუცხრომელი ზუზუნი, ცივი, ბნელი, მუნჯი ღამე მეპუტუნებოდა ყურში რაღაც საშინელსა და გაუგონელს.

III პორცელანი

ჩვენ მაუნჰენში გავიცანით ერთმანეთი, ერთ ხელოვანთა მასკარადში.

ჩემი ნილაბი იყო, მეფე სილენი.

მისი — ნიმფა კალიპსო.

ორივენი ერთ შეზგონში ჩავჯექით, როცა უკანასკნელი „პოლონეზი“ გათავდა.

უნებურად ჩემი მუხლის თავი მისსას მოხვდა. ეს იყო ჩვენი მასლაათის შესავალი.

— „პარდონ მადამ“ წავიჩურჩულე.

— „ჟე ნე სუჟ პა მადამ“. იყო პასუხი.

— ნეტავ ვიცოდე თქვენ როგორი ჰხართ სინამდვილეში?

— მე? მე მუდამ ერთი და იგივე, როგორც სიზმარში, ან თუ გინდათ ნილაბოსანთა საღამოზე.

— არა სერიოზულად, მე მაინტერესებს თქვენ როგორი სახე გაქვთ, როგორი თმა?

მე გავჩუმდი.

— თქვენ ისეთი ხმა გაქვთ, რომ მთიული უნდა იყოთ.

— როგორ თუ მთიული?

— მთიული კაცი, მთიდან ჩამოსული.

— ეგ სწორია, მაგრამ როგორ შემატყვევთ?

— მე ვფიქრობ ეს ადვილია, თქვენ ფოლადისებური ხმა გაქვთ. თქვენი წინაპრები ალბად ტივებით ეზიდებოდნენ შეშას მთიდან, ან არა და ჯიხვებზე ნადირობდნენ.

ცნობილია, რომ მენავეებისა და მონადირეების მოდგმას ხმა მაღალი ლაპარაკი სჩვევია.

პაუზა.

მას ცალი ხალი მუხლზე უდევს, მეორეს შეზგონის ხავერდს უსობს.

— არა მართლა მითხარით, როგორი თმა გაქვთ, შავი?

— ჰო ჩემი თმა შავია, როგორც საქართველოს უმთვარო ღამე.

მას რალაც უნდოდა ეკითხა, მაგრამ მე შევაწყვეტიე.

— ჰო უკაცრავად...

— რა ძნელია, რომ კაცს მასკარადშიაც არ დაავიწყდება ზრდილობა.

თქვით, რა გინდოდათ გეთქვათ.

— არა თქვენ ბრძანეთ.

— ახლა მე არაფერს ვიტყვი სანამ თქვენ...

— ჰო მე ის მინდოდა მეთქვა, მე ისეთი შთაბეჭდილება მაქვს, რომ თქვენ დანიშნული ან გათხოვილი უნდა იყოთ.

— რატომ? ნუ თუ ასე ხნიერი ვჩანვარ.

— არა, ნიღაბების საღამოზე ნათქვამი უკულმა უნდა გაიგოს კაცმა საერთოდ, ქალის ნათქვამიც ხომ ხშირად...

იგი გაჩუმდა, ნიღაბი გაისწორა.

მე დაუჭირე ცალი ხელი, — მაგრად მოუჭირე ხელები ხელზე:

— „ახლა უნდა მითხრათ თქვენი ნამდვილი გვარი, საცაა თქვენი კავალერი მოვა.

მან გადაიხარხარა. — თქვენ დიდი თავხედი ვინმე ხართ.

რა ბავშვური სიცილი იცის, ვფიქრობ.

— ბარონესსე ფონ შტაინ.

მე მინდოდა მისამართიც მეკითხა, მაგრამ გავჩუმდი.

— არა გატყუებთ. ეს ჩემი ქალიშვილობის გვარია. მე გათხოვილი ვარ ბარონ რასტრუპზე.

— თქვენ, თუ არ ვცდები ხელოვანი უნდა იყოთ. მხატვარი?..

— არა.

— მუსიკოსი?

— არც ეგ.

— მაშ?

— მე კაცმა რო თქვას, წმინდა ხელოვანი არა ვარ. მე ვხატავ პორტრეტების ჭურჭლის დეკორაციის ნიმუშებს, ეგ დარგი მე პრაქტიკულის მოსახრებით არ ამირჩევია.

— რა უყოთ. ინტენსიური ხელოსნობაც ხელოვნურ გულის-დადებას ჰგულისხმობ.

პაუზა. — თქვენ რაზე გაჩუმდით?

— მე ვფიქრობ, რომ ხელოვანი ქალი არ უნდა გათხოვდეს.

— რატომ.

— ისე.

— წინააღმდეგ, მე გათხოვების შემდეგ დავიწყე ხატვა.

— როგორ თუ გათხოვების...

— თუმცა მე გათხოვებამდისაც ვიტანჯებოდი მოზღვავებული ფანტაზიის სიქარბით, მაგრამ ხელოვნების ვერც ერთ დარგში ვერ მოვეწყვე, რადგან მეგონა, რომ როგორც სიტყვითი, ისე ფერადებითა, ისე ტონალი ხელოვნება ვერ იძლევიან ისეთ ფაქიზსა და რხეულ ნაჟიანსებს...

საერთოდ მე ვფიქრობ, რომ ხელოვნება დღესაც ბანალურ რაციონალიზმში იხრჩობა.

— მერე გათხოვება აქ რა შუაშია.

— აი გეტყვით. მე ბარონ როსტრუპი მიტომაც შემეყვარდა, რომ ის უფანტაზიო კაცია. იმ ხანებში იგი ბაქტერიელოგიით იყო გატაცებული. ერთხელ შინ მარტოყოფის დროს მეც ავიღე ხელში მისი მიკროსკოპი. ნამდვილი სინამდვილე მაშინ ვნახე, სულ სხვა ფერადი, სულ სხვა ხაზმოსმა, ვიდრე ის სინამდვილე, რომელსაც ჩვენ შეუიარაღებელი თვალით ვხედავთ.

მაშასადამე, ვიფიქრე მე, ჩვენი სინამდვილე მტკნარი სიცრუე ყოფილა. კიდევ ყოფილა მეორე სინამდვილე.

ხელოვნება კი მესამე სინამდვილეა მხატვრის მიკროსკოპში დანახული, ამ შეგნებამდის პე ამ ათიოდე წლის წინად მივედი და ირაციონალის ფერების შეხამება დავიწყე. მაშინ სად იყვნენ კუბისტ ფუტურისტები ჩვენში. მე მათდა დამოუკიდებლად მივაგენი ირაციონალ ექსპრესიონიზმს. სულ მიკროსკოპის წყალობით. იგი გაჩუმდა. ჩემ გულში ახალი ჭეშმარიტება ჩაეწვეთა, მე იმაზე ვფიქრობდი.

— თქვენ როგორც თქვით აღმოსავლეთიდან ყოფილხართ.

— დიახ.

— აღმოსავლეთი ჩემი ოცნების ქვეყანაა. მე სულ ინდოეთის, იაპონიისა და ჩინეთის ფერები მელანდება, ჩვენი ცა, ჩვენი ზღვა, ჩვენი ცის დისკა, ფრიალ ღარიბია ფერადებით... ყველაზე უფრო დასავლეთ ევროპის ღრუბლები ღარიბების ბაღში გაფენილ მჩვრებსავით წვირიანი და დაგლეჯილი. მე იაპონიის და ჩინეთის მხატვრობა მიყვარს. ისინი არასოდეს არ ჰხატავენ ჩიტს, ისე როგორც ეს ბუნებაშია, არამედ ჩიტს მუდამ ტრანზიტორულ მომენტში დახატულს.

საერთოდ ჩვენი ევროპიული რეალიზმი და ნატურალიზმი მძაგს, ბანალური რეალიზმი.

იგი გაჩუმდა.

გენატრებათ აღმოსავლეთი?

— მე აღმოსავლეთში უნდა დავბადებულებიყავი.

უნებურად მომაგონდა ჰაინეს ნაძვის ხე, მთის კორტოხზე რო დგას და მზისაგან გაბრწყინებულ ბზაზე ოცნებობს.

რა ძლიერია პოლარულ უკიდურესობათა ლტოლვა საგნებში!

ჩრდილოეთში დაბადებული ქალი სამხრეთზე ოცნებობს!..

— ქორწინებას მრავალ უბედურებათა შორის, ხშირად კარგი მხარეებიც აქვს. ჩემმა მეუღლემ თავის მიკროსკოპით მთელი ახალი ქვეყანა აღმომაჩენა, მთელი ახალი ქვეყანა ხელოვნებისა. ამბობდა მადამ როსტრუპი.

— სამაგიეროდ ჩემმა ირაციონალ ფერადებმა მას აღმოსავლეთის სული და კულტურა შეაყვარა. მისი ლექტიურებია ახლა: უპანიშადები ლაოტზე და იაპონური მითოლოგია.

მადამ როსტრუპს ხშირად ვხვდებოდი სპირიტისტულ საღამოებზე, თეატრში და ლიტერატურულ სალონებში, მალე დავრწმუნდი, რომ ჩვენი დამოკიდებულება ისე სათუთი გახდა, რომ მრავალთა შორის ყოფნა ჩვენ აღარ შეგვეძლო. უნდა მოგვეძებნა სადმე „კუნჭული“, სადაც მარტო ვიქნებოდით.

ჩემს განცვიფრებას საზღვარი არა ჰქონდა, როცა მან წინადადება მომცა, რომ მომეყოლა შაბათ საღამოს მათსას წამოვსულიყავ საღამოს ჩაიზე.

— ჩემი ქმარი, ამბობდა მადამ როსტრუპი, ისეთი გატაცებული ორიენტალისტი, რომ მას დიდად დაინტერესებს თქვენი აზრები, საერთოდ იგი სულიერად აღმოსავლეთში ცხოვრობს.

მერე დაიწყო მშვენიერი საღამოები ბარონ როსტრუპის ოჯახში...

ძველი ტრადიციული გერმანელი ბარონის ოჯახი, რომელიც თავის დეკადანსის მწუხრში წმინდა ხელოვნების იდეალებითა და არისტოკრატიული ესთეტიციზმით იკვებება.

დეკადანსი, ვამბობ, რადგანაც როსტრუპის ოჯახი, როგორც მაღამ როსტრუპის სამაჯურ-სამკაულებზე შევატყვე, ვალებში იყო ჩაფლული.

ყოველ შაბათ საღამოს შავ მაჰაგონის მრგვალ მაგიდას გარს უსხედით ჩვენ სამნი: მაღამ როსტრუპი, ბარონ როსტრუპი და მე, ნარინჯის ფრად შეღებილ ოთახის კედლებიდან გადმოქვცქეროდნენ მეჩვიდმეტე საუკუნის მხატვართა სურათები, ბერები—ქინჯილივით ანთებულ ვავსილ სახეებით და გაბრწყინებული თვალებით—იღებენ ხელში მაღალ ფეხიან წკრიალა პოკალებს, რომელშიაც ოქროვანი ღვინო კიაფობს. იქვე მთელი პლეიადა „ალა პამპადურ“ ჩაცმული ქალებისა, ლუდოვიკო მზეთა მეფის სასახლის ამალიდან. როკოკო ტანისამოსი, რანდები მოკლე შპაგებით და მაღალ ყურებამდის აკეცილ საყელოებით, მწვერები ამოკეცილ კუდებით და გრძელი ბანჯგვლიანი, პარტყუნა ყურებით. მერე მთელი რიგი ჰოლანდიელ „მტილ ლებენის“ მხატვრების დახოცილი იხვები, ბატები, დაკლული ნადირი. დახლეჩილი ბროწეულები, ჩვენ სამნი კი ვისხედით მწვანე აბაჟურიან ელექტრონის ლამპის ქვეშ, რომელიც ზედ ჩვენ თავზე იყო დაკიდებული, როგორც ბედუინის ოჯახი უდაბნოს ოაზისში პალმის ქვეშ, და ჩინურ ჩაის შევექცეოდით.

ერთად ერთი ნივთი, რომელიც ბარონ როსტრუპის აღმოსავლეთის სიყვარულს და აღმოსავლეთურ გემოვნებას ჰმოწმობდა, ეს იყო პორცელანის ჭურჭელი, ჩაის ჭურჭელი, რომელიც ოჯახის დიასახლისის დიდ-დედის ნაშითვარი ყოფილა. მთელ შ თაობას უსვამს ამ საოცრად მოხატულ თასებიდან სურნელოვანი ჩაი, და ეს თასები უცხოოდ მოხატული პებლებით, ყვავილებით, ზღვის ღინჭილებით, მშვენიერი ჩინელი ქალების გრძელი მარაოსებურ წამწამებით რაღაც განუსაზღვრელი სიყვარულის საგანი იყო ამ ოჯახში. მე ვერ წარმომიდგენია თუ ადამიანის სიყვარული მკვდარ უაპასაკო საგნისადმი უფრო ნაზი იქნება! ვინაიდან ბარონ როსტრუპის მთავარი დებულება იყო: ახალგაზდობა ცუდი აღზრდით ფუქდება, კარგი სურათები უგემურ მიშტერებით, კარგი ჩაი ცუდი ჭურჭელით.

როგორ უყვარდა ჩაი ბარონ როსტრუპს!

მას სპეციალურად შეუსწავლია ჩაის მოყვანის საქმე ჩინეთში. მე მგონია, რომ ყოველი ერი, და ყოველი პიროვნება ყოველდღიურ წვრიმალეშიაც ისე რელიეფურად აჩენს თავის სულიერ სახეს, როგორც თავის ფილოსოფიისა და მწერლობის უმნიშვნელოვანესს აქტებში. ცხოვრება სხვა რაღაა, ოუ არა და საგნებისადმი დამოკიდებულების გამოჩენა და გამომჟღავნება, ადამიანიც წვრიმალში იჩენს თავის ხასიათს, რადგანაც დიდ საქმეში მას არაფრის დამალვა არ შეუძლია.

ბარონ როსტრუპი კარგად იცნობს ჩაის კულტურას ჩინეთის ტანგ, სუნ და მინგ დინასტიის დროს, მთელ ბოტანიკას ჩაიზე დამყარებულს.

„ჩაის ათასნაირი პირდაპირი და სვიმბოლიურ რელიგიური დანიშნულება აქვს ჩინეთში, დაიწყო ბარონ როსტრუპმა. ტაოისტების აზრით ჩაი უკვდავების ერთი მთავარ ელემენტთაგანია.

მადამ როსტრუპმა სახურავი აპხადა ჩაიდანს. მე ახლად დამდგარ ჩაის სურნელეობა მეცა სახეში, თვალი დავხუჭე. მესმის თუ როგორ ჩხრიალით ივსება მადამ როსტრუპის მშვენიერი პორცელანის თასები სურნელოვანი ჩაით.

— ბუდისტებისთვის ჩაი მათრობელი საშუალებაა მათი მედიტაციის დროს, განაგრძო ბარონ როსტრუპმა. სამხრეთ ჩინეთის დინასტიის პოეტების ფრანგმენტები მინახავს, სადაც ჩაის დითირამბებს უმღერიან.

ჩაის ნეფრიტის ლივლივა წვენს ეძახის ერთი პოეტი. პარველი ჩაის მადიდებელი მოციქული ლუ შუ, იგი მერვე საუკუნეში ცხოვრობდა, თავის ცნობილ თხზულებაში „წმინდა წიგნი ჩაისათვის“ იგი ბუდიზმისა და ტაოიზმის სინტეზებს გვაძლევს.

ღღესაც ჩინელ ჩაის ვაჭრებს პოეტი ლუ შუ თავის მთავარ კერპადა ჰყავთ აღიარებული...

მე ვაშტერდები მადამ როსტრუპის წინ მდგარ თასს, იგი ყვავილის ყელივით ნაზია და სიფრიფანა! განსაკუთრებით ის თასი მიყვარს, მადამ როსტრუპის ტუჩები რო ეხება უოველ საღამოს. ჰოი საკვირველებავ, რომ ისეთი ადამიანებიც მოიპოვებიან, რომელთაც მატერიაში სულის ჩარგვაც ეხერხებათ!

ერთ საღამოს როსტრუპისას სხვა სტუმრებიც იყვნენ სასადილო ოთახში. მაჰაგონის სუფრაზე ახალი ჩაის ჭურჭელი ელაგა. საუბარი პოლიტიკურ თემებზე იყო, მე სულ გაჩუმებული ვიყავი, რადგან ისეთი საგნების შესახებ იყო ლაპარაკი, რომელიც ჩემ გულს არაფერს ეუბნებოდნენ. მე ვსდუმდი. აღარ მესმოდა თხელი, ბუმბულივით მსუბუქი ჩაის სერვიზის ხმა, ნაზი და ჰაერვანი ხმა ძველი, ძველი ჩინური კულტურისა. მის ნაცვლად სუფრაზე ვხედავდი ტლანქ, უხეშ, ევროპიულ ფაბრიკაციის ჩაის ჭურჭელს.

— ომმა ცხოვრება გააძვირა „მონ ბერ ამი“, ცხოვრება შეუძლებელი გახდა, ჩვენსას ერთი ამერიკელი ჟურნალისტი იყო, იმან დიდი ფული შემომთავაზა ჩვენ პორცელანში ნიუ-იორკის ერთ მუზეუმისთვის და მეტი გზა არ იყო უნდა გაგვეყიდა... მითხრა ბარონმა, როცა დამიმართხელა სალონში...

უნდა გაგვეყიდა!

როცა ამას მიაშობდა ბარონ როსტრუპი, მე ვხედავდი თუ როგორ გაულურჯდა მას ტუჩის კუთხეები. ყველაფერი ეს ისეთის კილოთი და ნაღვლიანი თვალებით მიაშობო, თითქოს ვიღაც გარდაცვლილიყო ოჯახში. ღამე შინ რო ვბრუნდებოდი, გულზე ლოდვიით მაწვა ორიოდე საათის წინ გავგონილი ამბავი.

მშვიდობით, მშვენიერო საღამოებო ბარონ როსტრუპის ოჯახში, მშვიდობით ჰაეროვანო ჩაის ჭურჭელო!

— შენც ფეხი შესდგი, მეგობარო, უკულტურობის მოლიპულ გზაზე, ქალაქის ნაგლეჯებით მოფენილ გზაზე. შენც...

რამდენი სიყვარული, რამდენი ცდა და ჯაფა მოუხდებოდა იმ მშვიდობიანობის მოყვარულ ჩინელს ამ ოთხიოდე საუკუნის წინად შენი პორცელანის ფორმებისა და ფერადების მოსაგონებლად.

მერე რამდენი სიყვარული მოიმკო მისმა ქმნილებამ შენი ცოლის წინაპრებისა და შენს ოჯახში, რამდენი სულიერი სიკეთე და მყუდრო სიყვარული უნდა გამოეჩინა შენ მახლობელთა ხელებს, რომ ამ პორცელანის სათუთი რხეული ყუნწების მსგავსი ხელ საკიდი არ დაემსხვრიათ...

და შენ ერთ წამში ხელიდან გააგდე ეს ძვირფასი საუნჯე, რომელიც მთელი რასის, მთელი ეპოქის სულიერ სიმდიდრის ჭურჭელიც იყო.

ამის შემდეგ მე ბარონ როსტრუპისას ფეხი არ დამიდგამს.

სად არის ნეტავ ბარონ როსტრუპის პორცელანი, ვფიქრობ ხან და ხან... ეგებ ნ.ჟ.იორკის რომელიმე მუზეუმში.

ჰმ მუზეუმი!

მუზეუმი სხვა რაღაა თუ არა და უშველებელი სასაფლაო, სადაც ყოველი ერი, ყოველი რასა, თავის გრძნობებს ჰმარხავს... დიდი საფლავი მიცვალებულ გრძნობათა და დრო მოქმედ ფერადებისა და რითმებისა...

ბარონ როსტრუპის მშვენიერი პორცელანიც ალბად ასეთ ადგილას ასაფლავია სადმე...

IV შეხვედრა

საღამოს ბინდისას ქალაქიდან გავედი.

ამოვისუნთქეო, მოვისვენო. გადავიჩრდილო ამ საშინელ სიციხეებში.

ქალაქს გარედ პარკებს მდებარე გავცილდი. იწყება მუხნარი. აქ იწყება მალლობი, ვატყობ ფერდობზე მივდივარ, მაგრამ ფეხს უჩქარი, მივდივარ ნახევრად ბნელში. სულ წინ, სულ ზევით, არც თუ ანგარიშს ვაძლევ ჩემ თავს, საითკენ, სად?

საკვირველია სწორედ, როცა არავინ გვიჩქარის, როცა არავითარი საქმე არა გვაქვს, არც არავითარი განსაკუთრებული მიზანი, მაშინ მაინც სად მივიჩქართ, სად მიგვისწრაფის სული? როცა ჩვენ გვგონია ვისვენებთ, როცა ჩვენ გვგონია თავისუფლად ვსუნთქავთ და ბოლთას ვცემთ, მაშინაც ვიღაც კოფოზე გვაზის და სადღაც მიგვაჩქარებს.

დაბნელდა თითქმის, გაშავდნენ ხის სილუეტები, გაირუჯა ტოტების მწვანე. მხვალ გორაკის ფერდობზე, რომლის გადაღმა ცეცხლივით მოლაპლაპე ცისკიდური მოსჩანს, ქარხნის საყვირების მთელი ტყის გადაღმა, იგი უფრო მეტი სინათლეა, იქ კუნძზე ჩამოვჯდები და დავისვენებ, ვფიქრობ... ტყეში სიჩუმეა, მხოლოდ ორიოდ ღობე-მძვრალა უძახის ბნელაში ერთი მეორეს. ტყეში ჩამი-ჩუმი არ ისმის. აქა-იქ თეთრად ელავს ქალის თეთრი ტანისამოსი, მერე მოისმის მძიმე ფეხის ხმა და მხმარი შტოების მტვრევა და ტკრციალი, თეთრ სილუეტს ვიღაც თალხიანი მისდევს. ისევ იკარგება ორივე ტყის სიღრმეში, ისევ აყუდროებს და ორი ღობე-მძვრალა უძახის ერთი მეორეს.

კიდევ გაიელვა რაღაცამ, კიდევ ერთი თეთრი და ერთიც თალხი სილუეტი, ეს ქალაქიდან ტყეში შემოხიზნული შეყვარებული წყვილებია, ზღაპრულ ადამ და ევასავით ხეთა ჩრდილში რო იფარავენ თავს სირცხვილისაგან... შრიალი, შუშუნი, ტკრციალი, უჭუ, უჭუ, უჭუ, უძახიან ერთი მეორეს... გუგუღია თუ ადამიანი? ადამიანი ადამიანს ეძებს ტყეში. მე კი არავის ვეძებ, არავინ მეძებს. წიპ-წიპ, წიპ-წიპ... იძახის ბნელში ღობე-მძვრალა. მე მარტო ვარ. ჩემ ფიქრებში, მე მარტო მივდივარ ჩემ ბნელ გზაზე.

უახლოვდები მალეობის კორტოხს. ერთ ხის ქვეშ რაღაც შავი მოსჩანს, ერთ პატარა ხის ძირას. უჩქარი ნაბიჯს, ვიღაცა დგას ხის ქვეშ, ვიღაც დგას ხის ქვეშ და არ ინძრევა. პირი ჩემსკენ უნდა ჰქონდეს შექცეული, კიდევ ერთი ნაბიჯი-წინ, ასე მგონია ეს კაცი გორაკის კორტოხზე რო დგას, დგას იქ ბნელში და მე მიცდის, რად მიცდის ეს კაცი, რა უნდა, ვინაა? ეგებ ნაცნობი ვგონივარ, უნდა მომიცადოს და თავისი გულის ჭირი გამანდოს აქ ღამე ბნელ ტყეში. ეგებ მავნე და მტერია, ტყეში რო მიცდის, ტყეში რო მიდარაჯებს. სულ რამოდენიმე ნაბიჯი დამრჩა, ახლა კი ვხედავ, რომ კაცია. კაცი სდგას, თავჩაქინდრული.

ისეთი გრძნობა მაქვს, რომ ის კაცი ფეხის ცერებზე დგას და ძირს თავის ფეხთან რაღაცას აკვირდება... ორივე ხელი ტანზე მოშორებით ჩამოშვებულია:

კაცი დგას ბნელაში თავჩაქინდრული და თავის ფეხებს უყურებს, ან რაღაც დაკარგვია, რაღაც დაკარგვია...

კაცი დგას ბნელაში და ბალახებში ეძებს რაღაცას,

მივედი სულ ახლოს, წინ შევეხეჩე... ის არ ინძრევა, ახლა ცხადად ვხედავ, რომ ეს კაცი თოკით ჰკიდია ხის ტოტზე, მისი ფეხები ძლივს ეკარება ძირს დაფენილი მაღალი ბალახის ქოჩორს... თავი თავთან მიუტანე, ერთი ნაბიჯიც უკან... ხელი მოვივლე სახელოზე, რაღაც უცნაურმა შიშმა ამიტანა, ხელი უშვი მის უსახსროდ დაკიდებულ ხელს, ხელი გაქანდა და გამოქანდა, როგორც საათის პენდელი.

დავცუცქდი და ავხედე მის მზე გადასულ სახეს. თვალები ოდნავ ღია დარჩენია. სიკვდილი ტრიუმფით შესულა თვალების ჭიშკარში და სინათლე გაუნად-

გურებია მის სახეზე. მიწის ფერი ადევს მის სახეს, სიკვდილის უშველებელი ფრთა აწევს ამ კაცს სახეზე...

ბავშვობისას მინახავს ჩვენი სოფლის სასალახოს მოედანზე ცხოველის სისხლის ნაწვეთს რო დაბლაოდა გავლილი პირუტყვი, მეც ისე მინდოდა მეყვირა, მეყვირა, და მთელი ქვეყნისთვის შემეტყობია, რომ აქ ტყეში, ბნელაში ჰკიდია ხეზე და ეს არავინ არ იცის.

ეგებ ამ კაცს მოხუცი დედა ჰყავს სახლში, ზის მოხუცი თავის სახლში თავის ხელსაქნარს აკეთებს და არც კი იცის, რომ მისი შვილი აგერ ჩემს თვალწინ ჰკიდია ხეზე... ეგებ, ეგებ...

— რათ ჰქენი ეს, შე უბედურო, რათ ჰქენი, რათ ჰქენი, შე საცოდავო!..

ბნელდება, ხომ უნდა წავიდე აქედან, ხომ უნდა გამოვიდე ამ საშინელ სიზმარიდან!.. კაცი ტყეში ჰკიდია და მე ვდგავარ და უყურებ. ტყეში სულ დაბნელდა, ყველანი წასულან ქალაქში და ჩემი შიში მატულობს როცა გავიფიქრებ, ყველანი წასულან აქედან და მე და ეს კაცი, მე და მკვდარი მარტო ვართ ტყეში...

ვატყერდები ბნელაში მის სახეს, ბნელაში ბნელ ფონზე ვკითხულობ „ძირს, ჩამომიღე, მომასვენე შე ქრისტიანო!“ მე ქვეყანაზე არაფრის ისე არ მეშინია, როგორც მკვდარის, მიტომატ მუდამ მძაგდა სასაფლაო, სასაფლაო ღამით. და ეს ტყეც ჩემთვის სასაფლაო იყო, სასაფლაო, სადაც ერთი უპატრონო მკვდარი ჰკიდია ხეზე. გავიქეცი, გავიქეცი მე მშიშარა, ისე როგორც ბავშვობისას ეკლესიიდან გავქეუღვარ ხოლმე. უკვე ქალაქში ვარ, უკვე სინათლეში ვარ.

ჩემი ოთახის კედლებს შევაფარე თავი, ვიდრემდის ჩემს კარებში თავს შემოვრგავდი, ასე მეგონა მომსდევდა ვიღაც და მეძახოდა: „ძირს ჩამომიღე, დამასვენე შე ქრისტიანო!“

საათმა 12 ჯერ დარეკა... ვტრიალებ. ვტრიალებ ლოგინში. თვალს ვხუჭავ, გვერდს ვიცვლი, ხან ბალიშს. — ღამე მახლობელ კათოლიკეთა ეკლესიაში რეკავენ. ვიხრჩობი სიცხისაგან, თვალს ვახელ და ორი სინათლე ცარიელი თვალები შემომცქერიან საყვედურით... სასთუმალი, საბანი, საგები ყველაფერი ცხელია... ჩამოვდივარ ლოგინიდან და ცივ იატაკზე გართხმული ვისვენებ... როგორ მძამა იატაკის სიგრილე! ასე უნდოდა იმ კაცსაც ძირს ჩამომეღო და მომესვენებია.

ფუი შენს კაცობას, შე მშიშარა, შე მშიშარა!.. ვწევარ პირაღმა იატაკზე და ვფიქრობ: ჩვენ ყველანი ხომ საგნების თოკზე ვკიდევართ დღე და ღამ და გამწვლელ გამომვლელს ვეღრიჯებით: „ძირს ჩამომიღე, დამასვენე შე ქრისტიანო!“

იგნისი

ბერლინი.



* *
*

„Тебя любить, обнять и плакать надь тобой“...

(მუსიკის ხმაზე)

შემოდგომის წყნარი ღამეა...

ცა მობურულა, ყომრალ ბურუსში იფანტება შემოდგომის მწარე ფიქრები...

გული დანისლულა... მწარე ფიქრებში გახვეულა... შემოდგომაა...

ვარდი დამკნარა ლამაზ ბაღნარში...

და ტყვიის ფერ ღრუბლებს შორს, შორს მიჰყვება მწარე ფიქრები...

* *
*

გაზაფხულის სისხამ დილაზე გნახე შენ... მოლიკლიკე მდინარესთან ამომავალ მზის ლამაზი სხივები გბანდა ახალგაზრდული ეშხით აკოკრებულ სახეს...

აღის ფერ ბაგეებზე თრთოდა სიყვარულის შუქი... და შემეყვარდი... უსაზღვრო... გამოუთქმელი სიყვარულით...

* *
*

გაზაფხულის მშვენიერ საღამოს ერთად ვისხედით...

შორს, შორს მიჰქროდა ჩვენი ფიქრები...

სიყვარული, სიხარული, აღტაცება, თავდავიწყება გვაერთებდა ჩვენ...

და როიალის მომხიბვლელი მელოდია ატკობდა გულს, გვიტაცებდა ჰაერში...

* *
*

გავიდა გაზაფხული...

მშვენიერ საღამოს დაჰქროლა მძაფრმა ქარმა...

და დაფლითა ჩვენი სიყვარულის ძველი რვეული...

დღეს ჩვენ უცხონი ვართ...

შენ ვერ მცნობ მე...

მე კი შორიდან ვტკბები შორეულ წარსულით...

და ეხლაც სტირის, სტირის ჩემს ყურში შობენის გამოსათხოვარი პრელიუ-

* *

შემოდგომაა...

ყოძრალ ღამის საიდუმლოებას არღვევს სადღაც ქოტის კივილი...

გული დანისლულა...

არსით სინათლე...

არ სჩანს განთიადი...

გაჰქრა გაზაფხული...

და ყურში წივის გედის სიმღერა...

საიდანღაც ყურს სწვდება ნაღვლიანი ჰანგი მუსიკისა... და ვფიქრობ:

— ნუ თუ კიდევ მოვა გაზაფხული?... ნუ თუ კიდევ ვიქმნები ოდესმე ბედნიერი?!

— არა! არა!...

— დადუმდი, გულო, შესწყვიტე ტოკეა!..

ჩამძახის იღუმალი ხმა... და მიმღერის საშინელ სიმღერას...

შემოდგომაა...

შავი ნისლი ჰფარავს არე-მარეს.

ვიგონებ შორეულ წარსულს...

და ოცნებაში კვლავ გეაღერსები, კვლავ შენთან ვარ...



१० ५ १ १ १

ტრიზონ რამიზვილი

ფრთა მოტახილი ყორანი

დრამა 3 მოქმედებად

ამ ნაწარმოებს ვუძღვნი ჩვენს ძვირფასს დემოკრატიას ნიშნად მძვრი სიყვარულისა

მოქმედნი პირნი

იასე ბროგიზვილი	50 წლ.
ფარნა შავგულიძე	36 წლ.
სიკო ჩხირაძე	28 წლ.
კოწია უმანიძე	31 წლ.
ივანე ზოსიაშვილი	29 წლ.
ჯამლეთ ინგერაძე	29 წლ.
შალვა ანდრიაძე—(ინჟენერი)	32 წლ.
ნესტორ კირსანიძე	40 წლ.
მიქელა ინგერაძე—(ჯამლეთის მამა)	60 წლ.
ქერაბინა მინდაძე	65 წლ.
კომისარი—კოტე მეხაძე—(რაიონის კომისარი)	28 წლ.
მარიამი	60 წლ.
ერმისა—(ჯამლეთის დანიშნული)	20 წლ.
არეთა—(და ერმისასი)	16 წლ.
ირინე—(დედა ერმისასი და არეთასი)	50 წლ.
თამრიკო—(ნესტორის ქალი)	17 წლ.
ორი მანდილოსანი	
პავლე თეთრაძე	
თედო—(სოფლის მილიციელი)	
სამი გლეხი—I, II და III	
ეფრო	36 წლ.

(ხალხი, სახალხო გვარდიელები, მილიციელები და სხვანი).

მოქმედება პირველი

(სცენა წარმოადგენს სასოფლო მოედანს. მოსჩანს მომხიბლველი ბუნება. მარცხნივ მოსჩანს სათემო გამგეობის სამმართველოს წინა მხარე აივნით, რომელსაც პირი მარჯვნივ აქვს მიმართული. შუაღელა. ფარდის ახდისას სცენა ცარიელა. მცირე ჰაუზის შემდეგ შემოდის სამი კაცი და შედიან სამმართველოში. მაღის მარჯვენა მხრიდან სადათ, მაგრამ უნდა ჩაცმული ტურფა ერმისა წვეილი დოქით ხელში. მივა წუაროსთან და შეუდგამს ერთ-ერთს. გამოდის მარცხენა მხრიდან მოხუცი მიქელა, მოზრდილი ცუელით ხელში. აცვია სადა ახალუხი, საუელი გახსნილი, ფეხთ წულები და თავზე განიერი გარსიანი ძველი ნაბდის ქუდი ჭხურავს. ჭვეიანი და სერიოზული კაცია. რა შენიშნავს ერმისას, სახეზე დიმილი აღებულება და მიუხალოვდება).

- მიქელა** გამარჯობა ერმისა...
- ერმისა** (შეკრთება და ფიცხლავ მისკენ მოტრიალდება) ახ, ეს თქვენა, ბატონო მიქელ.
- მიქელა** მე ვარ, შენი პირიმიე,—შეგაშინე განა...
- ერმისა** ცოტათი—მაგრამ არაფერია...
- მიქელა** მწყინს, რომ ისევ ბატონს მეძახი და არა მამას...
- ერმისა** ნუ მიაქცევთ ამას ყურადღებას... ჩვეულების ბრალია, თორემ ისე, რა თქმა უნდა, ჯამლეთის მამა ჩემი მამაცაა... სხვა, დღეს აღრე გამოგიშვიათ უქმის ძალი.
- მიქელა** ჰო... შაბათობით მუდამ ასე ვიცი... სხვა დღეს ჯამლეთს თქვენსა არ შემოუვლია?..
- ერმისა** არა თუ დღეს, გუშინაც არ ყოფილა; არ ვიცი კი, რა მიზეზია...
- მიქელა** ბარემ უნდა, მუდამ შენთან რომ იყოს, მაგრამ რას უზამ, შეილო, ამდენ დავიდარაბას. განა იმის გზა-კვალს გაიგებს კაცი... ხან სად უკრავს გარემოება თავს და ხან სად... მაგრამ არაფერია... მაგიერში ხალხი აჯილდოებს მას განუზომელი ნდობით და სიყვარულით.
- ერმისა** ეს კი დიდი ნუგეშია.
- მიქელა** (დიმილით) სხვა, ამ დღეებში ჩემს უქალო ოჯახში ვინ უნდა შემოიტანოს სიცოცხლე და ბედნიერება...
- ერმისა** (ოდნავ თავდახრილი) არ ვიცი...
- მიქელა** ვითომ. ახ, რომ იცოდე, როგორ მახარებს თქვენი მომავალი შეუღლება... ვინ იცის, გაის ამა დროს ფუფალამ ოქროს კალათით ერთი ფუნჩულა შვილის-შვილი ჩამოგიგოროს. (იციანის).

- ერმისა** (თვალებზე ხელ მიფარებული ჩაიკისკისებს) აბა ამას რას ამბობთ...
- მიქელა** შენი მხიარული კისკისის კირიმე, შენი, შეილო! ხუმრობა იქით და შენ უთუოდ უნდა მომიშინაურო ჩემი გარეული და როგორმე სოფლისკენ მოუბრუნო პირი... თორემ მე რომ იმისი ამბავი ვიცი, საბოლოოდ აქ არ გაჩერდება... რაკი აქაურ საქმეებს მიაღაგ-მოაღაგებს, ან, როგორც თითონ ამბობს, აპარატს მოაწყობს, ისევ ქალაქს მიაშურებს და მე ისევ აქ დავრჩები ყველასაგან მიტოვებული.
- ერმისა** არხენათ იყავით... არაფერია. როგორმე ორივეს შევათავსებთ, ჩვენში ასეა მუდამ... ქალაქის მუშა სოფელთანაც დაკავშირებულია.
- მიქელა** შენს პირს შექარი... თქვენ იცით, თუ კერას არ გამიცვივებთ...
- ერმისა** (ავსებულ დოქებს განზე მიღვამს).
- მიქელა** მართლა, რა გითხრა... ხვალ, ან ზევ სირეთში მივდივარ... მოყვარეს შემოუთვლიათ დაპირებული ფური და ხბო წაიყვანეთო...
- ერმისა** მართლა?
- მიქელა** მართლა... ყველაფერი შენთვის, ჩემო ციციანათელა.—ყველაფერი შენთვის.
- ერმისა** (დოქებს მოკიდებს ხელს).
- მიქელა** (ერთ დოქს მოკიდებს ხელს) ამას მე წამოგიღებ.
- ერმისა** არა ნუ სწუხდებით... მე თითონ...
- მიქელა** შენგან არ მიკვირს. აბა ეს რა შეწუხებაა (მიღიან მარჯვნივ და მიეფარება). იმავე დროს ფეს აკრეფით მარცხნით შემოდის ისე ბრტყილი და ფარნა შავგულიძე, ფარნას აღელვება ეტუობა).
- ფარნა** (გამოიღვამარაკებს ნერვიულად) ახ... შენ და შენი ტაქტიკა. (ორივენი გაფაციცებით გაადვენებენ თვალს მიმავალთ).
- იასე** დინჯად, ფარნა... ცუნტრუკი საქმეს აენებს... (ერმისას თვალი გაადვენს) ახ, მართლა რა ლამაზია გასაქრობი... კიტრია, ნამდვილი კიტრი... გააგორე და გამოაგორე... გააგორე და გამოაგორე... (ფარნასაც იქით გაახედებს) აბა, შეხედე რა ეშხით მიაქნევს ალვის ხესავით ჩამოქნილ ტანს... არა, ძმაო, რაც გინდა სთქვი და აზნაური მაინც აზნაურია... აბა შენი მაჯა ვნახო. (ფარნა აჩვენებს) ეს ხომ არის და არის, შენ მეორე, კულრაქა არეთა უნდა ნახო... ჯერ თუმც მკვახეა, მაგრამ გაის იმის ჩახრამუნებას არა ემჯობინება-რა.
- ფარნა** ხომ ნახე, რა გუნებაზე იყო ბებერი ძაღლი.
- იასე** არაფერია... კაცი ბქობდა, ღმერთი იცინოდაო, ნათქვამია... იასე მოგიკვდეს, თუ ამ ორს დღეში მაგას მე თმა და წვერები არ ვაგ-

ლევინო... ხუმრობა იქით და თუ ჩვენ დროზე არ ვიყოჩაღეთ, ამ კვირია მეტოქე შემოეხლართება შენს ციკუნიას უსურვაზის წნელივით... და მერე უყარე კაკალი. აგერ ჩემი შტაბიც (შემოდან სიკო, კოწია) სხვა როგორ გუნებაზე ხართ... მოგხვდათ განა გვერდებში... (ხითხითებს).

სიკო დალახვროს ღმერთმა... რა ვიცოდი, თუ ასეთი ღონიერი იქნებოდა...

იასე სიკვდილი რომ მოგანათებს თვალებში, მოდი და ნუ გაღონიერდები. ერთი ისეთი მთხლიშა ყურის ძირში, რომ ეხლაც მიწივის...

სიკო მე, ცოტას გაწყდა, კინაღამ ყბა მომიქცია (ფანას) მგონი შენც გაგკრა სადღაც კბილები...

იასე ნიშანი ხომ არა დარჩა-რა?

ფარნა ისეთი პირდაღებული იარა, რომ შენი მოწონებული (მიჯდება ცაცხვის ძიქში... წუთით მუნჯუათ კამათობენ. ფანას სიფიცე ემხნევა).

იასე აი ახირებული კაცი... ვინ უნდა გაგცეს. ვინც ვიყავით ერთის გარდა ყველანი აქა ვართ... არა მგონია ვინმე ჩვენგანმა გალესილ დანას ყელი მიუშვიროს...

სიკო ჯერ არ გავგიჟებულვართ (ჩამჯდება კოწიას კვერდით).

ფარნა ჭირისუფალნი?

იასე უკვე აწრიალებულან და საცაა მოიბრენს მამა მისი ქერაბინა გამგობაში.

სიკო მეგონა გუშინ ღამ საუკუნოთ. შევეწვებთ ერთმანეთს მეთქი (ფანასე) და ეს კი ისევ თავიდან გვაწყებინებს...

იასე რას იზამ მოდგმის ბრალია... მაგის თავში ყველაფერი ძნელად შედის, მაგრამ თუ როგორმე შეაკიტინა, მორჩა—მეორედ მოსვლამდი ჩაეკირება. მაგრამ არაფერია; რაკი ნასვამი ყოფილა, ჩვენი ბრალია, ერთხელ კიდევ აუხსნათ, (ფანას) ყური მიგდე. სიტყვა ჩემი იქნება მოკლე და საქმიანი... (აქეთ-იქით მიისეღ-მოიხედავს) ამ ჩემმა შტაბმა (სიკოზე და კოწიაზე მიუთითებს) ამას წინად კოსტა მინდაძეს სიკვდილი მიუსაჯა.

ფარნა რისთვის?

იასე მრუშობისათვის. (სიკოს და კოწიას) ვითომ მართლა არ ახსოვს... აბა ერთი ჩამოსწიეთ, ხა, ხა, ხა, ხა. ჰო და ხომ იცი ქალებში რა მსუნაგი იყო ის ცხონებული. ერთსა და იმავე დროს ამის (სიკოზე) ცოლსაც უცაცუნებდა ხელს და რძალსა... რამდენიმე მხურვალე კოცნა

დასტყუა ორივეს და რომ დასცლოდა, ამას ხომ იცი, რა მარცხი მოყვებოდა. თქვენთან დიდი ბოდნიში და თუ დედაკაცმა, რაც უნდა პატიოსანი იყოს იგი, ერთხელ მაინც გაიხსნილა, მორჩა... ბიჭი ხარ და შეაჩერებ... სიკო, თუ შენ ამ ნიადაგზე დაია მაროსთვის რამე დაგიშავებია—იცოდე ჩემთან გექნება საქმე... (ფანჩას) მე რომ ეს გავიგე, გულზე გადამიარა და ცოტაოდენი ფიქრის შემდეგ—ამაში ჩვენი საერთო მომავალი ჩავაქსოვე და რა კუდიც გამოვაბი ხომ ნახეთ გუშინ ღამ.

**ფარნა
იასე**

დიდ ხათაბალაში გამაბი, შე წყეულო, და არ ვიცი, რა ვიფიქრო. რა კაცია. (ხითხითებს) ბიჭო, ხალხი კოსტას გვამს იმის საბძელში ნახავს და არ გაცოფდება!? ესეც რომ არ იყოს, სად წაუვა მტერი ფეთიან ნათესავებს, იმავე დღეს გააგორებენ... ხალხი, რომ აირდაირევა, აი მაშინ ვეცდები, რომ მოჰკლან და ჩავასვენოთ ჩვენი დიქტატორი ცივ სამარეში ხალხისა და დანიშნულის თვალში—სახელ გატეხილი, შერცხვენილი და თავსლად დასხმული.

**სიკო
იასე**

ჩვენი მიზანიც ხომ ეს არის სწორედ, იმისი მზე, რომ ჩავსვენება—ამოვა შენი—სხვა გზა არაა, ჩემო ძმაო. ხომ ხედავ მტერმა რა საფუძვლიანად დანსადგურა ხალხის გულში, იმის იქიდან ძირ ბუდიანად აღმოსაფხვრელად საჭირო იყო რაიმე განსაკუთრებული საშვალება და ამას ჩვენ უკვე მივაგენით... არა უგვიანეს სამი დღისა აქ. მე ისეთ კოცონს დავაგუზგუზებ, რომ მისი ალი ზეცას სწვდებოდეს.

სიკო

ზემო უბანი ჩვენია... მარტო იმათი ახმაურებაც კი შეანძრევს არემარეს.

**კოწია
იასე**

ადვილი შესაძლებელია, ეს ჩვენი შეგნებულებიც ავიყოლიოთ... არა. ეს ამბავი მეხივით გავარდება და აბა ნახეთ როგორ ავალრიოლოთ ეს მურტალი თემი... (ფანჩას) ისარგებლე შემთხვევით.

სიკო

თავის მოკრაა, რომ ჩვენს ბედს განაგებდეს ვილაც თავადებული მუშა ინგერაძე.

იასე

ოდესღაც-კი შენ იყავი აქ პირველი კაცი... სოფლის მსუქან სუფრას შენ ეჯექ თავში... მოვიდა ის და ბერი ქედანივით ბოლოში მიგქულიტა. დღეს ის ყველაფერია, შენ კი მისი მაჩანჩალო.

სიკო

საცოლოც წაგართვა.

იასე

ყოჩალი ბიჭია. იცის ცხოვრების ფასი... არა, რაკი ითქვა „ან“ ამას

ბარემ „ბანიც“ თან მივაყოლოთ. დაუმთავრებელი და შუაზე გაწყვეტილი არა ვარგა-რა. რას იტყვი?

ფარნა ღმერთმა ქნას ფონს მშვიდობით გავიდეთ, თუ ეს მოხდა, მაშინ მე ვიცი და ჩემმა კაცობამ, მით უმეტეს... ინგერაძე მეც ჰირივით მძულს.

იასე ჯან. (იმათ) ძლივს არ მოიხსნა ანგელოზის წამოსახამი. აკი გეუბნებოდით, ადრე იქნება თუ გვიან, თემის „პოლიცმეისტარს“ ჩვენკენ გადმოვითრევ მეთქი...

სიკო და კოწია { დაგათასებთ ფარნა, დაგათასებთ...

იასე (ფარნას) დაჰკა ხელი... რისკი, ამხანაგო, რისკი... პირველობისთვის ბრძოლაში ყველაფერი ნება დართულია... ეს ქვეყანა ჰიდლია— ვინც მოერევა ქვეყანაც იმისია... ამხანაგებო, ვინც ჩვენ შორის ერთმანეთს უღალატოს, დედა ბუდიანათ გადავწვათ...

სიკო და კოწია { ამინ, ამინ.

სიკო რამდენია ფული?

იასე არც იმდენი, რომ გვეგონა... 120. ათასი... დღეს საღამოს გამოიარეთ ციხესთან და გაგინაწილებთ...

სიკო და კოწია { კარგი... კარგი...

იასე (ფარნას) შენც მოდი. აბა ეხლა ენას მაგარი კლიტე. ისე მაგრად ჩაჰკეტეთ, რომ მისი გაღება ეშმაკმაც ვერ შეიძლოს... (მარტხნიდან მარჯვნივ მიემართება ჰატრას ბოხჩით დედაკაცი ეფრო).

ეფრო (შენიშნავს იმათ) იასეს გაუმარჯოს.

იასე ღმერთმა შენი თავი მიცოცხლოს, ჩემო ეფრო. საით ამ დროს?

ეფრო მე აგერ მეწიეთში...

იასე გავიგე, ბიჭი გყავს მძიმე ავითო და უნდა გითხრა ძალიან შევწუხდლი... როგორაა ეხლა?

ეფრო მადლობა უფალს, გადამირჩა...

იასე აი გიშველა ღმერთმა...

ეფრო ნახვამდის, ჩემო ბატონო (მიდის).

იასე ნახვამდის, ნახვამდის, ეფრო ჩემო (მარტხიალდება) აი ეშმაკმა კი წაგიღოს, რა შენი მცხელა.

სიკო ვინაა ეს ჩხიკვი. თითქოს მეცნობა...

- იასე** ზამბახიძიანთ ეფრო—ქერივია... თავის დროზე ესეც კაი საკნატუნე-ბელი იყო, ბევრი ვეხვეწე და არ ქნა. ეხლა პირიქით თითონ მეხვინტრიცება და მე არ მინდა...
- ფარნა** ქინკაა ეს წყეული, ქინკა.
- იასე** შენ კი სული წმინდა ხარ, მამა გიცხონდება. (სამმართველს აივნიდან ერთი გლეხი ეძახის).
- გლეხი** ფარნა, ფარნა.
- ფარნა** მოვდივარ, მოვდივარ,
- იასე** ამხანაგებო, ეხლა დავიქსაქსოთ... ამ საქმის დანა... კი მე მომანდეთ... თქვენ დრომდე გაინაბეთ და შორიდან სეირს უყურეთ... აბა, ფარნა, ადი შენს საქმეს მიხედვ. (ფარნა აივანზე ადის) ეს კარგი ვინმე გადმოვიბირეთ.
- სიკო** ჯიუტია, ოჯაქორი...
- იასე** მუტრუკის თავი აბია და მიტომ. ინგერაძეს რომ მოვსპობთ... მესვეურობას ვიცი მაგას დააკისრებენ და მეც იმიტომ გავაბი მახეში, რომ გაქირვების დროს წინ ავიფაროთ. (უეცრად) ეხლა სად არის თუ იცი?
- სიკო** ინჟინერი მოსულა და დიდი წყაროს სათავეს ათვლიერებენ...
- იასე** ქვეყანას აშენებენ. ხა, ხა, ხა! აბა ეხლა აქედან თქვენც მარშ... (სიკო და კოწია გადიან მარცხნივ, იასე სამმართველში მიმავალ გლეხს), ონისიმე! პაპიროსს გიქებენ, მოდი ერთი გავაბოლოოთ, (მოუკიდებენ და ადიან აივანზე და იქ მოკამათე გლეხებში შეერევიან, მარჯვენა მხარედან შემოდინან ჯამლეუთი და ინჟინერი ანდრიაძე).
- ჯამლეუთი** (შემოიჯახაკებს) დროებით ამ შენობაშია მოთავსებული ჩვენი სათემო გამგეობა...
- ინჟინერი** (აივანზე მდგომ გლეხებს) გამარჯვებათ, მოქალაქენო... (გლეხები უზასუხებენ, ინჟინერი ათვალეურებს მიდამოს) მართლაც ჩინებული მოედანი გქონიათ... ოჰო, წყაროც. (მიიწვეს წინ) ვიშ, რა გადასახედია.
- ჯამლეუთი** მთელი მარა ხელის გულივით მოსჩანს...
- ინჟინერი** ახ, რა ლამაზია ჩვენი ქვეყანა...
- ჯამლეუთი** (უჩვენებს მარცხნივ) აგერ, ჩვენი სკოლა. (მეორე მხრივ მიუთითებს) იქ გვექნება სახალხო სახლი ბიბლიოთეკით... იქ კი ერთ შენობაში გვინდა მოვათავსოთ სათემო გამგეობის სამმართველო, ფოსტა-ტელეგრაფი და ტელეფონი... თუ ამას წყალსადენიც მიემატება, მაშინ ხომ სულ რა...

- ინჟინერი** გვექნება, ყველაფერი გვექნება...
- ჯამლეთი** ეხლა მე თქვენ გაგაცნობთ ზოგიერთ საპატიო პირთ... სხვათა შორის იმასაც...
- ინჟინერი** ვის იმას?
- ჯამლეთი** რეაქციის ფრთა მოტეხილ ყორანს, იასე ბროგიშვილს...
- ინჟინერი** მართლა?
- ჯამლეთი** დიახ, ბედზე ისიც აქ ყოფილა.
- ინჟინერი** ამ კაცით თქვენ და სიომ ძალიან დამაინტერესეთ... ჰო, ეს ძალიან საქმეა...
- ჯამლეთი** ვინ იცის, წყეულმა ნამეტნავათ 905-ში რამდენ ჩვენგანს უტირა დედა და ციმბირს გაუყენა. ოდესღაც მეტად მძვინვარე, ამ ჟამად ცუდ დღეშია ჩავარდნილი... რაკი ინათლა, გაბრაზებული აქეთიქით აწყდებოდა... პოლიცია არა ჰყავს და არ იცის სად შეაფაროს თავი.
- ინჟინერი** სიოს თითქოს მის შვილებზედაც უნდა ეთქვა რაღაც საინტერესო და შეაწყვეტინეს...
- ჯამლეთი** სამაგალითო ვაჟების მამა იყო... ბევრს ეცადა იმათ გათახსირებას, მაგრამ მე დავასწარი და სამუდამოთ მოვსწყვიტე ბიჭუნები იმის დამლუპველ გავლენას... ამან ძალზე გააცოფა და ამოიქამა...
- ინჟინერი** რა ბედი სწია უბედურებს?
- ჯამლეთი** შური იძია, განსაკუთრებით უფროსი ამოიღო ნიშანში... დასწამა დედასთან კავშირი და ჩინებულ ყმაწვილ კაცს თავი მოაკვლევინა... უმცროსმა მაშინ იკრა ტყვია შუბლში, როცა უტყუარის საბუთით დამტკიცდა მამის სამაზრო პოლიციის ჯაშუშობა.
- ინჟინერი** საოცრებაა. ხალხმა იცის ეს და არას ამბობს.
- ჯამლეთი** ხალხმა ამ შემზარავი ამბებისა არა იცის რა...
- ინჟინერი** დაუმალეთ?
- ჯამლეთი** დიახ... გულის მკვლელ გამოსათხოვარ წერილებში ორივემ ცალ-ცალკე, გვთხოვეს ამხანაგებს, იმათი. ოჯახური ამბავი საიდუმლოთ შეგვენახა და ჩვენც პატივი ვეცით სპეტაკი და ნაზი ყმაწვილების წმინდა სახელს... ყორანი კი ჩუმად არის, ვერას მიბედავს, მაგრამ თუ ერთი მიხელა, მზეს დამიბნელებს. ისე კი გარეგნულად დიდი დოსტები ვართ... მან იცის, რომ მე ეს საიდუმლოება შეტყობილი მაქვს. და ესაა, რომ უფრთხობს ძილს. ეშინიან, არ იცის, როდის ან საიდან წამოუქროლებს... (ქძხის აიგანზე მდგომ გლეხებს) პეტრე.

ივანე, ბესო, მამუკა, იასე, მოღით გაგაცნოთ ჩვენი მაზრის ინჟინერი. (ისინი ჩამოდიან და მივლენ ახლას, რომელთაც ჯამლეტი აცნობს ინჟინერს) ესენი თემის საპატიო პირნი არიან... პეტრე ბურჯანაძე, ივანე ცინცაძე... ბესო მახარიაშვილი... მამუკა ივანიძე... (ინჟინერი ხელს ათმეკვს უკვლას) ეს კი (იასეზე) ჩვენი სახალხო მოღვაწე—რევოლიუციონერი იასე ბროგიაშვილია... დიდი დამსახურება მიუძღვის დემოკრატიის წინაშე, განსაკუთრებით 905-ში...

ინჟინერი (ხელს უჭერს მოწიწებით) მოხარული ვარ... მოხარული თქვენის გაცნობით...

იასე არ ვლირსვარ, ბატონო, არ ვლირსვარ. ჯამლეთს ეს გულკეთილობით მოსდის, თორემ ვინ მე და ვინ ასეთი ცაში აყვანა... თვითონ რომაა თვალის ჩინი, სხვაც ასეთი ჰგონია...

ჯამლეტი არ დაუჯეროთ, მორცხვია...

ინჟინერი მეც ასე მგონია... ქეშმარიტ მოღვაწეებს თავის გამოჩენა არ უყვართ...

იასე (განსე) თუ შეგიტანე სიაში დედა გეტირება (იმათ) აი, გიდი რა არის შემეკვიდრობა... (ჯამლეთსე) ზედგამოჭრილი ბაბუა მისი-მახარა...

ჯამლეტი გამიგონია ისა და მამა შენი დიდი მეგობრები ყოფილან...

იასე სული სულში ჰქონდათ გაყრილი...

ჯამლეტი ალბათ ესაა მიზეზი, რომ მას მემრე ჩვენ შორის არ შეწყვეტილა ეს იშვიათი კავშირი...

იასე და არც შეწყდება... სანამ თავები მხრებზე გვაბია, მე ასე მგონია და თქვენი კი არ ვიცი... (ამ ლაპარაკის დროს თან და თან ემატებიან გლეხები აქეთ იქიდან, ამათთან ერთად კოწია და სიკაც).

ჯამლეტი (გლეხებს) აი, ძმებო, მოქალაქე ინჟინერმა ჩვენი წყაროს სათავე დალიან მოიწონა... და თუ ჩვენ როგორც ყოველთვის—ეხლაც დავტრიალდებით, მალე წყალსადენიც გვექნება.

ინჟინერი უეჭველად. ბარემ ესეც დაავგირგვინეთ. ვიშრომით ყველამ და ხელი-ხელ ჩაკრდებული გავსწიოთ საუკეთესო მომავლისაკენ; ამ დროებაში რის გაკეთებაც შეიძლება გავაკეთოთ—დანარჩენს მოგვცემს განათლება, მუდმივი შრომით საქვეყნო განვითარება. სხვათა შორის ამხანაგ ჯამლეთის გეგმები. გისურვებთ წარმატებას თქვენ მომავალ მუშაობაში და ფრიალ კმაყოფილმა აქ ნახულით, ნება მომეცით გითხრათ, — ნახვამდის.

- ვეელანი** დაგაფასებთ, დაგაფასებთ...
- იასე** დაგაფასებთ თქვენ ამაგს, ღმერთმა გვიცოცხლოს თქვენი თავი...
- ვეელანი** გვიცოცხლოს, გვიცოცხლოს...
- ინჟინერი** აბა, ჩემი ეტლი.
- იასე** ეტლი, ბიჭო!
- მილიციელი** ეტლი მზათ გახლავს...
- ინჟინერი** (ჯამლეოს) ნახვამდის, ჯამლეთ; დიდი მადლობა პატივის-ცემისათვის...
- ჯამლეთი** აბა რასა ბძანებთ.
- ინჟინერი** (ხელს უჭერს) სიო დიმიტრაძეს საპასუხო მოკითხვას გადავცემ და როგორც დამავალეთ მეჯვარეთაც დაიპატიყებთ...
- ჯამლეთი** იმასთან ერთად თქვენც მოგვლით...
- ინჟინერი** უსიკვდილოთ... მაშ ამ კვირას, არა?..
- ჯამლეთი** დიას... (რა თქმა უნდა, თუ რამე საიმისო არ გამომეკრა... (გადას. გლეხები რაღაცას ლაპარაკობენ.
- I გლეხი** არა, ძმაო, რაც მართალია, მართალია, ჩვენ თავმჯდომარე მეტად ყოჩაღი ბიჭია...
- II გლეხი** ჯამლეთი ჩვენი სიამაყეა.
- ვეელანი** მართალია, მართალია.
- იასე** კარგი რამაა, იმიტომაც მივანდეთ მას ჩვენი ბედი (შემოდან შარტხენა მხარიდან ინტელიგენტი ნათავადარი ნესტორ კირსანიძე, რომელსაც შემოუყვება 17 წლის ქალიშვილი თამარ, სტუმრად მსიკელი შეკობანი და ორი მანდილოსანი).
- ნესტორი** ესეც ჩვენი მოედანი. აქ ალბათ იმასაც ვნახავთ. მანდილოსნებო, ფრთხილად... ლამაზი სულით, ის ლამაზია გარეგნობითაც.
- I მანდილოსანი** ეს ჩვენ მოგვანდეთ.
- ნესტორი** წინდაწინვე გიცხადებთ, იმედი გაგიცრუვდებათ. იმისი გული ერთმა ადგილობრივმა „პრიმადონამ“ მიისაკუთრა...
- II მანდილ.** გული-კი გაწყალდა და... გუშინს აქეთ სულ იმაზედ გველაპარაკებთ... მოიღეთ მოწყალება და გვიჩვენეთ, ბატონო, ის კაცი, გვიჩვენეთ...
- ნესტორი** (შილიციელს) აქ არის ჯამლეთი?
- მილიციელი** დიას, ბატონო. ინჟინერი გააცილა და საცაჲ ვიახლებათ... აგერ მოდის კიდევ (ნესტორი გაიხედავს).

- ნესტორი** მართალია. მოდის ჩვენი თეთრ ყაბალახიანი რაინდი თავისებური სიარულით... (ჯამლეთს) გამარჯობა, ბატონო ჯამლეთ.
- ჯამლეთი** (შემოდის) აა. სალამი თავადს.
- ნესტორი** ეხ, ბატონო ჯამლეთ, ღვთის გულისათვის, ნუ მეძახით თავადს... რალა ფასი აქვს... თქვენმა დეკრეტმა ის სულ ჩაჰყლაპა. იყო და გაჰქრა. ეხლა მე თუ მკითხავთ თავადებიც თქვენა ხართ და ყველაფერი... აბა გაიცანით ჩემი სტუმრები... მასწავლებელი ქალი ელენე იორამიშვილისა, ჩემი ცოლის და ქეთევან მაქსიმოძისა, ჩემი მეგობარი პავლე თეთრადე. ეს კი ჩემი ქალი და თქვენი მეგობარი პიანისტკა თამრიკო... (ჯამლეთი ვეკლას ხელს ათმეგს, თამრიკოს ზურგზე ხელს მოუთათუნებს).
- ჯამლეთი** მოხარული ვარ, ბატონო, თქვენის გაცნობით. მხოლოდ ვწუხვარ, რომ აქ ამ ალაგას მოკლებული ვარ საშვალებას შესაფერი პატივი გცეთ...
- მანდილოსნები** ნუ სწუხდებით. ჩვენ მალე გაიხლებით.
- ჯამლეთი** (ნესტორს) სხვა, როგორ გიკითხოთ ოჯახობით და ყოველი თქვენი კეთილებით.
- ნესტორი** ჯერ-ჯერობით არა გვიშავს-რა... ჩემმა მეუღლემ გისურვათ ჯანმრთელობა და დიდხანს სიცოცხლე...
- ჯამლეთი** გამდლობთ... მერე ხომ არავის შეუწუხებინართ?
- ნესტორი** ის იყო, ის. თუ თქვენი ყურადღება კვლავაც არ მოგვაკლდება, ჩვენი ოჯახის მყუდროება უზრუნველყოფილია.
- იასე** (თავისთვის) მეგობრებს, დამიხედე, მეგობრებს...
- I მანდილ.** ბატონო ჯამლეთ, ვერ დაგიმალავთ, რომ ჩვენ თქვენი გაცნობის უზომო სურვილმა მოგვიყვანა აქ.
- II მანდილ.** ნესტორმა იმდენად დაგვანტერესა თქვენით, რომ სხვა გზა არ იყო...
- ჯამლეთი** რა დაგიშავეთ, ბატონო ნესტორ, რომ მუდამ ასე მაწითლებთ. მართლა (ნესტორს) თქვენ თითქოს გული გწყდებათ თავადობაზე, არ მოველოდი.
- ნესტორი** პატიოსნებას გეფიცებით არა. ვიხუმრე, თორემ განა არ ვიცი, რომ ანაქრონიზმის განამდვილება უაზრობაა, სხვა არაფერი...
- ჯამლეთი** მეც ასე მგონია. გავერთიანდეთ, გავერთიანდეთ, და როცა საჭირო იქნება კარზე მომდგარ მტერს მეტის სიმტკიცით შეუცაცხანოთ. თუ

რამ არის თქვენში მოსაწონი და მისაღები, გაუფრთხილდეთ და ერის საუნჯეთ გადავაქციოთ.

მანდილ. მორჩა. უფსკრული ამოივსო.

ჯამლეთი რასა ბრძანებთ! განა შეიძლებოდა ამდენი ხალხის ერის ვარეშე დატოვება? ეს რომ ასე არ მომხდარიყო, მოსალოდნელი ბრძოლა და შფოთი, ყველაფერს, რომ თავი დაგანებოთ, ძვირფას თამრიკოს დაგვაშორებდა. ის გაღმა—ჩვენ გამოღმა, მოუთმენელი რამ იქნებოდა (იციინიან).

ნესტორი თქვენი სიტყვები რომ ვიხმაროთ, უთუოდ თოფიც გავარდებოდა (იციინიან).

ჯამლეთი ზარბაზანი, ბატონო, ზარბაზანი. (იციინიან, მკუბრუნდება თამრიკოს) თამრიკო ჩემო! თქვენი მუსიკით მთელი სოფელი სტკებება, ამას წინეთ თქვენზე, იცით, ხალხმა რა მითხრა. როცა სახალხო სახლს ავაშენებთ, რა თქმა უნდა, ჩვენს ქალებს პიანინოს უყიდით და მასწავლებლად ჩვენი ნიჭიერი თამრიკო მოვიწვიოთო. რას იტყვით? აგერ ხალხი და აგერ თქვენ, მართალს არ ვამბობ?!
ხალხი მართალია, მართალი.

ჯამლეთი (თამრიკოს რაიყე ხელებს აუწევს მძღვას) აი, ამ თითებშია ის თილისმა, ეშმაკის ფანდურს რომ ისე საუცხოვოდ ალიკლიკებს. (უფელასი იციინიან).

ნესტორი მართლა, ვინ ინჟინერი გეწვიათ?

ჯამლეთი შალვა ანდრიაძე...

ნესტორი აი ის ფედერალისტი?

ჯამლეთი დიახ. ჩინებული ყმაწვილია...

ნესტორი ვიცი. რაო?

ჯამლეთი ჩვენი წყარო მოიწონა და იმედია მალე წყალსადენიც გვექნება...

ნესტორი ვაშა, ვაშა. (შემოდის მახუცი მარიაში).

მარიაში (უფელას თავს უკრავს) გამარჯვებათ თქვენი...

ყველანი გაგიმარჯოს, გაგიმარჯოს.

ჯამლეთი აბა რას გვეტყვი, ბებია მარიაშ?

მარიაში (ჯამლეთს) შეილო, თუ გცალიან, აქეთკენ მოდი—საჭირო საქმე მაქვს.

ნესტორი (თავის სტუმრებს) აბა, ეხლა წავიდეთ, თორემ ხელს შეუშლით...

ყველანი (ჯამლეთს) ნახვამდის, ნახვამდის... (ჯამლეთი შიაცხედებს, თავაზიანათ თავს უკრავს. რაღაც სტუმრები სცენის სიღრმეს გასცილდებიან, უეცრად მოტრიალდება).

- ჯამლეთი** აბა, მარიამ, სთქვი, ყურს გიგდებ. ან იქნებ ცალკე გინდა მითხრა.
- მარიამი** არა, მაგათთანაც შეიძლება...
- ჯამლეთი** ხალხნო აქეთ მოიხედეთ, მარიამს უნდა რამე გვითხრას.
- ხალხი** ბრძანოს, ბრძანოს...
- ფარნა** (ჩამოდის აფნიდან ძიხს).
- მარიამი** (ჯამლეთს) შენ ალბათ იცნობ ქვემო უბნელ გოგია როსტომაძის ქვრივს—აშარ, აყვია მაგდანეს.
- ჯამლეთი** ვიცნობ... მერე?
- მარიამი** ალბათ ისიც გეცოდინება, რომ იმას ყავს 15 წლის გერი, ჩახატული სოფიკო.
- ჯამლეთი** ვიცი...
- მარიამი** ცით მოწყვეტილი ვარსკვლავია საწყალი გოგო, მაგრამ წყეული მაგდანე ეხლა ათხოვებს ვილაც მდიდარ ჩარჩხე „50 წელს“ გადაცილებული ნამდვილი მაჯლაჯუნაა...
- ჯამლეთი** ბიჭოს, ბიჭოს!
- მარიამი** სამაგიეროთ მისგან იღებს დიდ-ძალ ფულს და სხვა საჩუქრებსაც.
- ჯამლეთი** ერთი სიტყვით ჰყიდის.
- მარიამი** ჰო, შეილო, გამოიცანი, ეხლა შენ იცი და შენმა კაცობამ, როგორც უპატრონებ... შენ ხომ ჩვენი შემბრალებ მამა ხარ და ბარემ იმასაც გადააფარე მადლიანი კალთა...
- ჯამლეთი** რა თქმა უნდა... რა თქმა უნდა... ამის წაყრუება უდიდესი დანაშაული იქნებოდა.
- ხალხი** მართალია, მართალი (ფარნა ჩამოდის შენაბიდან და ძიხს ჩამოდის).
- ჯამლეთი** (ერთ ერთ გლეხს) კეთილო სიმონ! იმ ქალს დრომდე შენს ოჯახში დავაბინავებთ.
- სიმონი** ბატონი ბრძანდები... შენი სიტყვა ჩვენთვის კანონია...
- ჯამლეთი** ამხანაგო ფარნა! ეხლავე მოიყვანე სისრულეში ეს განკარგულება. ბავშვი რომ დააბინავო, ის დედაკაციც წარმომიდგინე გამგეობაში...
- ფარნა** ავასრულებ...
- მარიამი** (ჯამლეთს) ვენაცყალე ბიჭუნასა... იფ ძლივს არ მომეშვა! (გადის მარიამი ისმის კულისებში მახუცი ქერაბინას სმა) „ხალხო“, ჯამლეთი აქ არის, თუ იცი?
- ხმები** აქ არის, აქ არის.
- ქერაბინა** (შემოიღვანაკებს) აქა ხარ, ჯამლეთ, მაღლობა ღმერთს, მოგისწარი...

- ჯამლეთი** რაშია საქმე, ქერაბინა?
- ქერაბინა** უბედურება და დაქცევა ჩემი... კოსტა დამეკარგა და მიშველე შენი ქირიმე. (ხაღხში ჩხჩქაღღა).
- ჯამლეთი** (ხაღხს) სიჩუმე, ხალხნო! რას ამბობ, როგორ თუ დაიკარგა.
- ქერაბინა** ამ ორი დღის წინად, ესე იგი ხუთშაბათ დილით ირმეთში წავიდა თუთუნის ფულის მისაღებათ... უნდა იმ დღესვე დაბრუნებულიყო, მაგრამ ჯერაც არა სჩანს...
- ჯამლეთი** ვაი, შენ ჩემო თავო...
- ქერაბინა** გუშინ ზალიკო ვაფრინე ამბის გასაგებათ—იქ უთქვამთ ფული მიიღო ას ოცი ათასი მანეთი და იმ დღესვე გამობრუნდაო... რა ვქნა. რა წყალში გადავარდე.
- ჯამლეთი** ახ, ეს ვერაა კაი საქმე, ვერაა კაი საქმე (გაიფლ-გამოიფლის).
- ქერაბინა** ჯამლეთ, ჩვენი გაქირვების ტალკვესო, გვიშველე, შენი ქირიმე.
- ხალხი** (ჩხჩქაღღა).
- ჯამლეთი** უთუოდ... უთუოდ... სხვა რომ არა იყოს რა, ეს ჩვენი პირდაპირი მოვალეობაცაა...
- იასე** ჩვენც დაგეხმარებით.
- უველანი** დაგეხმარებით... დაგეხმარებით...
- ჯამლეთი** აქა ხართ, მილიციელნო...
- მილიცი.** აქა ვართ, აქა.
- ჯამლეთი** იარაღი აისხით!
- მილიცი.** ეხლავე... ეხლავე... (რამდენიმე კაცი შედის გამკეობის შენობაში).
- ჯამლეთი** ფარნა! ზარები! მეზობელს უჭირს, შევესძრათ ხალხი.
- ფარნა** ეხლავე... ეხლავე... (ერთ ერთ გლეხს) პეტრე, გაიქე ყარაულს ამ წუთას ზარები დაარეკინე (გლეხი გადის მარცხნივ).
- ჯამლეთი** (ერთ ბიჭს) ვასო! აირბინე ჩვენსა და ცხენი მომგვარე ეკლესიის გალავანთან... მამა ჩემი შინ არის... ჩქარა თუ ძმა ხარ! რა ნელა მიდინხარ. ჰეი, ბიჭებო, სად დაიკარგეთ!
- მილიცი.** (გამოდიან) მზადა ვართ... მზადა ვართ...
- ჯამლეთი** (ხაღხს) აბა გავსწიოთ გალავნისკენ. იქ სხვებიც მოვლენ, მოვილაპარაკოთ შეერთებული ძალით, მოვედვათ მთა და ბარს.
- ხალხი** ბატონი ბრძანდები... ბატონი ბრძანდები.
- ერთი ხმა** მაშ გაგვიძეხ წინ, წავიდეთ.
- ჯამლეთი** აბა მომყევით.

ხალხი მოვდივართ... მოვდივართ... (გადიან ყველანი ღრიალით მარცხნივ. ყველაზე ბაღოს იასე, რომელიც ერთის წამით შესდგება).

იასე აბა, იასე, ერთხელ კიდევ შენებურათ და მერე თუნდ მეხმა ჩაანგრიოს ეს ქვეყანა. (გადის მარცხნივ, ამავე ღრის ისმის სახლების რეკვა).

ფ ა რ დ ა

მომხედება მეორე

(სცენა წარმადგენს ეზოს. მარცხნივ სახლი აივანით. პირდაპირ დაბალი დობე, შუაში ჭიშკარი. ფარდის ახდისას შუა ეზოში ზეწარ გადაფარებულ მაგიდას ერთი შეიქმნის პირდაპირ უსხედან კრმისა და არეთა, არეთა ქარგვაშია გართული, კრმისა კი ახალუხს დილებს აკერებს. მცირე ზაუზის შემდეგ კულისებში მოისმის ირინეს ხმა: „საღამე, საღამე“ დედაშვილობას არ დაივიწყო, რაც დაგავაღე)...

არეთა დედა დღეს დიდ ფაცაფუცშია... რაც კი რამ სურნელოვანი იყო ჩვენს ბაღში, სულ მოჰკრიფა; რა არის სასიძოს ვასიამოვნოვო...

ერმისა ვინ იცის, როგორ უჭირს და ჩვენ კი ვერ მივხედეთ.

არეთა შენი რა მოგახსენო და მე კი ვალი პირნათლად მოვიხადე... წყალი მიუტანე, ნიგოზი დაუნაყე, ქათამი გაუბუტე და სხვა... (უჩვენებს კრმისას ნამუშევარს) აბა, ჰრაკერვის პროფესორო, ერთი ეს მინახე... ვისწავლე?

ერმისა (ათვალიერებს) რა გითხრა... ისწავლე და ვერც ისწავლე... (ერთ ადგილზე თითს მიაღებს) ჩემი აზრით აქ ასე ემჯობინებოდა... (ჩუმათ უხსნის).

არეთა (ჩამოართმევს) ღმერთო, რა უნიჭო რამა ვარ.

ერმისა გულს ნუ გაიტეხ—საქმე გამოსწორდება... (განაგრძობენ მუშაობას).

არეთა ირაკლის წერილისა ჯამღეთმა იცის რამე?

ერმისა ჯერ არა, დღეს კი გაიგებს.

არეთა ვენაცვალე ლეიტენანტ ძამიკოსა... ამ სასიხარულო ამბავს რომ თქვენი ქორწინებაც ზედ მიბმიყო—ავშენდებოდით სწორედ... მაგრამ დახე უბედობას—ისევე გადაიღო...

- ერმისა** თვალი დაუდგეს გარემოებას... რა ვქნათ, უნდა მოვითმინოთ...
- არეთა** თქმა ადვილია — მოვითმინოთ... ვინ იცის, როგორ ვოცნებობდი ჯამლეთის შენზე მიკერებაზე...
- ერმისა** ნუ გეშინია, ის მაინც ჩვენი იქნება...
- არეთა** „ჩვენი იქნება!“ ერთიც ვნახოთ კვანტი გამოგდევს და წაგართვეს, მაშინ!
- ერმისა** ვითომ რატომო.
- არეთა** მამაკაცების კრიზისია და მიტომ.
- ერმისა** (ჩაიკისკისებს) ახ, არეთა, არეთა, რა სასაცილოო რამა ხარ...
- არეთა** გენაცვალეთ, სადაური კანონია... „რაკი კოსტა მინდაძეს სახლში მისვლა დაგვიანებია, ჯვარი არ დაიწეროთ“...
- ერმისა** არეთა... ვინ შენ და ვინ ასეთი უგულობა...
- არეთა** ჰო, მართლა, ძალიან შევეტოპე... სხვანაირად არ იფიქრო... წამომცდა, თორემ ძია კოსტას დაკარგვა მეც ძლიერ მაღონებს...
- ერმისა** რამდენჯერ მითქვამს, უაზრო ლაპარაკს გადაეჩვიე მეთქი...
- არეთა** თავის ღროზე ასეც იქნება. ჯერ ხომ ბავშვი ვარ...
- ერმისა** ბავშვი კი არა... (მცფრე ზაუზა).
- არეთა** ერმისა! ერთი რამ მინდა გკითხო და მეშინიან...
- ერმისა** რისა?
- არეთა** ვაი თუ კიდევ სისულელე წამომცდეს...
- ერმისა** სთქვი, ვნახოთ.
- არეთა** ეს გადატრიალება რომ არ მომხდარიყო, ჯამლეთი და მისი ამხანაგები ეხლაც ხომ ციმბირში იქნებოდნენ?
- ერმისა** ალბათ.
- არეთა** არც საქართველო იქნებოდა ხომ თავისუფალი?
- ერმისა** ლაპარაკი რომ არ გავაგრძელო, გეტყვი: ურევოლიუციოთ არაფერიც არ იქნებოდა... ამასაც მოვრჩი, აბა ეხლა გაისაჯე და უთო მომიტანე...
- არეთა** სადღეისოთ მეც მოვრჩი...
- ერმისა** აბა უთო ჩქარა.
- არეთა** მოიცა ქა... ცეცხლი ნუ მოგეკიდა... (აიღებს თავის სქანას და შედის სსსლში. ერმისა გაშლის ახალუხს. არეთა უთოს გამოუტანს, მაგიდაზე დასადებს და გაბრუნდება. ერმისა შეუდგება დაუთოებს დიდის მზრუნველობით. ამ დროს მადგება ღობეს ჯამლეთი. შუა ზომის ზარკით ხელში და, რა დანიხსავს ერმისას, ნაზი დიმილით შესდგება ერთის წამით).

- ჯამლეთი** ვაშა! ვაშა!..
- ერმისა** (შეკრთება და ფიცხლავ მისკენ მიბრუნდება) ახ, ჯამლეთ, შენ...
- ჯამლეთი** დიახ, ერმისა, მე ვარ შენი ჯამლეთი... შენი კაცი... (შემოდის და მსურვადეთ აკაცებს) ახ, დავიწვი... დავიწვი. უნდა გითხრა, ჩემო ყველავე, რომ ეს სიყვარული დიდი ახირებული ვინმე ყოფილა და არ ვიცოდი... ბიჭი ვარ და ქვეყანას ვატრიალებო—იმას ეთქმის სწორედ; შემოგეკრება ოჯახში და დააბრიგინებს აღმა-დაღმა... თუ მაგრათ არ დახვდი, ერთს ისე ჩაგცხებს, რომ იმ შენს იდეებს სულ პანტი-პუნტათ გიქცევს.
- ერმისა** (უჩვენებს ახალხს) როგორია?
- ჯამლეთი** ჩინებულია, ჩინებული.
- ერმისა** აბა, ეხლა დაჯექი და მიაბე ქვეყნის ამბები.
- ჯამლეთი** რა გითხრა ჩემო კარგო... ამ ჟამად ჩემი ფიქრი და გონება კოსტა მინდაძემ შებოჭა...
- ერმისა** დმერთო, რა საწყენია ეს. ნუ თუ არავითარი იმედი არაა?
- ჯამლეთი** რა ვსთქვა... რა ვიცი... ჩაიყლაპა კაცი... გაჰქრა უკვალოდ.
- ერმისა** ხალხი რას ამბობს?
- ჯამლეთი** რა უნდა სთქვას... თუმცა ზოგნი თურმე ჩემზე უკმაყოფილონი არიან და შეხვედრისას რაღაც აღმაცერად მიყურებენ...
- ერმისა** ბიჭოს, რას გერჩიან?
- ჯამლეთი** ალბათ მემდურნიან, რომ იმავ წამს კვალს ვერ მივაგენი...
- ერმისა** როგორ ფიქრობ... რა მოუვიდოდა?
- ჯამლეთი** მოჰკლეს უთუოდ...
- ერმისა** დმერთო, რა საშინელებაა...
- ჯამლეთი** (ადგება, ხაზირფხს გააბოლებს და ბოლთას სცემს... უეცრათ უბიძან იდებს შუა ზომის წიგნს და გადასცემს ერმისას) აი, ესეც „გაბზარული გული“, თამრომ გამოგიგზავნა...
- ერმისა** (ფურცლავს) აი ყოჩაღ, თამრიკო. ვმადლობ. იმათსა იყავი?
- ჯამლეთი** ჰო, ცოტა ხნით საქმე მქონდა... რაც ქალაქიდან მოვიდა, განათქვენსა არ შემოუვლია?
- ერმისა** ჯერ არა, მაგრამ იმეღია, არ დაგვივიწყებს... ალბათ შეგებულებაა შია... ის ვგონებ რომელიღაც სამინისტროში მსახურობს...
- ჯამლეთი** უმსახურნია მხოლოდ ათი დღე...
- ერმისა** ასე ცოტა... მიზეზი?
- ჯამლეთი** წარმოიდგინე, ქართული ენა...

ერმისა როგორ?..

ჯამლეთი მეტად ახირებულ ამბავს გეტყვი... თამროს, რა თქმა უნდა, იქ თვისი ლამაზი ქართულიც შეუტანია... ეს თურმე ვერ მოინელეს ჩვენ-მა მოპარუსკე ბარიშნებმა და მეთათე დღეს აჯანყებულან... „სული წაიღო ამდენი ქართულით, გვიშველეთ, ვინ ხართ ქრისტიანო“ (იციანას).

ერმისა ვაი ჩვენი ბრალი... ნუ თუ, ჯამლეთ, ჩვენი ცხოვრება მუდამ ასე იქნება გაოხრებული?

ჯამლეთი სრულიადაც არა, ეს მარცხი ინტელიგენციისა... ერის ბურჯი დემოკრატიაა... იქ ამაშიც ყველაფერი თავის რიგზეა... არაფერია... პოლიტიკური თავისუფლება სულ ამოკაფავს დვარძლიან ბალახს...

ერმისა შენს პირს შაქარი. მართლა რა მოვიაზრე, ჯამლეთ, მოდი თამრიკო გაურიგე ამ ჩვენს რაიონის კომისარს..

ჯამლეთი ბიქოს! ეს კარგი რამე მომაგონე... ფერი-ფერსა—მადლი ღმერთსაო—ეს იქნება სწორეთ... აბა ნახავ, თუ ამ ბოლო დროს მაქანკლობა არ დავიწყო...

ერმისა ვფიქრობ, უარს არ ეტყვის.

ჯამლეთი არა მგონია... აბა რისთვის... კოტე მეხადე ძალიან კარგი ყმაწვილია... კაცი იურისტი, თვალტანადობით მიმზიდველი, ნიჭიერი, პატიოსანი.

ერმისა მიკვირს—სად ის და სად კომისარი.

ჯამლეთი დემოკრატიულ ქვეყანაში ყველანაირი თანამდებობა საპატიოა... ყოველ შემთხვევაში ის იქ დროებითაა... როცა ჩვენი მილიციის დეზინფექციას მოათავებს—მაშინ მსაჯულის ადგილზედ გადაიყვანენ, ან იქნებ როგორც ნიჭიერი ადმინისტრატორი ინსპექტორადაც დანიშნონ. სხვა თქვენსა რა ამბებია?

ერმისა არაფერი ისეთი... რატომ მამაც არ წამოიყვანე.

ჯამლეთი მამა დღეს დილით სირეთში წავიდა.

ერმისა რომ იქიდან მეწველი ფური და ხბო მომიყვანოს?

ჯამლეთი (გაოცებულად) ბიქოს! მერე შენ საიდან იცი?..

ერმისა ამას წინათ წყაროსთან შეხვედრისას მითხრა...

ჯამლეთი ჰო. გამიჭირა საქმე. ამ დღეებში სულ მაგაზე მელპარაკებოდა... მეწველე ფური და ხბო... ხბო და მეწველე ფური...

არეთა (აიფანზე გამოდის) ახ... მოსულა ჩვენი დაუდგარი... (გასიძახებს შიგნით) დედა, დედა... სიძე ბატონი უკვე მოსულა...



- ირინე** (აივანსუ გამოდის) ოხ, შენ კი გენაცვალე უღვაშებში, რომ მოხვალ და აქაურობას აახმაურებ (ჩამოდის ძირს და გადაკოცნის).
- არეთა** (ჩამოდის ძირს) ეი, შენ... სიძვე... დედაში ნუ გვეცილები, თორემ...
- ჯამლეთი** როგორ, არეთა?
- არეთა** ისე... მაგას მგონი ჩვენზე უფრო შენ უყვარხარ...
- ირინე** ვინ მოგახსენა...
- არეთა** რა ვიცი... გემრიელ სადილს მხოლოდ მაშინ აკეთებ, როცა მაგის მოლოდინი გაქვს...
- ირინე** ხმა ჩაიწყვიტე... თქვენც მიყვარხართ და ესეც. ვენაცვალე სულში, ეს ხომ ჩვენი ოჯახის მფარველი ანგელოზია...
- ჯამლეთი** უთუოდ, შენი ჭირიმე, უთუოდ...
- ერმისა** ჯამლეთ... დედა დღეს ძალიან გახარებულია, მოულოცე...
- ჯამლეთი** რა მოულოცო?
- ირინე** იცი, ჯამლეთ, ირაკლისაგან წერილი მივიღეთ...
- ჯამლეთი** მართლა? მერე და, ერმისა, რატომ წინათ არ მითხარი.
- ერმისა** მართლა, იმ ლაპარაკში სულ დამავიწყდა...
- ჯამლეთი** (ირინეს) რას იწერება?
- ირინე** უკვე დაუსრულებია სამხედრო სკოლა...
- არეთა** და ისიც ეროვნული... პირველი ხარისხით...
- ირინე** მოიცა, ნუ მიშლი (ერმისას) რა მიუციათო, შეილო?
- ერმისა** ლეიტენანტობა.
- ირინე** ჰო, „ლეიტენანტობა“ და სანაპირო ჯარშიც გაუმწესებიათ...
- ჯამლეთი** (ხელს უჭყვს) მომილოცნია, მომილოცნია. მოგესწრათ შეილი—მოქალაქე და რესპუბლიკის თავდადებული მუშაკი...
- ირინე** ეს სულ შენი წყალობაა, შენ შემოგვევლე... თუ ვიცოცხლე, არც მე დაგრჩები ვალში...
- ჯამლეთი** არა, ბატონო, ეს პირადათ მისი ღირსების საქმეა და არა ჩემი.
- არეთა** გაგონილა ასეთი ბედი! კაცი, რომელიც ყველას უყვარს... ყველა პატივს სცემს, ამის მეტი არ მინახავს ჩემს, სიცოცხლეში... საითაც მივიხედვე, ყველა მაგის ქებაშია (ჯამლეთზე სთქვა).
- ირინე** ეს გასაქრობი ესა... კარგია, ნუ ატლიკინებ მაგ ენას...
- არეთა** ტლიკინისა რა მოგახსენოთ და ჯამლეთის აწმყო ძალიან მაფიქრებს...
- ერმისა** რატომ?

- ჯამლეთი** ალბათ იმიტომ, რომ მდგომარეობა, რომელშიც ეხლა მე ვიმყოფები, უდრის ქარიშხლის წინ ზღვის დაწყნარებას... ხომ ეს უნდა გეთქვა, არეთა?
- არეთა** არა. ამ ბოლო დროს ძალზე გბერავენ და მეშინიან ტვინში სიცხემ არ აიწიოს (უგუჯანი იცინიან).
- ჯამლეთი** ყოჩაღ, ჩვენო ცქრიალა, ყოჩაღ... (უეცრფო აიღებს ჰარკს და მიაწოდებს ირინეს) მიირთვიტ ჩემგან ეს შცირე ძღვენი...
- ირინე** (ჰარკს სინჯავს) რალაც მძიმეა, რა მოგვიტანე?
- ჯამლეთი** ბევრი არაფერი... ჩემი წილი შაქარი, საპონი, ძაფი და ოთხიოდე არშინი ჩითი.
- არეთა** ჩითი ალბათ მე მომიტანა, ჩემი სიძიკო...
- ირინე** შენ ბოლოკის კული და მეტი არაფერი, (ჯამლეთს) ეს ხომ ამაშენე ქალი...
- ჯამლეთი** არაფერია... არაფერი.
- ირინე** რასა ბრძანებ... ეხლანდელ დროში ეს მართლაც იშვიათი საჩუქარია... (არეთას აძღვეს) ჯამლეთს რომ სურდეს, ყველაფერი თავსაყრელად ექნებოდა...
- ჯამლეთი** გვასწავლეთ, რა გზით შეიძლება ამის მიხწევა.
- ირინე** მიმოიარე სხვა თემები და ნახე, რა მეფურად სცხოვრობენ იქ შენი ამხანაგები.
- ჯამლეთი** (ერმისას) ა, პა—პა, პა—პა! აი ენლა-კი დამაქცია კაცი... ეხლა-კი გამომჭრა ყელი (უგუჯანი იცინიან).
- ერმისა** დედა, დედა, აბა რას ამბობ.
- ჯამლეთი** არა, ბატონო, ეს არაა ჩემი ხელობა.
- ირინე** განა რა ვსთქვი ისეთი, რომ ყველანი შემომესიეთ...
- ჯამლეთი** ისა სთქვი, ბატონო, რომ ჩვენში რიგიანობა მეტი ბარგია და ურიგო ხალხის ურიგო ქცევამ, ლამის გადახრას ტურფა ქვეყანა, ახ დმერთო ჩემო, რამდენი შრომა და რაოდენ დაბრკოლების გადალახვაა საჭირო ჩვენი ცხოვრების მოსაგვარებლად.
- ერმისა** მიუხედავად ამისა, საბოლოო გამარჯვება მაინც ჩვენია.
- ჯამლეთი** უთუოდ, ჩემო კარგო, უთუოდ. დემოკრატია ამას შესძლებს.
- არეთა** (ირინეს) მოგხვდა?! ასე გინდა შენ... ისე გაგხდა როგორც საპონი... არა მგონია ამის შემდეგ შენ მაგას ნაირ-ნაირი საცივები ჩაუბუზბუზო...

- ჯამლეთი** არეთა... პროვოკაციას ნუ ეწევი... ყოველივე რაცა ვსთქვი ძვირ-
ფას ირინეს არ ეხებოდა...
- ირინე** რა თქმა უნდა... მე რა შუაში ვარ... (აჩეთას) შენ ამ ბოლო დროს,
ქალბატონო, ძალიან გამითამამდი... წყნარათ თორემ, ხომ იცი, ჯერ
კიდევ შეიძლება შენი წათაქება.
- არეთა** მოდი ეხლა და ამისი გაიგე რამე... (ერმისას) ამისათვის დიდი ვარ,
ამისათვის პატარა... აი გიდი დაბალო ღობეც.
- ჯამლეთი** მდგომარეობა მართლაც ქანდრაკულია...
- ირინე** (აჩეთას) გეყო რატრატი. წაიღე სახლში (აჩეთას მიაქვს ჰანკიცა და უთაც
და ისევ გაშოდის. ამ დროს ღობის გადაღმა ვიღაცამ დაახველა. ერმისა გა-
დაიხედავს).
- ერმისა** იასე ბროგიშვილი მოდის.
- ირინე** ფუი, ეშმაკს... ნეტა ამ დროს რას მოეხირება... მამა უცხოონდა,
რაც მე იმას სადილი არ ვაჭამო...
- ჯამლეთი** ალბათ ჩემთან მოდის... წელან დავიბარე გამგეობაში...
- იასე** (ღობის გადაღმა) ეი, მასპინძელო! (ახალგაზრდები განმარტოებით ლაპარაკობენ).
- ირინე** მობრძანდი, იასე, შინა ვართ... (იასე შემოდის და ირინეს მოწიწებით
ორივე ხელს ათმევეს).
- იასე** (ირინეს) ირინე ჩემს ძმური სალამი... როგორ მყავს თქვენი თავი?...
(ახალგაზრდებს თავს უკრავს) თქვენც გაგიმარჯოთ, ახალგაზრდებო.
(ისინი თავის დაკვირვებით უხასუხებენ).
- ირინე** დაბრძანდით.
- იასე** (ჯამლეს) უნდა გითხრა, დავა ირინე, რომ ჩვენში მხოლოდ ერმისა
გამოდვა ყისმათიანი (აჩეთა მოახედებს ჯამლეს და ერმისას და ანიშნებს,
რომ იმათზე ლაპარაკობენ).
- ირინე** კარგია ერთი... თვალი არა ჰკრა... ფუი ეშმაკსა... ფუი ეშმაკსა!..
(ახალგაზრდები იცინიან).
- იასე** არ ვიცოდი, თურმე კუდიანიც ვყოფილვარ... ხა, ხა, ხა, ხა, სხვა,
ერმისა, როგორ გუნებაზე ხარ? ამაყოფ განა მეტოქეებზე უმაგა-
ლითო გამარჯვებით! მიუხედავად იმისა, რომ მთელ ჩვენს ბარიშნო-
ბას (ჯამლესზე უჩვენებს) ამისკენ ეჭირა თვალი, შენ ყველანი ძირს
დაანარცხე და აღმასივით ბიჭი ხელიდან გამოსტაცე... მაღადეც მე
და ჩემმა ღმერთმა, მაღადეც... ასე უნდა მაშ... ეს ცხოვრება ქილი-
ლია, ვინც მოერევა ქვეყანაც იმისია.

- ირინე** სხვა, როგორ ვიკითხო.
- იასე** (ხელს ჩაიქნევს) ეხ, ღირს კი მაგაზე ლაპარაკი...
- ირინე** როგორ?
- იასე** ისე... განა არ იცი, რა გუნებაზე იქნება იმ ცოლ-შვილის დამკარგავი... მართლა, როდის უნდა შევავლოთ ქუდები ჭერში?
- ირინე** რა ვიცი... გადაიღო...
- იასე** რატომ?
- ირინე** აი, ჩვენი კოსტას დაკარგვის გამო.
- იასე** ჰო, მართლა. სულ არ მომგონებია... საწყალი ბიჭი, ძალიან მენანება... სოფელში დღეს ამის თაობაზე რაღაც ფაცი-ფუცი და მიტქმა-მოტქმა (ამ ლაპარაკს ახალგაზრდები უუარს არ უკადებენ).
- ირინე** რაო? რას ამბობენ?
- იასე** ამბობენ, თითქოს კვალს. მიაგნესო... ბევრი უთვალთვალე, მარა ვერც თავი გაუგე და ვერც ბოლო. (უცრია) ხა, ხა, ხა, ხა. მეც რას ვჩნახავ (ჯამლეთისკენ) „ქმარი ლაშქარს იყო და ცოლი ამბავს ახვედრებდაო, „ნათქვამია“. თუ რამეა ახალი ამ ჩვენ თემის თავს უკეთ არ ეცოდინება: (ადგება) აბა, ჯამლეთ, მიბრძანე, რისთვის დამიბარე.
- ირინე** (შეიღებს) აბა, წავიდეთ. ჩვენ ეხლა აქ მეტნი ვართ (ქალები შედიან სახლში).
- ჯამლეთი** მე დაგიბარე გამგეობაში და არა აქა.
- იასე** თუ ჩემი აქ მოსვლა გეწყინა, წავალ.
- ჯამლეთი** რაღა დროსია... დარჩი. ბარემ მოვილაპარაკოთ.
- იასე** აბა, აბა!
- ჯამლეთი** მე ის მინდა ვითხრა, რომ მიუხედავად ჩემი სასტიკი გაფრთხილებისა შენ მაინც არ ისვენებ და აშკარად სცილდები იმ ფარგალს, რომელშიაც მე ოდესღაც ჩაგაყენე.
- იასე** შენ ალბათ იმაზე ამბობ, ჩემზე რომ რაღაც კორი გაუვრცელე ბიათ.
- ჯამლეთი** რა კორი?
- იასე** თითქოს მე რესპუბლიკის მტერი ვიყო და რუსის მთავრობის კვლავ ჩვენზე გაბატონების მომხრე...
- ჯამლეთი** (გაეცინება) არა, ეს მე არ გამიგონია, მაგრამ მართალი კი იქნება.
- იასე** ვითომ რატომ?
- ჯამლეთი** მიტომ, რომ ეს შენი მულმივი ფიქრი და ზრუნვაა.

- იასე** ჰმ, მოდი ეხლა და ასეთ კაცს ელაპარაკე.
- ჯამლეთი** ნუ ირჯები, ნუ ირჯები... შენ ხომ იცი, მე ის კაცი ვარ, რომელმაც ბოროტი ხალხის გულის წიგნის წაკითხვა იცის. თუ იმ დიადი ამბების შემდეგ, კიდევ გიღვივის იმედი გულში, სჩანს დაბერებულ-ხარ და ჭკვიან კაცს ჭკუა შეგთხელება. ეს კმარა, საქმეს შეუდგეთ.
- იასე** ასე ემჯობინება, თორემ მეც საქმეზე მიმეჩქარება.
- ჯამლეთი** იმ ობოლი ქალის ბებერ ჩარჩხე მითხოვებას მართლა შენ აქახრაკებდი?..
- იასე** (გითომ და აღშფოთებულია) ეხლა კი გადვირევი სწორეთ.
- ჯამლეთი** კარგი, კარგი, ყველაფერი ვიცი, ამის უტყუარი საბუთებიც ხელში მიჭირავს...
- იასე** რა თქმა უნდა, როცა საქმე მე შემეხება, მაშინ შენთვის ყველაფერი უტყუარია...
- ჯამლეთი** კიდევ კარგი, რომ როგორც ყოველთვის, ეხლაც ჩაგიშალე მზაკვრული განზრახვა... მაგრამ ეს რომ ასე არ მომხდარიყო, მაშინ ხომ უნდა ჩაგეჩხრიალებია უმანკო ბავშვის ხარჯზე ათასები?!. ა—შე პირშავო, შე ჯამბაზო შენა! როგორ მინდა, გათახსირებულო, მოგიქნო და იმ დიდ ხეს მიგანარცხო, მაგრამ ავერ შენი ბიჭები წინ აგეთარნენ და უღირს მამას თვისი კალთები გადაგათარეს.
- იასე** რაღას აგვიანებ... დღეს მეფე ხარ ჩვენი და რაც გინდა იმას გვიზამ. მიკვირს რათ არ სარგებლობ შენის უფლებით...
- ჯამლეთი** უკანასკნელად გაფრთხილებ დაეტიო შენს ტყავში, თორემ ჩამოგხსნი ნილაბს და წაგაყენებ ხალხის წინაშე მთელი შენის ავლა-დიდებით... ამასთან მოგაგონებ, რომ თუ დღეს სული გიდგია, უმადლიდე შენი შვილების წმინდა ხსოვნას. ეხლა წადი და ჩემი ნათქვამი არ დაივიწყო... ხომ იცი, ხუმრობა არ მიყვარს.
- იასე** კარგი ბატონო... ყველა ამის შემდეგ რა, თქმა უნდა, მე გაეშორდები ამ გაუტანელ წუთი-სოფელს... სხვა გზა არაა, ძლიერი კაცი რომ პატარას ჩამეტყრება, იმას სიკვდილის მეტი ვერა იხსნის-რა. მხოლოდ გეტყვი, ჯამლეთ, რომ ვაი თუ უჩემობა მალე ინანო და საფრთხე იქიდინ მოგვევლინოს, საიდანაც არ მოელოდე. ქორებზე თუ მიდგება საქმე, ჩვენი მელაკუდები სოფლის ორღობეებში დღეს შენზედაც ბევრს რამეს ლაქლაქებენ, მარა ამით რა! მშვიდობით...

ბედის წერას აუტანინხარ და ღმერთი იყოს შენი მფარველი... (გადადის ჭიშკარში და მიეფარება. ჯამლეტი თვალს გააყოფებს).

ერმისა (შემოდის) ოჰო, ის კიდევ წასულა. (ძიხს ჩამოდის) რაღაც ცხარე კამათი გქონდათ.

ჯამლეტი ჰო...

ერმისა რაზედ? არ შეიძლება გამიზიარო.

ჯამლეტი ისე, საქმე იყო...

ერმისა მაინც?

ჯამლეტი ეხლა ნუ, ქირიმე, თავის დროზე ყველაფერს გეტყვი.

ერმისა კეთილი.

ირინე (აივნიდან) აბა, შეილგებო, მოდით სადილი მზათაა...

ერმისა მოვდივართ (ჯამლეთს გზას უჩვენებს. ამ დროს შორიდან მოისმის ნახი მუსიკა).

ყველანი სუს... (სმენათ გადაიქცევიან).

ჯამლეტი ვაშა თამრიკოს! იასეს შემდეგ ეს მუსიკა სულზე მისწრებაა...

ირინე (შეივნიას გასძახებს) არეთა, არეთა! კარში გამო (არეთა გამოდის აივანზე) გესმის?..

არეთა ახ... (წუთით ყველასი ისმენენ... შემდეგ მოისმის შორიდან ერთი ხმაურობა, რომელიც იმ წუთშივე შეწყდება... ამავე დროს მოადგება ღობეს მოხუცი ქერაბინა მინდაძე).

ქალები ქერაბინა. (ჯამლეტი ფირცხლავ იქით მიიხედავს).

ქერაბინა ჯამლეთ ინგერაძე!

ჯამლეტი ბატონო.

ქერაბინა სად არის ჩემი შვილი?

ჯამლეტი მემდური განა, რომ პოვნა მისი დაგიგვიანე? მგონი შენც ნახე, როგორ ერთგულათ დაგიტრიალდი, არ დარჩენილა ამ მიდამოში ერთი კუნჭული, საცა მე არ შემეხედოს, მაგრამ რა ვქნა თუ ჯერ ჯერობით მაინც ვერას გავხდი.

ქერაბინა ხმა ჩაიკმინდე, მატყუარა, პირმოთნე, ქლესავ...

ირინე უი დამიდგეს თვალები...

ერმისა { დედა, დედა... რას ამბობს ეს კაცი!?.

ჯამლეტი გონს მოდი, ქერაბინა... ვინ შენ და ვინ მეგობრის ასეთი ლანძღვა. ვფიცავ დედლიჩემის მზეს, რომ ამ თავხედობას სხვას არავის ვაპატიებ-

დი, მაგრამ რა გიყო შენ, ვისთვისაც, როგორცა სჩანს, დიდ მწუხარებას წაურთმევია ყოველივე ის, რაც მაგ ჭაღარას ასე ამკობდა. დინჯათ, მოხუცო... მოთმინებიდან ნუ გამომიყვან... გარკვევითა სთქვი, რას ითხოვ ჩემგან.

ქერაბინა იულა! ეხლა მაინც ნუ აფუჩეჩებ... ყველამ გაიგო, რა კაციც ყოფილხარ... იქ შენს საბძელში, ყელში თოკით ვინ დაგიმარხავს?.. ახ!

ყველანი
ქერაბინა იყავ წყეული, კაცის მკვლელი... იყავ წყეული! (გარბის და მუსიკატ შესწუდება).

ქალები ვაიმე, ვაიმე, ვაიმე!

ჯამლეთი (შუბლში შემოაჯრავს ხელს) ღმერთო მომკალი... ღმერთო მომკალი... არიქა ჩქარა ჩემი ყაბალახი... (მიფარდება მთაჯირს, ცაღიგებს უახლახნს მხარზე და მოტრიალდება).

ერმისა (გზას გადაუღობავს) ჯამლეთ, საით! მეშინიან... ვერსად გაგიშვებ...

ჯამლეთი რომ მომკლა, მაგ თხოვნას მაინც ვერ აგისრულებ... (ისმის ზარკების რეკა).

ერმისა დედა... არეთა... უთხარით... სთხოვეთ... დაიღუბება...

ჯამლეთი არ შეიძლება. იქ ნალმი ჩაუწყვიათ, რომ არ წავიდე ამაფეთქებენ... აშკარაა აქ საქმე გვაქვს ჯოჯოხეთურ შეთქმულებასთან... ყოჩაღათ, სიცოცხლე... ყოჩაღათ, მზეო... ნუ გეშინიან... გამარჯვებული მოვალ... ჩემი ფარხმალი—ჩემი სიმართლეა... გზას გამინათებს სიყვარული ჩემი საუნჯის... დედა ირინე, ერმისა, არეთ! იმედინათ... იმედინათ... (გარბის. ქალები გასდევენ ღობის გადაღმა და შესდგებიან. ისმის შორეული ხმაურება და ზარკების რეკვა).

ჯამლეთი (შორიდან) იმედინათ... იმედინათ... (მიეფარება).

ირინე მეორედ მოსვლაა... მეორედ მოსვლა... ღმერთო, შენ იყავი ჩვენი მფარველი...

ერმისა უზენაესო... გვედრები—მაჩუქო მე მისი სიცოცხლე...

არეთა და შინ მშვიდობით დაგვიბრუნე საყვარელი ჩვენი რაინდი... (ისმის ძლიერი ხმაურება და ორი გასრდება).

ქალები ახ...

ხმები (კულისებში) რა ამბავია? რა ამბავია?

საპასუხო ხმები { (კულისებში) მოჰკლეს—მოჰკლეს...

ხმები. (კულისებში) ვინ მოჰკლეს? ვინ მოჰკლეს?
ხაპასუხო ხმები (კულისებში) ჯამლეთი მოჰკლეს... ჯამლეთი მოჰკლეს... (ქალები სასწრაფად შეჭკივლებენ და გარბიან საიდანაც ხმურობა ისმის, ამ დროს მოსჩანს ცეცხლის ალი და კვამლი შორიდან).

ფ ა რ ლ ა

მ ო . ქ მ ე ლ ე ბ ა მ ე ს ა მ ე

(სტენა წარმოადგენს იმ კაშლილ ადგილს, სადაც ჯამლეთი მოჭკლეს. მიდამო ორივე მხრით შალაღი ხეებითაა გარშემორტყმული. პირდაპირ მოსჩანს კლდოვანი მთა, რომლის ძირში მოქუხს ზატარა მდინარე და მიივლავნება გზა ტკეცილი... ფარდის ახდისას სტენაზე შემდეგი სურათია: პირდაპირ ცოტა მარჯვნივ ამაღლებულზე ასვენია ჯამლეთი. ზემოდან ნახადი ხურავს და პირზე მისი თეთრი უბაღასი აქვს გადაფარებული. მიცვალებულს უარყოფობს თოფიანი კაწია. მარცხნივ მხარეს კულისებში დრო გამოშვებით ისმის ხალხის ურუგუგუნია. შემოდის სამი კლეხი და ასე).

ოთხივე (მიცვალებულს დანახავს) ვარ ამ დღეს, ვარ ამ დღეს!...

I კლეხი ღმერთო, ეს რა მეხი დაგვატეხე თავს...

II კლეხი ბიჭო ჯამლეთ, ეს რა დღე გავვითენე...

იასე. რა დამაჯერებდა, რომ ეს ასე შეირცხვენდა თავს. აფსუს! ჩვენო წინამძღოლო, აფსუს...

I კლეხი ხედავ, რა ძნელი ყოფილა ადამიანის გამოცნობა?

III კლეხი დავიჯერო—ეს უბედური მართლა ურევია ამ საქმეში?

იასე მოდი და ნუ დაიჯერებ... ეხ, ძველი დრო გვერჩინა, ძმაო, ძველი დრო. ჩაუვარდით ამ ქალაქის მუშებს ხელში და როგორც ნებავთ ისე გვათამაშებენ... მომავალს ჩვენა ვქმნითო“, მითხრა ამას წინათ ერთმა იმათგანმა... სოფელი მეთქი? ამაზედ წასკდა სიცილი და მუცელზე კანი არ შერჩენია. „ავვიშენდებოდა ოჯახი, ქვეყნის ბედი რომ თქვენს ხელში ყოფილიყო“... მაშ ჩვენ ვინა ვართ, შენი აზრით მეთქი... „ეშმაკმა იცის თქვენი თავი, რა ვიცით ვინა ხართო...“

არც თავადი, არც ბურჯუა, არც პროლიტარი. არავის არ ენდობით—საესებით არც ჩვენი ხართ არც სხვისი და გარდა გაძლომისა არა გაინტერესებთ-რაო“... არა, ჩვენ თუ არ გიკამანდრეთ, კლდეში გადაიჩეხებითო. ჩვენი არა სწამთ-რა და წაღებით კი ყველაფერი ჩვენგან მიაქვთ... „გიკამანდრებთო“ და აი მაგათი კამანდრობაც ხომ ნახეთ. ვაი თუ ერთი პირი გვექნებოდა!..

III გლახი ფუ როგორ წახდა ხალხი...

II გლახი ჩვენ დროში მართლაც არ ეცხოვრება კაცს... უმჯობესია მოვიხუროთ მგლის ტყავი და ტყეში გავიქცეთ.

იასე ქეშმარიტად... ქეშმარიტად... დაბალ ლობედ ვართ მიჩნეული... ყველა ჩვენ გვატყუებს და გვეცარცავს... სიტყვით რას არ გვპირდებიან—საქმით კი ამასავით შანტაჟისტობენ. საქორწილო ფული სჭირდებოდა, ნახა შემთხვევა და ასწაპნა. მაგრამ დიდია ღვთის განგება, იგი ყველაფერს ხედავს და არავის არაფერს შეარჩენს...

II გლახი ხალხი რას ამბობს?

იასე რა უნდა სთქვას... (მიუთითებს მარცხნივ) აი, მიდი ნახე, თავზარდაცემულნი როგორ ენარცხებიან ერთმანეთს...

I გლახი (გოწიას) კოწია, ვინ უნდა მოვიდესო?

კოწია რაიონის კომისარი.

III გლახი ვიცი ეხლა ამ საქმეზე მთელი ქვეყანა შეინძრევა...

იასე შეინძრეს, არ შეინძრეს—ეხლა გვიანდაა...

I გლახი ამბობენ მთელი მახრა დაძრულა და ქალიან კაციანათ ყველანი აქეთკენ მოეშურებიანო.

II გლახი ვაი ჩვენი ცოდვის ბრალი...

I გლახი მიქელა ჯერ კიდევ არა სჩანს?

იასე სირეთში ყოფილა, ფარნამ წელან კაცი აფრინა... საწყალი ბერი კაცი, როგორ მებრალემა... იცით, სახლი არ უნდა დაეწვათ უნამუსოებს... ეს მეტის მეტი თავხედობაა... მე და ჩემმა ღმერთმა (შემოდის ფარნა და გოწიას ეტუვის რადაცას).

I გლახი ვერ გაიგეთ, ვინ ესროლა?

ფარნა (მოახედავს) ესტატე მინდაძემ... ხომ იცი რა ფეთიანია... (გლახები გადაიან მარცხნივ).

იასე (ფარნას) სხვა, როგორ გუნებაზე ხარ, მომავალო თემის თავო? სახე თითქოს მოგდრეცია... რა მიზეზია? ხომ არ გინდა ვითაქო... გაიხედე, იქ ცის კიდურზე შენი მზე უკვე ამოდის. (მიცვალებულისკენ

შიხედავს) მეტი ჩარა! ეხლა ხომ ნახე რა შესძლება „ფრთა მოტეხილ ყორანს“... (სიოხიოებს).

ფარნა ქალის რა გაიგე?

იასე თითქოს გონება შერყევია, მაგრამ არაფერია. როგორც წესია, ცოტა ხანს გიჟობანას წაითამაშებს—მერე, როცა ყველაფერე თავის კალაპოტში ჩადგება, მიიხმე და დაგაქორწილებ... ჩვენები ყველანი აქ არიან თუ იცი?

ფარნა ყველანი—გარდა ზოსიაშვილისა.

იასე იქნება ხალხშია არეული.

ფარნა არა, არსად არა სჩანს.

იასე მერე რა! დიდი ამბავი მომხდარა.

ფარნა ნუ მასხრობ, მაგის დრო არ არის. იმის საქციელი მე ძლიერ მათიქრებს...

იასე როგორ?... შენ გგონია ის ჩვენ გაგვცემს? არა... დაგარწმუნებ, ჩემს მოწაფეებში ყველაზე სანდოთ ის მიმაჩნია... ცოტა გულ ჩათხრობილი ბიჭია და მიტომ გეჩვენება ასე. (ისმის ხმაურება ხალხის მხრიდან).

ფარნა ეჰე... ამ საქმეზე ახლა იქ დიდი კამათი და აურ-ზაურია.

იასე რა გენაღვლება... ერთმანეთიც დაუჭამიათ... გამიგონე, რა გითხრა...

ფარნა აბა...

იასე ქალაქიდან ისინი მოსულან ყორანძის მეთაურობით.

ფარნა რომელი ყორანძის?

იასე აი, ცნობილი რაზმელი... 905-ში რომ თარეშობდა და კანათის ძაფზე აცმულ ადამიანთა გამხმარ ყურებს ჯიბით დაათრევდა... (ჯამლეტზე მიუთითებს) მაშინ ამათთან იყო, ეხლა კი იმათთან.

ფარნა მერე?

იასე დახმარებას ითხოვენ... რაკი ეს მოვიშორეთ... (ჯამლეტზე) და იმედია თემსაც შენ ჩაუდგები სათავეში, რა დაგვიშლის ფარულათ ხელი შეუწყობთ, მით უმეტეს ფულებს ჩეჩქივით არიგებენ...

ფარნა რაში უნდა დავეხმაროთ?

იასე ყველაფერში... ფარნა! ბედი კარს მოგვდგომია და აბა შენ იცი როგორ მასახელებ... ეს ის ხალხია, რომელიც, რა თქმა უნდა, დიდხანს ვერსად ვერ იბოგინებს... მაგრამ ძველ რუსეთს კი ჩქარა დაგვიბრუნებენ... მაშინ კი სამკალი ბლომათ გვექნება... ვინ იცის, მაშინ რამდენ ამისთანას (ჯამლეტზე) ჩამოვაპროწიალებთ თოკზე.

ფარნა

ვინ არიან?

იასე

სულ ქართველები, მაგრამ ისე სძულთ საქართველო, როგორც ურიას ღორის ხორცი. დიდი შტერი და აბრაგი ხალხია, მაგრამ ჩვენ რა, მგლებსაც დაუჭამია ყველანი...

ფარნა

კარგი... მაგაზე შემდეგ... წელან ხომ ნახე, თავადებმა როგორ იტირეს...

იასე

დაგვაცადონ... ჩვენ მაგათ თავის დროზე სულ სულ სხვა ხმაზე ავატირებთ... (ისმის ჩიჩქალი მარჯვენა მხრიდან, ასე გაიხედავს) ეპე—შენიძრა ხალხი... ალბათ მობრძანდება მაგათი „პრისტავი“, ყველაფერი ისეა, როგორც ძველად. პრისტავი და კომისარი—რა განსხვავებაა. თავის ჭკუაში ვითომ ცხოვრებას სხვა იერი მისცეს... (ხითხითებს) თუმცა სიმართლე უნდა ითქვას, მოქალაქე მეხადე მართლაც რომ მენი ვაჟკაცია. (შემოდის სოფლის მილიციული თელა).

ფარნა

რა ამბავია, თელა?

თელა

კომისარი ერთი როტა მილიციელთა რაზმით...

იასე

(ფარნას) რა მოგდის, თითქოს გაფითრდი.—ახ, ღმერთო ჩემო, რა უშნო კაცს გადავეკიდე, გასწი შეეგებე. (ფარნა გადის).

თელა

(ხალხს გასძახის) ხალხნო! მანდ რას უდგებართ. აქ მოდით ჩქარა... (ხალხი ზღრიალით შემოდის) ამხანაგებო! ნუ ხმაურობთ, დაირაზმეთ. (ხელით აჩვენებს და ისინიც ჩამწყვრივლებიან სულ განახული. ისმის კულისებში კომისარის მკვეთრი ბრძანება) „გარს შემოერთყით და ვინც გაიქცეს, ტყვია გულში“... (შემოდის შეიარაღებულნი მილიციული და ხალხს გარშემო ერთმან).

კომისარი

(შემოდის და რა დანახავს მიცვალებულს, შუბლში ხელს შემოაკრავს) ახ, ღმერთო ჩემო, ამას რას ხედავს ჩემი თვალები... ეს იყო, ბიჭო, შენი ქორწილი! (გულ ამოსკვნით) ჩვენო სიამაყევე, ვინ წყეულმა შეანგრია შენი სპეტაკი შუბლი და კეთილშობილი გული. ჯამლეთ! ჩვენო უბადლო რაინდო, ჯამლეთ! (კომისარის სიტყვებზე ხალხშია გაიშმის ქვითინი, ხალხს) ხალხნო, ეს რა საშინელება დატრიალებულა აქ. იცით თქვენ ვინ იყო ეს ადამიანი? ჩვენმა მოწინავე დემოკრატიამ დამხმარე ძალათ ახალ ცხოვრების მოწყობაში შემოგთავაზათ თვისი ბალიდან უმწვენიერესი თაიგული. კაცი, რომელმაც მთელი თავისი ნორჩი და ფრიად ღამაში სიცოცხლე საუკეთესო მომავლისათვის ბრძოლაში გაატარა, მაგრამ თქვენში კი ის მოჰკლეს.

ეთი ხმა

ამხანაგო კომისარო! საშინელია თქვენი ბრალდება. ხალხი აქ არა-

ფერ შუაშია... ის მოჰკლეს კოსტა მინდაძის ნათესავებმა... როცა ზარის ხმაზე ჩვენ მოვგროვდით, საყვარელი კაცი უკვე მკვდარი ეგდო სწორეთ იმ ალაგას, საცა ეხლა ასვენია... ჩვენ ამ საქმისა არა ვიცით რა... თავზარდაცემულნი ველით თქვენგან ამ საქმის გაშუქებას... თუ რამე იცით, გვითხარით ღვთის გულისთვის...

ხალხი

გვითხარით, გვითხარით.

მეორე ხმა

თუ იცით დახმარავენი, ჩვენ მოგვეცით, რომ აქვე გამოვლადროდ ყელეები...

ზოგი ხმა

მოგვეცით, მოგვეცით.

კომისარი

ღიახ, მე ყველაფერი ვიცი... ეს შეიქმნა მსხვერპლი საზარელი შეთქმულობისა... ეხლა თქვენს წინაშე გადაიშლება მომხდარ ამბავთა საზარელი სურათი... მე შეშინია (ამ გარემოებამ არ დასწყვიტოს თქვენი მოთმინების ძაფები, ვინაიდან ყოველივე, რასაც აქ გაიგონებთ, გამოიწვევს თქვენი სინიდისის უკიდურეს აღშფოთებას... მაგრამ გთხოვთ მოიკრიფოთ ძალ-ღონე და ბოღმა-ვარამი გულში ჩაიკლათ... მოიქეცით ისე, ვით შეჭფერის შეგნებულ ხალხს... (ამ დრახს მიღიციელებს უკან შემოუერთდება რამდენიმე ათეული შეიარაღებული კაცი) თქვენ ვინა ხართ, ყმაწვილებო?

ერთი იმათგანი

ჩვენ ახლო-მახლო თემების გვარდიელები ვართ. მოვედით, რომ გავიზიაროთ საერთო უბედურება...

კომისარი

კეთილი. აბა, დინჯათ, წესიერება არ დაირღვეს, მე ვიწყებ: შემოიყვანეთ ის კაცი... (ორი მიღიციელებს შემოიყვანს ზირ ახვეულ ზოსიაშვილს) მოხადეთ ყაბალახი... (მოხდას) აი მინდაძის ერთი მკვლელთაგანი, რომელიც ღღეს გამომეცხადა და თუმცა გვიან, მაინც ყველაფერი აღიარა. (მიღიციელებს) რკალი მაგრათ... არავინ გაბედოს გაქცევა... (ზოსიაშვილს) ზოსიაშვილო! როდის მოხდა მინდაძის მკვლელობა?

ზოსიაშვილი ხუთშაბათ საღამოს.

კომისარი

რამ გაიძულათ უქვეყლათ მოგეკლათ?

ზოსიაშვილი

ერთი ჩვენთაგანის ცოლს ყვარობდა თურმე და შური ვიძიეთ.

კომისარი

ფულებიც ხომ წაართვით?

ზოსიაშვილი

ღიახ 120.000.

კომისარი

კარგი, მაგრამ იმას რაღას ერჩოდით, საბძელში რომ დაუმარხეთ მოკლული? (ჯამლეთზე).

ზოსიაშვილი

თავდაპირველათ ეს ჩვენ ფიქრადაც არ მოგვსვლია, მაგრამ ჩაგვა

გონა ერთმა წყეულმა: ის ჩვენი მტერია, მოჰკლავენ და ხალხზე ჩვენ გავბატონდებითო.

კომისარი შენ რანაირი მონაწილეობა მიიღე მკვლელობაში?

ზოსიაშვილი მე მხოლოდ საბჭელში საფლავი გამათხრევენეს... კოსტას დახრჩობას თუმც დავესწარი, მაგრამ მონაწილეობა არ მიმიღია. ამხანაგებს ვყარაულობდი.

კომისარი დაასახელე განმეორებით მონაწილენი.

ზოსიაშვილი ბატონო კომისარო, რა საჭიროა... აკი იქ მოგახსენეთ.

კომისარი (შკაჩრათ) სთქვი... მე მსურს ხალხმა შენი პირიდან გაიგოს ყველაფერი. დაიწყე.

ზოსიაშვილი სიკო ჩხირაძე.

კომისარი გამოდი! (გამოდის ხალხიდან ჩხირაძე და განცალკევებით დგება) მერე?

ზოსიაშვილი კოწია უმანიძე (კომისარი შეხედავს კოწიას თაფით მდგარს მიტყაფებულთან).

კომისარი ახადეთ იარაღი! (ერთი მიღიციელი იარაღს ახდის და ჩხირაძეს ამოუყენებს გვერდში. უმანიძეს), ვისი განკარგულებით ყარაულობდი მიცვალებულს?

კოწია ფარნა შავგულიძის...

კომისარი (დაჭკვესავს) წყეულა და კრულვა! (ზოსიაშვილს) შემდეგი?

ზოსიაშვილი მე...

კომისარი შემდეგი?..

ზოსიაშვილი სათემო გამგეობის წევრი ფარნა შავგულიძე...

კომისარი გამოდი, გათახსირებულო... (ფარნა გამოდის, კომისარი ზოსიაშვილს) დაასახელე შეთქმულობის მოთავე...

ზოსიაშვილი იასე ბროგიშვილი... (გამოდის იასე).

კომისარი (იასეს) შესაძლებელი რომ ყოფილიყო, ათას სიკვდილსაც არ გაკმარებდი, კაცთა შორის უსაზიზღრესო.

ხალხი სიკვდილი მაგათ, სიკვდილი!

კომისარი სიჩუმე, ხალხო... (ხალხი დაწყენადება) გადაჭრით ვაცხადებ, რომ ეს აესულნი თქვენ კვლავ აღარ დაგიბრუნდებათ... მაგათი სუნთქვა შემზარავი ამ მიდამოს ველარ მოშხამავს... აღბათ დაჰყნოსეს ვერაგებმა აღსასრულის მოახლოება და, ერთი ვინმეს თქმისა არ იყოს—კარებიც მიტომ ისე მაგრად მიაჯახუნეს... (დამსწავვეებს) ჩვენი ცხოვრების ტარტაროზნო, ეხლა ხომ ნახეთ, რომ ის კაცი, (ჯამღეთზე) თვენ ვერ დაამარცხეთ ვერც ცოცხალი და ვერც მკვდარი... გამოეყოს მი-

ლიციას რამდენიმე კაცი... (გამოეყოფიან) გარს შემოერთყით! წაიყვანეთ ესენი გამგეობაში და ელოდეთ ჩემს განკარგულებას. ფხიზლათ იყავით. (გაჭკვავთ. მთავრად შორიდგან ქალთა ერთი-ორი შეკვივდება).

თელა

(შემოდის სსსწრათ) ბატონო კომისარო. მიცვალეხულის მამა და დანიშნული მოდიან თავიანთ ნაცნობ-ნათესავებით. წინ მოუძღვით სამაზრო ერობის გამგეობის თავმჯდომარე დიმიტრაძე და ახალი ინჟინერი, რომელთაც ირმეთიდგან თან მოჰყვა გვარდიელთა ორი ასეული მუზიკით. (ჩამოდგება).



კომისარი

(ჯამღეს) გაიღვიძე, ჩვენო არწივო, შენს მჩქეფარე ბუნებას არ შეჭფერის ეს მღუმარება, ხომ გაიგონე მოდიანო, „ყველანი მოდიანო“. მაშ წამოხტი და შენებურათ დაგვიტრიალდი. ახ, ამის მომსწრეს ბევრათ მიჯობდა, ეს დღე რომ არც მე გამთენებოდა. (ხალხს მკვეთრი ხმით) სახელოვანი მოქალაქის, მებრძოლის და მამულიშვილის დიდ მწუხარებაში მყოფნი მამა და დანიშნული მობრძანდებიან... გთხოვთ ქულები მოიხადოთ ყველამ... (მილიციას და გვარდიას რიხანათ) ამხანაგებო! სახალხო გვარდია და მილიცია, სმენა! (თითონ ხელს მიიღებს ქუდთან და ისე ჩერდება, მილიციელები და გვარდიელები ფიცხლავ გასწორდებიან რაგზე. ამ დროს ორკესტრი კულისებში სამკლავიარო მარშს დაუწყავს. მცირე ხანის შემდეგ გამოჩნდებიან უზამო მწუხარებაში მყოფნი: წინ მიქელა, რომელსაც მიუჩნობია თაღს კაბაში გამოწყობილი ერმისა, იმათ მტყუვების ირინე, არეთა, ნესტორ კირსანიძე ცოლ-შვილით, დიმიტრაძე, ინჟინერი და იმათ უკან ირმეთელ გვარდიელთა თოფიანი რაზმი).

მიქელა

(მიცვალეხულის დანახვისას) ვახ ჩემს სიბერეს! ვახ ჩემს მოსწრებას! (იმავე დროს დიაცნი ერთს შეკვივლებენ და მუისვე ჩამოეშვება)

ფ ა რ დ ა



სარედაქციო კოლეგია:

ივ. ჯამბაჯიანი
ს. აბაშელი
ვარ. რუხაძე
არ. რუხაძე
ობოლი მუშა

1919 წ. დეკემბრიდან გამოდის ყოველ-თვიური სამხატვრო-სალიტერატურო ჟურნალი

„ც ი ს ა რ ტ ყ ე ლ ა“

გამოცემა რკინის გზის მუშა-მოსამსახურეთა პროფესიონალურ კავშირის ცენტრალურ გამგეობასთან არსებულ კულტურა-განათლების კომისიისა.

ყოველგვარ პირობების გასაგებად მსურველებმა უნდა მიმართონ ამავე კომისიას,—თბილისი, ელისაბედის ქუჩა, № 200.